

本草彙言

本草彙言卷之十一

錢塘 倪朱謨純字甫選集 男倪洙龍沖之氏藏稿

沈公岐則施甫校正

木部 寓木類

茯苓味甘淡氣平無毒氣味俱薄浮而升陽也入手少陰

太陰太陽陽明足少陰太陰太陽陽明八經

別錄曰茯苓生大山山谷及華山嵩山鬱州雍州諸處
古松根下李氏曰龜策傳作伏靈蓋松之神靈之氣伏
結而成故謂之伏靈伏神也又曰下有伏靈則松頂盤
結如蓋時有形絲上蒼非新雨初霽澄徹無風不易現
也陶氏曰此即古松靈氣淪結成形如得氣之全者離
其本體故不抱根如得氣之微者止能附結本根故中
心抱木小者如拳大者如斗外皮皴黑內質堅白形如
鳥獸龜鼈者良虛軟而色赤者不堪用蘇氏曰又一種
即百年大松為人斬伐枯折槎枿雖枝葉不復上生而
精英之氣亦淪結成形謂之茯苓櫟即于四面丈餘地

內以鐵錐刺地。有則雖固不可拔。無則作聲如鼃者。謂之茯苓窠。中有白色蒙翳。蒸潤其間。如蛛網然。尚屬松氣將結成形者也。亦可人力為之。就所伐松樹根則聽其自腐。取新苓之有白根者。名曰茯苓。鑽截作寸許長。排種根旁。久之發香如馬勃。則茯苓生矣。今浙江溫州處州等處。山農以此法排種。四五年即育成。修治去皮。切片或搗末。水淘去浮末。赤筋。

○茯苓。利水健脾。定志鎮驚。清氣化痰。分理水穀之藥也。

此得松木餘氣而生。甘淡和平。甘能實脾。淡能利竅。溫

而不寒。利而不燥。補而不滯。解結熱。散結氣。而又無消

伐之虞。至清至潔。至和至美之上珍也。凡五味之用。各

有所偏。酸味來而收斂。苦味泄而泄。甘味上行。惟甘

淡之味。最得中和之用。故農皇治胸脇逆氣。憂悲驚邪。

此肝氣不和也。恐悸。心下結痛。此心氣不和也。寒熱煩滿。此脾氣不和也。欬逆。

口焦

此肺氣不和也

舌乾小便不利

此腎氣不和也

五用此甘

淡平和之劑五氣咸和諸病自已矣若李氏方之治腹

脹肢腫肉浮如泥朱氏方之治夢寐驚恐神魂不寧張

氏方之治肺痿肺癰咳嗽膿血甄氏方之治膀胱濕熱

水道不行成氏方之治五痢五泄

養泄瀉泄瀉瀉瀉

大腸不

實此又後世諸醫備詳古人未發之旨也而明初戴氏

直指方云茯苓甘淡純陽緩脾逐水導氣生津平火止

泄此數字盡其用矣善治者當致意焉

魯當垣先生曰質堅色白類金附生松下類木木體而

金用也凡金木互交為病如欬逆喘嗽胸脇脹滿等證

蓋可想見又如膀胱不利為癰不約為遺癰與遺病固

各異均屬膀胱清氣不順使然宜用茯苓之堅白甘淡以化其氣氣化自能出氣化自能止矣有云陰虛者勿用謂其利小便水液下行之力居多下行恐亡陰故云勿用此說殊爲乖謬不知松枝歲寒不凋原具堅骨其精靈之氣旋伏根下潛受陰陽吐納之機有陽長陰生之妙何陰虛之不可用耶不知補陰之藥往往俱用茯苓如六味九滋陰九養陰九益陰九未嘗不用茯苓者也。

潘鄧休先生曰張三丰有茯苓贊云形質塊磊芳香清潔幽潛深邃恬憺勿烈體陽用陰充氣貫脉能泄能收勿寒勿熱通神攝魂守志養魂上可實中滿可決神

化無方。真人之訣。

陳月坡先生曰。茯苓甘平溫厚。淡滲利竅。觀利竅二字。有無限功用。利竅則小便結閉可通。利竅則淋瀝遺溺可止。利竅則外邪可出。而汗可發矣。利竅則內神可收。而汗可止矣。神而明之。悟心者得之。粗工執一之士。勿語此。

○集方治胸脇逆氣。聖濟總錄或脹或痛者。用白茯苓一兩。人參三

錢。陳皮三錢二分。木香一錢。分作四帖。清水煎服。○治

憂^{許維心方}患驚邪。致成心忪不寧。精神恍惚。怔忡健忘。甚至失

魂喪志。顛狂痴醉。用白茯苓一兩。酸棗仁。遠志。半夏。當

歸。各六錢。川芎四錢。分作四帖。水煎服。臨服時調硃砂

末一分五釐。○治治恐悸治夜臥交睫則夢鬪爭敗負恐怖

之狀此屬心血虛而有痰者用白茯苓三錢半夏二

錢水煎服臨服時加鹿角膠五錢白湯溶化沖入○治

心常忪悸治行事懼往或忘前失後用白茯苓白檀香各

二錢肉桂一錢五分石菖蒲天竺黃犀角各六分麥門

冬遠志酸棗仁人參各八分甘草一錢共為細末煉蜜

丸如彈子大每服一丸臨睡米湯化下○治治心下結痛

因心氣虛而有痰者用白茯苓二錢半夏一錢五分

當歸身廣陳皮各一錢甘草五分水煎服○治治寒熱煩

滿因脾虛有停水積飲者用白茯苓半夏各二錢五分

廣陳皮一錢五分甘草五分厚樸薑汁炒前胡乾薑各

二錢。生薑三片。水煎服。○治欬逆與喘子方氣急而咳即口焦今之頓喘也

也。肺氣不順。用白茯苓二錢。半夏一錢。陳皮八分。甘草

五分。麥門冬。知母。黃芩。各一錢二分。水煎服。○治舌乾

小便不利。心火亢甚。腎水衰微。用茯苓二錢。懷熟地三

錢。川黃連。白芍藥。黑山梔。各一錢二分。甘草五分。燈心

廿根。水煎服。○治腹脹肢腫。肉浮如泥。氣息喘促。用白

茯苓。生半夏切片。生薑湯泡。葶藶子。各一錢。牽牛子一

錢六分。微炒燥。共為末。每早服二錢。生薑湯調下。○治

夢寐驚恐。神魂不寧。用白茯苓一兩。石菖蒲五錢。甘草

三錢。硃砂二錢。共研極細末。煉蜜丸。如龍眼核大。每早

晚各服一九。燈心湯下。○治肺痿肺癰。咳嗽吐血。用白

茯苓、百合、米仁各一兩，白朮五錢，川貝母八錢，去心，共爲末，每服三錢，不拘時，白湯調下。○治膀胱濕熱，水道不行，小腹脹悶，用白茯苓、海金沙各五錢，車前子、淡竹葉、茵陳葉各四錢，韭菜子三錢，共爲末，每服三錢，早晚白湯調下。○治五泄五利，大便不實，用白茯苓一兩二錢，猪苓、澤瀉、麥芽、穀芽、防風、陳皮、升麻各六錢，白芍藥四錢，俱炒燥，分作六劑，水煎服。內熱者，本方每劑加黃連八分，黃芩一錢，俱酒炒。內寒者，加補骨脂炒一錢，木香八分。內虛者，加人參二錢，白朮炒一錢。內實者，加麩炒枳實二錢，五分，紅麴三錢。

○續補集方治心神不定，時復振跳，恍惚健忘，情緒不樂。

水不上升。火不下降。常服消陰養火。保全心氣。用白茯苓二兩。沉香五錢。人參六錢。共爲末。煉蜜丸。小豆大。每服五十丸。白湯下。○治陰神虛耗。出心汗者。別處無汗。獨心孔有汗一片。此由思慮勞心過多。用白茯苓。人參各等分。共爲末。每服一錢。真蘄艾湯調下。○治心虛夢泄。或白濁者。用白茯苓爲細末。每服二錢。米湯調下。○治男子遺精白濁。小便後餘瀝常流。并夢寐多驚。頻頻遺泄。及婦人白淫白帶。穢水不淨。並皆治之。用白茯苓八兩。去皮。切作塊。如圍棋子大。猪苓三兩。切片。用湯五碗同煮。二三十沸。取出。日乾。揀去猪苓。以茯苓爲末。用黃蠟溶化爲丸。如彈子大。每早嚼一丸。空心津下。以小

便清為度。忌米醋。○治小便頻多不禁并五淋白濁諸

證用白茯苓八兩為末以新汲水按洗去筋日乾乾山

藥十兩切碎以白礬一錢泡湯浸一晝夜日乾共為末

以熟地黃八兩酒煮搗爛成膏為丸如彈子大每早晚

各食前嚼化一九米湯送下。○治水腫尿澀用白茯苓

皮花椒子煎湯日代茶飲半月効。○治面上雀斑用

白茯苓末蜜和夜夜敷之。一月全愈。

治一人病遺精聞婦人聲即泄瘡甚欲死醫告術窮仲

淳以茯苓遠志蓮鬚石蓮子各二兩沙苑疾藜三兩炒

牡蠣一兩火煨魚膠四兩切碎火焙共為末煉蜜九

桐子大每早晚各食前服五錢白湯下。

琥珀味甘氣平無毒陽中之陰降也入手少陰太陽足厥陰經。

別錄曰琥珀生永昌龍上寇氏曰今西戎高麗海南諸國皆有。即松木榮盛時脂流入土千歲淪結所成也。中有蜂蠅蟻蟲之類形色如生此因炎日所灼脂流出時諸蟲粘住漸流漸結內裏而成。雷氏曰琥珀不一種有象物珀成有物形即前蜂蠅之類有血珀深紅如血色有赤松珀濁大而脆文理皆錯有水珀淺黃色多皺文有石珀深黃色重如石有花珀文如新馬之尾松心而黃白相間凡諸木有脂者入土千歲皆能化珀所未燒之即有木氣自知也別有一種蜜蠅珀臭之有蜜蠅香色黃白即深山野蜂蜜入土所化今關南山中獨多又一種磁脂珀燒之有楓木氣即楓木脂所化也入藥惟取松脂血珀體輕者良。江元之云薛立齋入禁內視疾。穆宗賜松珀簪色紅如霞可知年久桃脂入土亦能成珀。縱使樹雖枯脂入地自能成珀。惟東南海外諸木脂化珀者有之。西北方無有也。今市中有偽者以雞蛋黃煮陳成或青魚枕骨造成。琥珀也宜細辨之。

○琥珀鎮定心神澄清濁氣行逐瘀血之藥也此得松木

清氣所結。精英所聚。質堅如石。體輕如櫟。原其清明瑩
潔之相。故大氏方治心氣浮越。躁亂不寧。以致失神喪
志。魂魄不定。或驚悸怔忡。癲癩昏塞。或睡寐陰邪。鬼魅
憑附。他如瘀血敗穢。留滯經絡。或目珠翳障。或腹胃痞
蟲。或小便淋閉。結塞不通。此藥如神明在躬。莫安神室。
故驚狂可定。如曉霞秋露。清淨無滓。故瘀血轉瘦。目翳
淋閉。諸證可退矣。但體質輕清。而性多燥。如血燥陰虛。
腎虧髓乏。以致水涸火炎。小便不通者。服之反滋燥渴
之苦。用者審之。

李士朴先生曰。琥珀。感土木之氣。而兼火化者也。色黃
味甘。有良止之義。故能安神而歛魂魄。體輕滲利。有導

注之象。故能行血而利小便。

許繼心先生曰。琥珀與茯苓皆自松出。而所稟所治各異。茯苓生于陰。而成于陽。琥珀生于陽。而成于陰。茯苓所生日淺。但可治氣而安神。琥珀所稟日深。兼可治血。而又鎮心神。化小腸氣也。

○集方治

神者毛鎮南傳云經畧心虛有熱。神志不寧。若癲若癇。如癡如醉。或似

神鬼憑附。或似妖邪牽絆。此藥並能治之。用血色琥珀三錢。以厚布包裹。以重斧錘擊碎。布損再易新布。再擊成碎小塊。用滾水泡蒸一時。入鐵礮內。研爲細末。茯苓、石菖蒲、川貝母、甘草、膽星、天竺黃各三錢。珍珠一錢。俱炒黃。緩緩研爲細末。丹砂研細一錢五分。真牛黃七分。

眞冰片五分。俱研細通共十一味。總和以乳鉢內。再研二千轉。入淨磁鉢內收貯。每有是患。五更早晚。一日三次。每次用一分。以燈心生薑泡湯調服。或人參生薑泡湯亦可。治產後惡血內阻不行。胸腹脹滿。危在旦夕。用琥珀一兩。製法同前。火硝硫黃各一兩二錢。此二味俱研細。用米醋一碗。將硝硫二味入磁鉢內。隔湯蒸以醋乾。爲度。和琥珀末。再總研極細。五靈脂酒浸淘去砂石。淨脂晒乾。二兩。乳香沒藥各八錢。瓦上焙出油。同五靈脂共研細。恐粘乳鉢。和火酒一鍾。共研則不粘。研勻。和入琥珀硝硫末子。再研勻。圓成丸藥。如彈子大。每遇此患。用淡薑湯化服。一丸。重者不過三丸。卽愈。此方不惟治

產後瘀血。凡癥瘕蠱脹。及跌打損傷。內有瘀血者。亦宜

服。○治跌撲損傷。及從高墜下。有瘀血在內。用琥珀末。

二錢。大黃末一錢。和勻。酒調服。○治金瘡出血不止。悶

絕。不知人事。用琥珀末一錢。童便調服。外以琥珀末和

赤石脂末。各等分。敷之。血即止。○治小兒胎驚。用琥珀

末五分。丹砂二分五釐。共研和勻。用乳汁調數匙。入口中。

○治小兒胎癰。用琥珀末。丹砂末。研極細。各五分。全蠍

一箇。研極細。和勻。麥門冬湯調服。數匙。入口中。○治目

中生翳。以琥珀末。珍珠末。煆滑石。各等分。研極細末。點

眼。數日。翳退。○治小便砂石。諸淋。并小便不通。轉胞脹

滿而痛者。用真琥珀六錢。如前法為末。葱白甘草水五碗。

煎三碗取葱湯調珀末三錢服之重者不過三服効。

治產後血暈悶絕或惡血凝脹并癰瘕氣塊及兒枕痛

並宜服之用真血琥珀製法如前鼈甲火燒酒淬京三稜玄

胡索俱酒洗炒各一兩真沒藥真乳香俱瓦上焙出油

各八錢大黃酒煮六錢俱研細爲末每服三錢空心好

酒調下間日再服神驗莫及一方不用大黃○宋高祖

時寧州貢琥珀枕碎之賜軍士數金瘡立時止血生肌

豬苓味甘淡微苦氣平無毒氣味俱薄降也陽中陰也入足太陽足少陰經

別錄曰豬苓生衡山山谷及濟陰宛句大楓樹下今所在楓樹亦有之生根零落形如豬屎故名皮黑肉白堅實者佳修治以銅刀刮去粗黑皮淨水浸一夜取出切片晒乾用李氏曰豬苓亦是木之餘氣所結如松之餘氣結茯苓之義生于諸木根底他木皆有

○豬苓滲濕氣利水道今月分解陰陽之的藥也此藥味甘淡

微苦苦雖下降而甘淡又能滲利走散升而能降降而能升故善開腠理分理表陽裏陰之氣而利小便故前古主痃瘕解蠱毒甄氏方主傷寒溫疫大熱能發汗逐邪此分利表陽之氣于外也張氏方主腹滿腫脹急痛心中懊懣瘧痢瘴瀉此分利裏陰之氣于內也張仲景

治太陽病。脈浮。發熱消渴。而小便不利者。用五苓散以發其汗。病消渴。欲飲水而復吐水者。名爲水逆。用五苓散以止其吐。冬時寒嗽。兼寒熱如瘧狀者。名爲痰風。用五苓散以定其嗽。此三法俱重在豬苓開達腠理。分利陰陽之妙用也。又繆氏方單重前古神農氏主痰瘧立意云。瘧必由暑。暑必兼濕。此藥淡以利竅。引暑濕之氣上從腠理出。下從小便出。所以善解散而分消之也。又推淡滲之性而利水道。故小便癃閉可通。身面腫脹可退。濕熱痞滿可除。解利之用無如此快。但利水之功居多。分泄太甚。病人無水濕病者忌之。腎虛津液燥乏者亦忌之。

盧子由先生曰。苓曰豬苓。形相似耳。豬爲水畜。苓卽水
令。自上而下者。使之自下而上。自下而上者。使之自上
而下。痰癰則木鬱。蠱癰則土鬱。腫脹癰閉則水鬱。木鬱
則達之。土鬱則奪之。水鬱則折之。豬苓兼而有也。轉氣
化之機。衡故爾。張石峯曰。世知行水。未知折水。併

○集方

林完仲方。豬苓。土。盧公之言。實發先機。

治痰癰不分新久。用豬苓一兩。茯苓五錢。柴胡四

錢。半夏三錢。甘草一錢。生薑三片。大棗二枚。水三碗。煎
一碗。未發前服。渣再煎。發後服。頭疼加羌活。熱多加
知母。寒多加桂枝。乾薑。煩渴加天花粉。滑石。渴甚加麥
門冬。腹脹加檳榔。厚樸。無汗加葛根。汗多加白芍藥。有
食加枳實。蘿蔔子。有痰加蒼朮。白芥子。氣喘加杏仁。蘇

子大便熱閉加葶仁酒製大黃精神疲憊元氣虛乏加

人參黃耆白朮當歸嘔吐加砂仁遍身骨節痛加秦艽

紅花發久不止加木瓜牛膝人參白朮腹中生瘡母加

桃仁鼈甲花椒我朮附子川黃連腸中有停飲加芫花

吳茱萸木香薑汁製南星加減法分兩多寡隨病增用

○治^{醫林小}蟲疰腹脹痛面黃體瘦用豬苓一兩燈心五十莖

水二碗煎一碗服○治^{醫林小}傷寒溫疫大熱大渴無汗而小

便不利或自利者用豬苓一兩茯苓三錢澤瀉二錢白

朮一錢甘草五分水煎服○治^{醫林小}腹滿腫脹急痛心中懊

懣用豬苓一兩車前子去殼三錢葶仁二錢枳實一錢

陳皮八分水煎服○治^{醫林小}時行瘡癰瘡痢瘡瀉^{山谷風濕}

^{風濕之氣}

人感之。不論傷寒瘧痢。與泄瀉。兼發熱頭痛。用豬苓二兩。胸滿不食。大小同病。名曰瘧邪。病在太陰。兩。茯苓。紫蘇葉。各五錢。蒼朮。厚樸。各三錢。生薑。五片。水六碗。煎三碗。有是患者。俱可服之。○治小便癃閉不通。用豬苓。一兩。茯苓。澤瀉。各五錢。滑石。二錢。真阿膠。三錢。水煎服。○治通身腫滿。小便不利。用豬苓。四兩。為末。每用五兩。五錢。白湯調服。日三次。○治腹滿。內有痞結者。用豬苓。二兩。茯苓。白朮。枳實。砂仁。各一兩。五錢。為末。每用五錢。白湯調服。日三次。

治脾胃不和。水穀不化。陰陽不交。腹痛泄瀉。各胃苓湯。
用豬苓澤瀉白朮茯苓各二錢。肉桂七分。蒼朮厚朴陳
皮各一錢五分。甘草六分。加生薑三片。黑棗二個。水煎
服。○如木瀉加滑石一錢。○暴痢赤白相雜。腹痛裏急
後重。去桂加木香檳榔黃連各一錢。○久瀉不止。加升
麻人參各一錢。○濕勝加防風升麻各一錢。○食積加
枳實麥芽神麴。○口渴加葛根一錢五分。
治腹中痛。一陣瀉一陣。後去如湯。後重如滯。或瀉下黃
色。小水短赤。煩渴引飲。是火瀉熱瀉也。以四苓散加味。
方用豬苓二錢。澤瀉茯苓白朮各一錢。黃連黃芩黑山
朮白芍藥各一錢二分。滑石甘草各二錢。水煎服。○腹
中作脹。加枳殼厚朴各一錢。○腹痛加砂仁山查各一
錢。○嘔逆惡心。加藿香半夏各一錢。○小水短少。加木
通。○前各一錢。瀉多不止。加人參一錢。肉豆蔻烏梅各
一錢。○瀉多元氣虛脫。加人參黃耆乾薑去苓連梔滑

雷丸味苦鹹氣寒有小毒氣薄味厚陰也降也入手足陽明經

別錄曰雷丸生石城山谷及漢中今建平宜都房州金州諸處亦有蘇氏曰生竹林土中乃竹之餘氣滋陰所成也無苗蔓狀如栗紫相結不相連屬又如豬苓而圓皮黑肉白甚堅實八月采雷氏曰修治用甘草水浸一夜銅刀刮去黑皮切作四五片以甘草水再浸一夜日乾用如赤色者能殺人宜陳去之

○雷丸去蠱毒殺諸蟲之藥也夫人腸胃有濕熱之氣能令蟲生此藥苦寒善逐能去濕熱而破一切蟲積又研細作膏敷腹上治小兒百病概夫小兒百病則知食物停滯停滯必生濕熱濕熱必致百病此藥破蟲攻積一理而已前古言利丈夫不利女子利乃疎利元氣之利非補養利益之利也故別錄有云久服令人陰痿正見

其過于苦寒偏至之氣耳。除蟲積蠱毒之外。亦無他用。如病蟲積日久。脾胃衰憊者。亦禁用之。

○集方治寸白蟲方俱經氏定用雷丸水浸去皮切焙爲末。五更初先

食炙肉少許。以稀粥湯調服一錢。須上半月服。蟲乃下。

○治小兒疳虵。用雷丸蕪蘘使君子五穀蟲蘆薈胡黃

連各等分爲末。砂糖湯調服一錢。○治腸胃一切蟲積

用雷丸檳榔鶴蝨棟根貫衆錫灰薏苡根各等分。每服

一錢。空心砂糖湯調下。

桑上寄生。味苦微甘。氣溫。無毒。陽中之陰。可升可降。通行

手足陰陽十二經

別錄曰。桑上寄生。生弘農山谷。桑樹上。其他木如松。楓。榆。柳。樺。櫟。桃。柳。等樹上。間或亦有寄生。形類相似。氣性不同。服之反有毒。求此藥。須得自行親督人采。或買取。惟根間連桑木者方真。采氏曰。近海州。及海外之境。地暖不蠶。桑無采剪之虞。氣厚意濃。乘氣而生。葉如橘而軟厚。莖如槐而肥腴。三四月作黃白花。六七月結黃綠實。大如小豆。汁稠粘。或斷莖視之。色深黃者佳。秋終采。雷氏曰。修治。根莖枝葉。一攪用。用銅刀切細。陰乾。不可見火。此藥難得真者。若以他木寄生者充之。不惟氣性不同。且反生毒害。○或一說。此藥是鳥食他草子木實。零落桑上而生。而寇氏非之曰。如此。則麥當生。麥穀當生。穀草子木實。當生。草與木矣。不當生。此一物也。○又按鄭樵云。桑上寄生。有兩種。一種大者。葉如石溜葉。一種小者。葉如麻黃葉。其莖與子皆相似。○

○桑上寄生。益血。脈。養筋。骨。安胎。娠。去痺。痛。之藥也。此得

桑木清英之氣。附結而生。故功用。比桑尤勝。桑能清氣

而此藥能養氣之精。桑能益血。而此藥能養血之精。桑
○能去風。潤筋骨。而此藥能蘇風濕。健筋骨。而利機關。補
骨髓之情也。故別錄主婦人崩中下血。脹滿淋帶。及產
後一切腹內諸疾。治男子臂膊腰膝。流注疼痛。及一切
痿痺。不用諸疾。又小兒背強。難以俛仰。娠婦腹痛。坐臥
不寧。統能治之。而薛氏詮註曰。桑寄生益血脈。潤經絡。
安胎娠。去風濕。不寒不燥。不滯不利。有和營衛。安內外
之功焉。如他書又云。消癰腫。堅齒牙。潤皮膚。長鬚髮等
語。此又是益血脈。潤筋骨之餘力耳。合滋補血氣藥用。
取効最神。

繆仲淳先生曰。此藥寄生桑上。故諸主形骸寄生之藥。

胎寄生之癰腫。寄生之齒牙。髮髮能安之。消之。堅之。長之。其功獨著。若治腰痛。治背強。治臂膝上下筋骨流痛者。以形類薜蘿。纏絆桑木。相似筋脉之循行連絡。以類相應。故痛可止。強可柔。筋骨上下屈伸不利者。可療之也。

○集方治血脈衰槁。西醫荷濟川傳骨髓虛乏。之後感風濕。乘虛侵于燠理。

或先感風濕。以致留滯血脈。耗涸骨髓。漸成痿痺。手足不遂。臂膊腰膝疼痛。用真桑上寄生。牛膝。木瓜。各四兩。俱酒炒。羌活。防風。川草薢。川石斛。川芎。秦艽。蒼朮。各一兩。俱鹽水炒。白朮。黃耆。當歸。各二兩。俱酒炒。肉桂。黃柏。薑黃。各一兩五錢。海桐皮。石楠葉。五加皮。各一兩八錢。

俱醋炒。虎骨三兩。酒炙。酥香附子一兩五錢。童便炒。白
花蛇二條。乾者切碎。酒炒。依方製炒。俱研為末。煉蜜丸。
梧子人。每早服五錢。晚服三錢。俱白湯下。一方加全蝎
十五箇。酒洗炒。研入。○治婦人崩中下血。脹滿淋帶。及
產後一切腹內諸疾。用真桑上寄生。懷熟地。丹參。各三
錢。當歸身。二錢。川芎。白芍藥。各一錢五分。真阿膠。一錢。
水二碗。煎八分。不拘時服。十劑愈。○治男子風濕流注。
臂膊腰膝疼痛。及一切手足痿痺。不用諸疾。用真桑上
寄生。四兩。牛膝。三兩。俱酒洗。蒼朮。米泔水浸一夜炒。當
歸。酒炒。各二兩。肉桂。一兩。焙。川烏。五錢。童便製過。草烏。
三錢。酒浸一夜炒黃。共為末。每早飯後服。三錢。白湯調。

服。

積氏方

○治小兒背強難以俛仰。無他疾者。用真桑上寄生。

二兩。白朮。當歸各三兩。鼈甲一觔。用滾湯泡洗淨。用水一斗。四味共煎至一升。其渣再用水七升。煎至七合。二次汁總和一處。入砂鍋內慢火熬如飴。加煉蜜二兩。收之。每日不拘時。用米湯調服。數茶匙。如兼有熱疳者。加胡黃連五錢。○治妊娠腹痛。坐臥不寧。用真桑上寄生二錢。當歸一錢五分。川芎。阿膠。杜仲。川續斷。白芍藥各一錢二分。砂仁殼。白朮各一錢。黑棗三箇。生薑二片。水煎服。

松上寄生即女蘿味苦微甘氣平無毒

別錄曰松上寄生名松蘿生熊耳山谷松樹上。山東其
多雜樹上亦有。作取松寄生者入藥李氏曰按毛萇詩注
云松蘿即女蘿又名菟絲也。陸氏言菟絲蔓生草上非
松蘿也。松蘿蔓延松上枝葉似木色正青與菟絲蔓生
草上色赤黃殊異。然二物附物而生。然有時相結。故古
樂府云南山嘉樹菟絲花。北陵青青女蘿樹。由來花葉
同一心。今日枝條分兩處。唐樂府云菟絲故無情。隨風
任顛倒。誰使女蘿枝。而來強繫抱。據此二說則女蘿之
為松上蔓菟絲為草上
莫陸氏之說為的矣

○松上寄生散頭風頭痛風痰風癰之藥也別錄方治時
行溫瘧痰瘧寒熱頭眩諸疾用松上寄生二兩半夏五
錢瓜蒂六枚水煎探吐又千金方治胸膈痰癰積熱用
松上寄生一兩瓜蒂十二枚甘草五錢酒水各三碗煎
一碗分三服取吐如上胃虛弱者勿服

木部 苞木類

竹類不一種。味有苦。有甘。有辛。氣有溫。有寒。俱無毒。

陶隱居曰。竹類繁多。入藥。惟用篋竹。次用淡苦。二竹又
一種。薄殼者。名甘竹。其葉最勝。蘇氏曰。按竹譜。篋竹葉
而促節。體圓。質勁。皮白如霜。大者宜刻。細者可為筴。
苦竹有白。有紫。甘竹似筴而茂。亦名淡竹也。李氏曰。竹
惟江河之南甚多。故曰九河鮮有。五嶺實繁。大抵皆上
中苞筴。各以時出。旬日落籜。成竹也。莖有節。節有枝。枝
又有節。節有葉。葉必三之。枝必兩之。枝下之枝。一為雄。
二為雌。雌者孕筴。成竹。根鞭。喜行東南。六十年一花。花
實則枯。枯曰箬。實曰復。小曰篠。大曰簣。按戴凱之竹譜。
云。植物之中。有名曰竹。不剛不柔。非神非木。小異實虛。
大同節目。益種類甚繁。○倪朱謨曰。按休寧方範水鏡。
唐盧不遠。兩先生集竹類。有名有用。與有名未用。及一
切奇異。筴竹。搜之。海內外。各書其得。一百二十種。曰籊
龍竹。昔黃帝使伶倫伐于崑崙之墟。吹以應律者。曰員
丘。帝俊竹。節可為籥。曰箛竹。肌薄而勁。曰篋竹。節促而
堅。曰棘竹。十數莖叢生。大者有二人圍。肉至厚。中實生
交州諸郡。夷人破以為片。其芽食之。落髮髮。曰筴竹。大
者如冊。虛細長。與南人取其筴。未成竹者。灰煮。續以為

布曰弓竹出東垂諸山中長十餘丈既長且軟不能挺
立曰蘇麻竹斑駁如琥珀長數丈葉大如覆葉可以爲
弓竹中可愛者五嶺左右獨有之曰蘇箬竹葉薄而廣
吳都賦所謂竹則實簪箬於節越女試劍竹是也虎技
是其中最細者曰箬竹生兎嶺之北南嶽之山長百丈
斷節可爲大繩曰服傷竹大者五六寸其中實滿曰拳
摩竹大若茶盤厚而空小見桂嶺皆有見嶺表錄曰筋
竹又名簕竹長三丈許開數十至堅利可以爲矛可作
彈弓弦其笋未成竹時堪爲絛曰箬竹又名百葉竹一
枝百葉生南垂界甚有毒觸其鋒刺傷人必死曰蘇簕
竹爲莖叢生兎吳郡賦曰蘇竹一叢二種似苦竹而細
軟肌薄曰簕竹其大肌薄色白生江南深谷中曰簕簕
竹箬葉而笋可食曰雞腰竹似腰大者不過如指葉疎
皮黃曰蘆竹似蘆出揚州東垂肌理勻淨可以爲簾曰
箭竹高者不過一丈節間二尺堅勁中矢曰箭箬一竹
亦皆中矢曰簕竹一尺嫩節亦可作矢葉大如扇俗謂
之簕箭可以作簾曰細竹若箭可作箭曰莽竹節疎曰
都竹中堅曰蔣竹中空曰竹竹無葉但見爾雅曰桃枝
竹皮滑而黃可以爲席曰簕竹實厚脆孔小幾于實中
安成以南有之曰桃竹生江心礮石間中實如石可以
爲杖曰利竹蔓生若藤中實而堅胡曰漢竹大者二節
容小者容數寸曰箭籥竹大如解指頭筍皮未落

往往有細蟲齧之。擇隕成赤文。以繡畫可愛。曰木竹。出
雷隱山中。堅。微通節脉。曰菰菜竹。生于海南。內實外黑。
曰龍芽竹。其竹長四五尺。稀節。人取必有大風雨雷電
人下山則止。出永嘉大羅山。曰芳竹。有刺。間繞之芒刺。
華然。一豚不能入。出新州石城。宋紹興中。州守覓于某
處植之。曰蓋勃竹。有芒。可以割瓜。見老學菴筆記。曰縣
梧竹。長三四丈。圍一尺八九寸。可作屋柱。出交趾。曰葦
竹。頭有文。曰狗竹。毛在竹間。見臨海異物志。曰無節竹。
色如黃金。堅貞疎節。出嶺南。見竺法真羅山疏。曰石麻
竹。勁利可爲刀。見裴淵廣州記。曰苞竹。堪作布。見顧微
廣州記。曰實心竹。文彩斑駁。可爲器物。曰垂絲竹。枝弱
下垂。見雲南記。曰對青竹。黃面兼青。咸都所出。今兩浙
亦有之。惟會稽頗多。呼爲黃金間碧。曰簾竹。如苦竹。長
節而薄。可作屋椽。曰雙竹。皮青。內肉白如雪。軟細。可爲
索。曰三稜竹。狀若櫻櫚。葉莖柄三脊。曰玉泉竹。葉有往
葉葉不同。楓之可以避患。出硤州。玉泉。見谷子詞。見
宋陳日華項碎錄。曰匾竹。出廬山。善辟蛇。行者嘗持此
竹。笋出亦匾。曰相筵竹。內空。生黃。堪作藥。曰簾竹。內空。
可容米三升。亦生黃。俱出廣州。曰新婦竹。圓而直。可作
筵。出武林。曰疎節竹。五六尺一節。出高潘州。見通志。曰
通竹。空心。直上無節。出溱州。見北戶錄。曰筌竹。大者圓
二尺。出桂陽縣。曰篋竹。中實。有毒。以刺虎。中之即死。出

交趾見山海經注曰龍絲竹高數尺細如針出辰州曰
野竹葉糾結如蠶狀又名蚌蛸竹見語異錄曰蕭管竹
圖綴異于他處葉堅而促節皮白如雪粉出富寧縣慈
姥山曰產斤竹每月生笋山獨嘉定曰雲母竹出扶南
曰舜林竹見山海經此二竹頗大每一節皆可為簫曰
羅陽竹若芭蕉狀曰黎母竹每丈一節曰人面竹有節
一覆一仰如畫人面曰雪竹斑極大紅而有暈出廣西
曰相思竹對抽並胤出蜀涪州曰芒竹出安思縣有青
白紫黃四色曰天親竹末皆兩歧出浙中曰龍頭竹生
若龍頭出成都府彭縣大隋山曰雙梢竹又名合歡竹
初生枝葉即分兩梢出九嶷山曰荻簾竹其竹似蘆荻
冬天不凋曰鶴膝竹節下大小似鶴膝閩人又呼為捷
竹曰石籊竹似石竹而小生閩中曰古散竹節似馬鞭
葉似柑樹而小皮似樓欄曰簕竹長七十丈只梢上有
葉出襄州鳳龍山諸葛亮祠中曰箬竹長百丈圍二丈
五尺厚一尺可以為船出南方荒中見神異經曰籬竹
又名太極竹可以為船曰觀音竹如藤長一丈七八尺
色黑如鐵出古城關曰公孫竹高不盈尺出會稽縣曰
越王竹狀若荻枝可代酒爵產越州矣有沙筍竹欲採
者輕步從之聞人聲則縮入沙中曰龍公竹大徑七八
尺常有異鳥栖宿出羅浮山曰娑羅竹圍三四尺性堅
可為弓產增城縣倪山曰奉化縣新嶺山生竹高僅五

寸葉皆白色。曰清江縣瑞筠山有竹，色如爛銀。二說俱出青民要術，曰蕪竹，皮黑有文，莖節紫色，子如大珠。桂竹，上合防露，下疎來風，每日出，羅統金翠，望若花。郭璞云：出始興小桂縣，又山經云：雲山有一種佳竹，狀若甘竹，而皮赤甚，煮傷人必死。曰方竹，形方，葛仙植于定海靈峯者，見寧波府誌。又方竹，體如削，成功挺，其為枝產涇州，見北戶錄。又益部方物誌：有方竹，贊又涇州西游川，鐵冶辰山產方竹，又隔州亦出方竹，長者數丈，曰黑竹，長二尺許，如指大，純墨色，葉玄碧，出西山，見文徵明太史墨竹銘。又蕪水縣鳳棲山下有墨色小竹，俗云王羲之洗筆池崖畔出也。曰丹竹，每節一丈，或八尺，莖不大，葉裊搖空，紛節上似有赤色，產道州龍中，見荀詡又紅竹，大不過十許，鮮明可愛，生宜都縣，飛魚口，曰赤竹，產黔陽縣，赤竹，岡隔壟糾盤，而叢生者，曰凝波竹，紫枝綠葉，花如石榴，實如蓮子，出區吳山，他如廣誌有種龍竹，樹竹，吳越春秋有晉竹，齊民要術有箬竹，杜臺卿雅賦有楨榔竹，身赤國有節竹，漢書張騫至大宛得疾竹，南方草木狀：載漢陽有籜箬竹，又異物誌云：南方思勞國有篋箬竹，又某處岡巒有箴竹，玄倭國有篠幹竹，少室山有篋器竹，又蓬山有浮筠竹，又梧竹，可作屋柱，以上十四竹，搜之名山書集中，其形色未詳。始有此以便博物學士採擇用之。又有似竹非竹，而異名者，曰

復曰樓櫓曰夾竹
桃等蓋別類也

箐竹葉淡竹葉甘竹葉苦竹葉四種味雖不同氣皆寒平

俱氣薄味厚陰中微陽降也俱入手少陰足陽明經。

○竹葉肅清氣分涼心胃邪熱之藥也故仲景入白虎湯

中解傷寒內熱津液乾枯定虛熱凌心煩躁不寐導勝

胱火鬱淋閉赤澁入藥惟取甘竹淡竹之葉假此寒堅

清肅之性使熱可降液可生痰可消而大火煩渴之病

可自已也如胃寒有冷飲者停食者俱忌用之。

竹茹味甘氣寒無毒入足陽明胃經

陳氏曰取大竹削去面上
青色皮取向裏黃皮是也

○竹茹清熱化痰下氣止呃之藥也如前古治肺胃熱甚

欬逆上氣。嘔噦寒熱。及血溢崩中。諸證。此藥甘寒而降。善除陽明一切火熱痰氣為疾。緣嘔噦寒熱。此血虛也。皆火熱客于陽明所致。用之立安。如諸病非因胃熱者。勿用。

竹瀝味甘。氣寒無毒。可升可降。通手足陰陽十二經。并可經別絡。

陳氏曰。取大竹對劈開。留節居中。按無節處。橫截段。竹片仰放。兩頭用磚石架起。中節間用猛火烘逼。濕從兩頭流出。以磁碗盛接。或沖入藥內服。或純用瀝。少加生薑汁。一二匙服。無寒胃之弊。

○竹瀝利竅滑痰通經走絡之藥也。故古方主暴中風疾。

猝然僵仆。人事昏塞。偏痺不仁。及傷寒大熱。津液乾枯。煩渴昏悶。或產後陰虛發熱。口噤失音。并小兒驚風。天吊。四肢搐搦。並皆治之。此藥甘寒而潤。性滑而利。開關

竅走經絡。搜剔一切痰結。火結。氣結。爲病。下咽卽甦。如服用必加薑汁數匙。凡諸病果屬風火燥熱者。宜用之。若寒痰濕痰。及一切飲食停滯生痰。非所宜也。

本草衍義云。竹瀝行痰。通達上下。百骸毛竅諸處。如痰在顛頂。可降。痰在胸膈。可開。痰在四肢。可散。痰在藏府。經絡。可利。痰在皮裏膜外。可行。又如癲癩狂亂。風熱發瘧者。可定。痰厥失音。人事昏迷者。可省。爲痰家之聖劑也。

盧子由先生曰。冬半而孕。春半而生。夏半代葉。秋半引根。枝必偶。葉必三。中空直上。具水火之象。故筍可發癰。瀝通經脈。茹主嘔噦。葉清煩熱。皆透達水火之所不及。

者也

○集方

仲景方

治傷寒陽明內熱煩燥不寐枯渴引飲用竹葉五

十片石膏三錢知母二錢甘草一錢水煎服○治膀胱

火鬱小便不通及淋閉便濁用竹葉五十片甘草一錢

滑石一錢五分車前子三錢白茯苓二錢小薊根四錢

水煎服○治傷寒陽明少陽傳邪熱病身熱煩渴自汗

作嘔或作呃者用竹茹三錢川黃連一錢黃芩知母半

夏各一錢五分天花粉二錢有食加枳實腹脹加厚樸

泄瀉加豬苓茯苓元虛加人參俱各一錢水煎服○治

暴中風痰卒然僵仆人事昏塞偏痺不仁用竹瀝一鍾

加生薑汁五匙再用陳皮半夏茯苓各一錢甘草五分

石菖蒲一錢五分。肉桂、膽星各三錢。水煎。沖入竹瀝內

服。○治傷寒大熱、津液乾枯、煩渴昏悶。用竹瀝一鍾。加

生薑汁五匙。再用柴胡、知母、天花粉、川黃連、白芥子、川

貝母各一錢。甘草五分。水煎。沖入竹瀝內服。○治產後

陰虛發熱、口噤失音。用竹瀝一鍾。加生薑汁五匙。再用

當歸身、炮薑各三錢。川芎一錢五分。白芍藥、酒炒一錢

二分。黑荆芥、益母草各二錢。膽星一錢。茯苓八分。水煎

沖入竹瀝內服。○治小兒驚風、天吊、四肢搐搦。用竹瀝

一盞。加生薑汁三匙。膽星末五分。牛黃二釐。調服。○治

破傷風。如發痙狀、項強、口噤、殺人甚速。急取竹瀝二三

升。灌之。如卒難得。可取十數塊。併燒取之。○治小兒傷

寒熱病發狂譫語。用竹瀝半升。徐徐灌之。治消渴尿
多用竹瀝恣飲。數日愈。李時集○治肺痿咳嗽。胸中吸吸。欬出
涕唾痰涎。臭穢如膿。用竹瀝日服一合。日三五次。○治
丹石毒發頭眩耳鳴。恐懼不安。用竹瀝二三升。頻頻飲
之。

天竹黃味甘。氣寒。無毒。入手少陰經。

李氏曰。按吳僧贊寧云。天竹黃生天竺國。及南海諸竹
中。此竹節大。其肉有黃如青土。着竹成片。係竹之津氣
結成。今廣州等竹。相述竹亦有之。常見海南大竹內。往
往多有。今市家取諸竹燒過。造亂真。故宜細辨之。

○天竹黃豁痰利竅。鎮驚安神之藥也。李氏曰。其氣味功
用。與竹瀝大同小異。第竹瀝性速。直通經絡。而有寒滑
之功。竹黃性緩。清空解熱。而更有定驚安神之妙。故前

古治小兒驚風天吊夜啼不眠客忤痢瘡及傷風痰閉發熱氣促入抱龍丸治嬰科驚痰要劑如大人中風失音不語入風痰藥中亦屢奏效此錢月坡獨得之見也盧不遠先生曰植物之靈凝結在中故可入藏以治其結性本空達風火自平

○集方治小兒驚癇癲疾有痰者用真天竹黃五錢膽星

鈎藤各一兩川貝母茯苓犀角琥珀丹砂各三錢甘草

一錢牛黃一分俱研極細末每服三分用竹瀝半盞和

薑汁一匙調服虛者可用人參五分泡湯同竹瀝用○

治小兒驚熱內實者用天竹黃二錢雄黃牽牛末各一

錢川黃連五分共研極細神麴打糊丸粟米大每服三五丸薄荷湯下

木部 雜木類

古廁木味鹹氣寒無毒

此係糞窖中腐爛板木也。

李氏曰古廁木主治金瘡止血。洗瘡。瘰癧。瘡。取此木燒烟。牀下熏之。可令風邪不入。

古櫬板味辛苦氣寒無毒

此係古塚中棺板也。得杉材。

陳氏曰古櫬板治中惡鬼氣。疰忤。心腹痛。并多惡夢。驚悸。及為鬼神作祟者。用數寸。劈薄片。和桃柳枝各三寸。水煮飲。當即吐下。愈。以鬼物而治鬼邪之病。此同類相應也。又聖惠方治小兒夜啼不止。用杉板棺木。然燈照之。即止。

雷震木

此係經雷所擊之木也。方士取刻符印。以召鬼神。

有驗。又博物志云。用此木擊鳥影。其鳥必自墮也。陳氏曰雷震木治暴驚失心。煮汁飲之。立定。又掛門戶。火厭火災。

服器部 澤魚類

故錦味苦辛氣溫無毒

李氏曰錦以五色絲織成故字從帛從金再頁兖州承能織文是也

故錦燒灰能止血滲漏故聖惠方主失血吐血下血血崩取錦灰。錢自湯調服立止。又金瘡出血不止取錦灰掩之立住。又小兒癰濕生瘡取錦灰敷之即收。

黃絲絹味甘氣溫無毒

李氏曰絹。華品也。生曰絹熟曰練。入藥用黃絲絹乃蠶吐黃絲織成非染色也。

黃絲絹能解消渴善止血痢故蘋湖方治血虛消渴用黃絲絹一尺大黑棗三十箇共煮汁飲集簡方治血痢。

延久不愈以黃絲絹一尺燒灰研細白湯調服。

布

李氏曰布有麻布絲布木綿布字從手從巾會意也。

新麻布能逐瘀血治婦人血閉腹痛產後一切敗血爲

患燒灰存性爲末好酒調服一錢○舊麻布同旱蓮草

俱切碎各等分入小砂鍋內填實外用鹽酒和泥糖裹

寸厚陰乾炭火內煨通紅待冷取出研末日用擦齒能

堅固○青木綿布治天行熱毒小兒丹疹毒寒熱頭痛

煮汁溫飲之暑月絞腸沙腹痛霍亂吐利煩渴煮汁冷

飲之又燒灰研末敷一切惡瘡經年不收口并灸瘡潰

爛出血來收敷之立痊。又臍瘡潰爛臭穢難愈者。用布一塊裹陳艾五錢雄黃末二錢捲作火炷點灸之。內有熱水從瘡內流出數次漸愈。

綿

李氏曰。古之綿絮乃繭絲纏延者。今之綿絮則多木綿也。入藥仍用絲綿。

新絲綿燒灰治五野雞病。酒調每服二錢。○衣中故絲

綿絮治吐血衄血崩中下血腸風瀉血。以二兩煮汁服。

禪襠

李氏曰。禪亦作視發衣也。以粗布為之。故曰禪。其當隱處者為禪縫。合者為禪腰。

禪襦治陰陽易病。取禪襦裏布近隱處煮汁飲。男病用女。女病用男。李嶺湖曰。按張仲景云。陰陽易病。身重少氣。腹裏急痛。或引陰中拘急。熱氣衝胸。頭重不欲舉。眼開眼時見黑花。膝脛拘急。用燒視散主之。取中視對隱處前後二寸燒灰。白湯調服。作三次進。小便卽利。乃愈。男用女。女用男。成無已解云。此以導陰氣也。童女者尤良。

破漆器

李氏曰。乃故舊破損漆器。割取用之。

治產後血暈。燒烟熏之。卽甦。又勞病垂危。放氣之頃。牀

前取舊漆器。火缸內燒之。戶蟲不敢出竅。不出竅。則勞
病必不再傳人也。

本草彙言卷之十二

錢塘

倪朱謨純字甫選集

男倪洙龍冲之氏藏稿

沈公葉定白甫校正

金石部

金類

金箔味辛氣寒有毒入手少陰足厥陰經

按許慎說文云五金黃為之長久埋不生衣百鍊不輕從華不遠生於土故字從土命之所生山產多方其體不一陶氏曰有山金沙金土金石金木金其色不一有七青入黃九紫十赤以赤為足色和銀者性柔試石則色青和銅者性硬試石則色紅暗而有聲嶺南夷獠峒穴山中出生金如赤黑碎石鐵屎之類果金三州水冰中生金屑建不晉安生金出石中高麗狀南及西域外國出碎金沙五嶺內富寧澄三州及潯江溪河中皆產金居人多養鵝鴨取屎以淘金沙日得一錢或半錢有終日不獲一星者又荆州嶺南出馬蹄金象馬蹄形難得又橄欖金形似橄欖二金俱有毒須久煉熟方可佩服勝子金象帶勝出湖南北瓜子金大如瓜子楚

金如麤片俱出湖南高麗江水中。向以面得黃色淺黃又五溪溪江亦產麤金小者如麥又沙金細如沙屑出蜀中葉子金山雲南又顯塊金亦出雲南或南夷穴山至百十丈始見并金石定見金也其石褐色一頭如火燒黑之狀其金色亦黃大者如指小者如麻豆或時極軟又饒信南劍澄州所出有若山石狀者若米豆粒者又黔南遂府吉州水中亦產麤金生金與黃金全別然山海經所說諸山產金無華夏荒夷不能備錄又大食國荷蘭國山金最多夷人貨易並用金錢又外國六種金澤丹金山川穴中體含丹砂色尤赤此希世之寶也又波斯國紫磨金東夷所金林邑赤金西戎金占城金也地鏡圖云黃金之氣赤夜月中有火光及白晃或云山中有蘆葦下有金種凡金在塚墓內近尸氣者名屏命不宜入藥用寶藏論云金有二十類五類真金十五類假金如水銀金丹砂金雄黃金雌黃金硫黃金曾青金石綠金石膽金母砂金白錫金黑錫金俱用藥製成者又銅金生鐵金熟鐵金鎗石金俱用藥點成者已上十五種皆假金也又東市金色淡西南金色淡赤土地所宜大都以黃赤紫色為貴餘色少差也生金未經銀煉者有凝便後不可吸食須久煉點方可入藥有中金者有連珠鵝鵲鳥幽其之乃解金性惡錫畏水銀得餘甘子則體柔亦物性相感也洗金以鹽屑或礬曜鹽

馬虎皆能乘亮有寶氣通銷則降遇翡翠有能胃亦能
性相制也凡用金箔入藥惟宜純赤者為良方術家有
火製致神仙之說豈知血肉之養木穀為輔可能堪此
金百重墜下之物久在腸胃乎又古人官家以黃金
塞九竅則尸肉不朽壞此
豈近於理然亦多格於天

○金箔安心志平肝氣鎮_煩狂養_魂鬼_壯精神除邪熱和

五藏寧六府為至寶之神藥也如小兒_{沈氏}初生有患驚風

驚_痛驚_瀾驚_哭用此立效蓋嬰孩初生精神血氣尚未

安定如遇少驚則恐惕而煩亂或癲癇而搐搦真金為

天地間神足氣滿之物使神安而心定氣壯而心和矣

何有於驚惕等證之不可已乎

繆仲醇先生曰按太清法云金稟中宮陰巳之氣性本

堅剛而墜服之傷肌損骨予屢見今之以難欲求死者

服金屑一二分則心腹刺痛腸胃如裂而斃其爲損傷
肌骨槩可見矣惟作箔入藥可爲鎮心安神之用如或
止因心氣虛以致神覓不安並無驚邪外入者當以補
心安神爲惡而非金箔所能定矣

集方治中風

如痛至實丹

不語痰閉氣絕并尸疰暗風中熱瘟瘧疫

毒厲氣或山嵐瘴癘中惡惡氣陰陽二毒或產後血暈
惡血攻心煩躁氣喘或口鼻出血并難產吐逆悶亂或
胎死不下諸疾又療傷寒伏熱唇口乾燥諸妄發狂并
諸病神覓恍惚頭目昏眩眠睡不寧等證用金箔銀箔
二分天竺黃朱砂雄黃琥珀各三錢生烏犀角生玳瑁
各六錢麝香冰片各一錢人參天南星各七錢已上一

十二味俱研極細末。再用真安息香一兩五錢研爲末。以無灰酒攪澄。飛過。濾去沙土。大約得淨數一兩。共十三味。總和一處拌勻。煉蜜爲丸。如梧桐子大。每遇前項諸證。用五丸至七丸。以人參湯化下。又療小兒諸痛急。驚心熱。卒中客忤。不得安睡而煩躁者。如風涎搐搦。每一歲兒服一九。二歲三歲服二九。三九。並川生薑湯化下。如四五六七八九十餘歲。只以三九爲率。○治諸風與清心丸緩縱不隨。語言蹇澁。心怔健忘。恍惚去來。頭目眩冒。胸中煩鬱。痰涎壅塞。精神昏憤。又治神志不定。驚恐畏怖。悲憂慘感。虛煩少睡。喜怒不時。或發狂癲。神情昏亂等證。用金箔一千張。人參麥門冬去心。白芍藥黃芩當歸

身防風白朮各二兩。川芎、茯苓、杏仁、去皮尖、蒲黃、山藥、
甘草、白朮、肉桂、柴胡、桔梗各二兩。阿膠、蛤粉、拌炒。大豆、
黃卷各二兩。五錢。牛黃、久錢、羚羊角、烏犀角各一兩六
錢。神麝二兩。一錢。麝香、冰片各四錢。俱研爲極細末。煉
蜜丸。每丸重一錢。如遇前項諸證。每服一九。白湯化下。
小兒減半。○治內外煩熱、口舌生瘡、狂呼叫走、瘧疾、毒
厲卒死、溫瘧熱瘧、五尸五疰、心腹疔刺、切痛、蠱毒、卒黃、
小兒驚癇百病。一切野道熱毒。用黃金一百兩、石膏、寒
水石、磁石、滑石、四味各三觔。搗碎。水一斛。煮至四斗。去
滓。人犀角屑、羚羊角屑、青木香、搗碎、沉香、搗碎各五兩。
玄參洗淨、搗碎、升麻各一觔。甘草炙八兩。丁香、搗碎。一

兩已上八味入前藥汁中再煮取一斗五升去滓入朴
硝精者十觔消石四升如闕芒硝亦得每升重七兩七
錢半已上二味入前藥汁中微火上煎柳木篋攪不住
手候有七升投在木盆中半日欲凝入麝香當門子一
兩二錢研朱砂水飛研三兩已上二味入前藥中攪調
令勻寒之二日右件藥成霜雪紫色每服一錢或二錢
用冷水調下大人小兒臨時以意加減食後服○治小
兒風寒熱驚悸譫妄心神不寧用金銀箔各四片遠
志去心薑汁拌焙雄黃鐵粉琥珀各二錢硃砂水飛研
一錢麝香一分共爲細末煮紅棗取肉爲丸如梧桐子
大每服三五丸用麥門冬煎湯化下○治疔瘡拔根方

用金箔研細挑開疥瘡頭上抹入能拔疥根作金針針

疥出○治風眼爛弦用金簪頭燒紅掠上下臉肉日數

次甚妙○治齒牙風痛用金花杆火燒針痛處立止○

治梅瘡服輕粉後口瘡齦爛用金器煮湯頻頻含漱其

結毒自解○治水銀入肉令人筋攣以金器焙熱熨之

水銀自漸出吸入金器中候金色白是也

辟邪丹治衝惡怪疾及家間山精水狐一切怪類憑人

為患用金箔二十片人參茯苓遠志九節菖蒲白朮蒼朮當歸桃奴即桃樹上乾枯不落者十二月收者

連核用五錢人參已下共十味俱炒研為末再配雄黃

硃砂各二錢麝香五分牛黃三分和勻四味另研極細和入藥內煉蜜丸如彈子大金箔為衣臨臥時木香湯化下一丸諸邪怪自退

銀箔味辛氣平有毒入手少陰足厥陰經

陶隱居曰銀與金生不同處所在皆有而以疏州者為勝蘇氏曰銀在鉤中與銅相雜土人采得以鉛再三煎煉方成故稱為熟銀若生銀不自鉤中出而特然生者如絲狀土人謂之老翁鬚極難得方藥中用生銀必得此乃真今術家以殊砂而或以鉛汞而成以焦銅而成者皆偽造也李氏曰閩浙湖廣貴州交趾諸處山中皆產銀有鉤中煉出者有沙土中煉出者其生銀俗稱銀筭銀芽所謂鉤坑中出色裙形如石或如筭打破則白名曰自然芽亦曰生鉤此有變化之道也地鏡圖云山有野慈下有生銀銀之氣入夜色白流散在地其精變為白雄雞寶藏論云銀有十七種又外國四種生銀生石鉤中成片塊大小不定狀如硬錫母砂銀生五溪丹砂穴中色理紅先黑鉛銀得母子之氣此四種為真銀外有水銀銀草銀銀曾青銀石綠銀雄黃銀雌黃銀硫黃銀膽礬銀靈草銀皆是以藥點化者十三種皆假銀也銀銅銀鐵銀白錫銀皆以藥點化者十三種皆假銀也外國有因種新羅銀波斯銀林邑銀雲南銀並精好

○銀箔定心志安神明鎮冤鬼去驚癇解妄火之藥按白

銀箔

○銀。西方辛陰之氣。堅墜之物。善能清氣。下痰。解熱。鎮驚。凡肝火爲青者。煎汁飲之。立定。蓋金銀原本無毒。前人每用硝礬水銀制煉服食。故有毒也。非金銀之毒。乃諸物之毒也。今人用銀器貯飲食。遇毒則銀色變黑。中毒死者。以銀物探入喉中試之。有毒卽黑。則銀之無毒可知矣。又按雷氏曰。凡使金銀銅鐵鉛錫。只可渾放藥汁中。煎煮。不過借氣助藥力而已。勿煉粉入藥服。悞服令人消脂墜膽。有暴亡之禍。戒之慎之。

○集方。治中風不語。中惡。蠱毒。尸疰。難產。血暈。等證。及怔忡驚悸。恍惚恐怖。癰癩狂亂。及小兒風壅。痰熱驚悸。不寧諸證。入丸散中。與金箔同功。○治妊娠腰腹痛如折者。

用白銀一兩水三碗煎八分飲之。○治胎動欲墮痛不可忍用白銀四兩芫根二兩白酒一碗水二碗煎八分服。○治風牙疼痛用白銀二兩燒紅淬白酒一碗乘熱漱飲立止。○治口鼻疳蝕甚至有穿唇透頰者用銀屑一兩水三升煎七八合日洗三四次。○治身面赤疵常以銀指令熱久久自消。

赤銅屑。味苦。氣平。微有毒。

李氏曰。銅為赤金。又有赤白。青黃四種之別。赤銅出川廣雲貴。白銅出雲南。青銅出南番。黃銅出閩廣。皆出溪山中。土人穴山采礦。鍊取之。惟赤銅為用。復多亦可入藥。山海經言。出銅之山。二百有奇。今則不知其幾也。諸銅得東南紫陽之氣而生。其氣京陽。故其質剛戾。若赤銅屑者。即打銅落下飛屑也。或以紅銅火燒水淬。皆不自落。以水淘淨。用好酒拌入鐵鍋內炒。見火星即取。此研末用。

赤銅屑。按骨堅齒。烏鬚髮之藥也。太清服鍊云。此藥乘

東南乙陰之氣而生。承紫陽之氣而長。性堅味苦。能澁

能歛。故合五倍子。染鬚髮即黑。火煨滓酒服。治跌撲筋

骨斷折。煎水洗目去弦障。和醋水煎滾飲。治女子血氣

心胃疼。諸病皆取此。收澁堅凝之用也。此乃金石之劑。

中病即止。不可過服。

○集方集方染白髮髮轉黑髮用紅銅細末一兩研極細聽用取五梧子十兩敲碎研成末鍋內炒成粗初時黑烟出將鍋提起放地上不住手炒將冷又上火炒待黃烟出又提起放地上不住手炒將冷再上火炒待青黃烟間出卽住火先以真青布一大幅浸濕將五梧子傾在布上捏成一團用脚踏成餅上用濕黃泥一擔會一夜色如烏鴉羽爲妙配麝香白礬各七錢潔白鹽一兩四錢和人紅銅末內再研勻和入製過五梧子餅內再總研勻貯磁器內臨染髮時取藥末一錢配小麥麪二分用酒調如稀糊隔湯頓稠黃昏時乘熱刷髮上待有二個時辰用熱湯洗去藥髮卽黑矣王時中○治跌撲折損筋

骨用赤銅末每用三分熱酒調服折傷在上食後服折傷在下食前服不遇三五服愈○治風爛眼弦沿久不愈用紅銅末七錢日逐煎湯頻洗半月尋愈○治女人心胃作疼用紅銅末二錢米醋半盞和水一碗煎滾澄去銅末取醋湯飲立止

銅青味酸澁氣寒微有毒入足少陽足厥陰經

陳氏曰生熟銅皆有青是銅之精華遇濕熱鹽醋之氣而生刮取淘淨研細用之李氏曰近時以銅燒紅米醋澆之數日即生青亦可

○銅青拔風痰破膿毒去翳障消齒疳之藥也李氏曰此藥酸澁鎮重酸澁能拔痰吸毒鎮重能去翳搜毒故陳氏本草主風痰閉結喉咽不通苦強不語又寶氏方治

癰疽腫毒內潰膿血膿頭不出若風熱外障目齒腫疼
若牙疳潰爛牙齦宣露一切蟲鼠牙疳咸可奏功皆取
此酸漿所通壅脹鎮重可去浮怯也但金石之劑中病
即止參服常服有燥耗津液枯損血氣之患司業者當
審而用之

○集方治卒^{治牛癰}中急風眩暈僵仆痰涎壅塞心神迷悶牙關

緊急目睛上視及五種癰病涎潮搐搦等證用銅青九
錢研極細附子尖烏頭尖蝎梢各七個後三味爲末入
銅青令勻麴糊爲丸如鷄豆肉大每服急用薄荷湯化
下一丸更入酒半盞溫煖服之須臾吐出痰涎如牙關
緊急餘開灌之立驗然後隨證以調補藥治之○治癰

疽腫毒膿頭不出。用銅青一錢。爲末。瀝青一兩。麻油一錢。先將油熬滾。入瀝青。溶化。再入銅青末。攪勻。用單油紙攤貼毒上。膿頭卽出。後換長肉膏貼之。○治風熱外障。眼目不明。用銅青一分。川黃連三分。防風一錢。食鹽一分。泡湯頻洗。○治牙疳潰爛。牙齦宣露。一切蟲齩牙蛀。用銅青三分。北細辛一錢。獨活肉桂各一錢。共研極細末。再加芒硝一錢五分。冰片一分。總研勻。貯磁瓶內。封口勿泄藥氣。每遇牙疳。先以髮根蘸溫茶洗淨牙齦。用簪頭挑藥少許敷之。不過三次愈。

治諸般惡毒初起疔瘡發背一切疔毒遍身癢痛又治
小兒痘瘡黑陷不起及喉閉腫痛并蟲毒與破傷風用
銅青二分朱砂雄黃片腦各三分乳香沒藥輕粉各五
分血竭三錢真蟾酥一錢當門子二分右共爲極細末
用稀米粥一盞和爲丸如扁豆大每一丸噙化用白湯
下。

古文錢味辛澁氣平無毒

予氏曰管子言禹以歷山之銅鑄幣以救人困此錢之始也至周大公立九府泉法泉後轉為錢古銅錢但得五百年外者即可用而唐高祖所鑄開元通寶得輕重大小之中尤古今所重

○古文錢活滯血療跌撲去翳障通淋閉之藥也按日華

方又主婦人生產橫逆不順及月隔經事不來心腹卒

痛諸疾蓋古錢因時移世變必年遠零落於地穴坑壑

之中得之歷年既久雖具金體純受水土至陰之氣能

達下焦陰分散凝滯之血氣開壅塞之道路故善去翳

障通淋閉活滯血而療跌撲也但性味辛澁而涼治風

熱眼佐以薑汁點之即從治之意借其熱以拔出風火

之毒也如肝腎虛而內障生花不明者又不宜用也跌

撲疼痛。月隔淋閉。心腹諸疾。因瘀血凝滯不行者。可用如血枯髓虛。營弱經少者。亦不宜用也。

○前賢寇氏曰。古銅錢治目中翳障。及瘀腐努出脂膜。并時氣風火腫痛目疾。日不能開者。用生薑一塊。洗淨土。并去皮。以古銅錢刮薑汁點之。初甚苦痛。熱淚一點。少頃即愈。更不必再點。如眼沿生瘡者。不可用也。

○集方治跌撲傷損筋骨。用古銅錢五個。火燒醋淬。計四十九次。甜瓜子五錢。共研末。每服三分。好酒調。隨傷上下。食前後服。○治赤目生翳。用古銅錢一文。潔白食鹽五分。煎水點眼。皆內。○治沙石淋痛。用古銅錢十二文。煮汁飲。○治產理橫逆不順。用古銅錢五十文。酒一升。

黃牛升。隨量飲。○治心腹卒痛。用古銅錢二文。胡桃肉三個。同炒熱。入米醋一鍾。水一鍾。中服。○治時氣溫病。頭痛發熱。脉大。始得一日者。用古錢百文煎湯飲之。即吐毒出也。

○諸銅器氣味有毒。

李氏曰。諸銅器。藏飲食茶酒。過夜有毒。煎湯飲。損人。龍陽亦然。惟磁砂瓦器無毒也。

○諸銅器用滾湯煮熱。熨霍亂轉筋。及臍下腎堂痠痛。并奔豚寒疝等疾。又三代古銅鐘鼎彝器。藏家能辟邪祟。而李時珍言。山精水魃。多歷年所。故能興妖作祟。而鐘鼎彝器歷年又過之。所以能辟邪祟也。

黑鉛味并氣寒有微毒入手足厥陰經名黑錫

蘇氏曰鉛生蜀地平澤今產銀處皆有之燒礦而取也
李氏曰生山穴石間人搗油燈人進教里隨礦脉上下
曲折所取之其氣毒人若一片不出則皮膚疥癩腹脹
不食多致疾而死獨孤酒云嘉州利州出草節能此生
鉛未經煅也打破燒取之氣如硫黃紫背鉛即熟鉛之
精華也有變化能碎金剛鑽雅州山潤砂中出鈞脚鉛
形如皂子大又如蚶蚌子黑色盧氏鉛巖惡力劣信州
鉛雜銅氣陰平鉛出劍州是銅鐵之苗並不可用外有
波斯鉛堅日如錫為大丹第一銜銀鉛產銀坑中內含
五色俱可入藥上饒藥平鉛負版鉛外有倭鉛只可勾
金亦不入丹藥又土富真君曰鉛乃五金之祖能伏五
金而死入石雖萬金之苗而中有鉛氣是黃金之祖
銀坑之鉛乃白金之祖信州鉛雜銅氣是赤金之祖鉛
又與錫同氣是青金之祖又硃砂伏於鉛而死於硫硫
總於鉛而死於硫硫總於鉛而死於硫硫
於五知故鉛變化最多一變而成胡粉再變而為黃丹
三變而為白鹿脂
四變而為白霜

○黑鉛鎮心安神化痰定癇之藥也李氏曰黑錫秉北方

癸水之氣陰極之精其體重墜其性濡滑其色青黑內
通於腎故局方黑錫丹宣明養正丹皆用之得汞交感
能治一切陰陽混淆上盛下虛氣升不降發為嘔吐眩
暈噎膈反胃危篤諸疾所謂鎮墜之劑有反正逐邪之
功其性又能入肉故女子以鉛珠紕耳墜卽自穿孔實
女無竅者以鉛作鋌逐日紕之久久自開此皆昔人所
未知者也但氣帶陰毒不可多服恐傷損心胃之氣

○集方黑錫丹治痰氣壅塞上盛下虛心火炎盛腎水枯

竭一應下虛之證及婦人血海久冷無子赤白帶下等

證用黑錫硫黃各二兩沉香蒟蘆巴酒浸附子童便製陽

起石研細水飛肉桂錢補骨脂舶茴香炒肉苳蔻麩裏

各一兩

木香。金鈴子。

蒸去皮核。各一兩。

右用新鐵銚內如常法結黑錫

硫黃砂子。地上出火毒。

研令極細。餘藥俱爲細末。和勻。

自朝至暮。以研至黑光色爲度。酒糊丸如梧子大。陰乾。

入布袋內。擦令光瑩。每服四十九。空心淡鹽薑湯下。或

棗湯下。女人陳蘄艾湯下。○養正丹。

和氣局方。

治上盛下虛。氣不

升降。元陽虧損。氣短身羸。及中風涎潮。不省人事。傷寒

陰盛自汗。唇青。婦人血海久冷。諸證。用黑錫。水銀。硫黃。

研細各一兩。

右用新鐵銚一隻。火上熔黑錫。化汁。次

下水銀。以柳條攪勻。次下朱砂末。攪令不見星。放下少

時。方入硫黃末。急攪成汁。和勻。如有焰起。以米醋灑之。

候冷。取出。研極細。糯米粥爲丸。如菉豆大。每服三十九。

淡鹽棗湯下。

○集方

重濟錄

治腎藏氣發攻心面黑欲死及奔豚諸氣喘急或

婦人血氣冷結攻心腹作痛用黑鉛石亭脂各二兩木

香一兩麝香一錢先將鉛炒化次入亭硝急炒焰起以

米醋灑之傾入地坑內覆住待冷取研粥糊丸如芡實

大每用二丸熱酒化服取汗或下或通氣即愈○治風

癰吐沫抽掣目反久患不愈用黑鉛水銀結成砂子一

兩南星炮一兩二錢共為末粥糊為丸蒙豆大小兒一

歲一九大人以十九為率乳汁下○治水腫浮滿用黑

錫五兩皂莢一挺炙白酒一斗浸二日炙百餘沸頻頻

飲漸消○治小便不通用黑錫挫末一兩生薑五錢燈

心五十枝并水煎服先以葱搗爛炒熱熨臍上○治瘰癧結核用黑錫三兩鐵器炒取黑灰醋調塗上可故帛團裹出惡汁黃水頻頻換藥如此半月不痛不破肉消而愈○取輕粉毒用黑錫五觔打壺一把盛好酒十五觔納土茯苓搗爛一觔乳香五錢封固重湯煮一日夜埋土中三日每日早晚隨量飲後用瓦盆接小便自有粉出服至筋骨不痛乃止○解硫黃毒用黑錫煎湯飲即解

胡粉味酸辛氣寒有微毒

李氏曰按墨子云禹造粉又張華博物志云紂燒鉛作粉供妲己則粉之來亦遠矣今金陵杭州韶州辰州皆造之而辰州尤妙其色帶青後人言造法每鉛百觔鎔化打成薄片卷作筒安木篋內篋下篋中各安米醋一

藥外以鹽泥固濟紙封瓶縫。風爐安火四面養之。一七
便作黃丹。每粉一觔。入桑白粉二兩。蛤粉四兩。木內
勻。澄去清水。用細灰按成溝。紙隔數層。置粉於上。將鉛
截成方塊。待乾收起。而范氏虞衡志又言桂林所造鉛
粉。以黑鉛。著糟甕中。捲化成粉。而何孟春條冬錄又言
富陽產鉛。造粉其法。用鉛塊懸酒缸內。封閉四十九日。
開之。則化為粉。其法。用鉛塊懸酒缸內。封閉四十九日。
其鉛氣有毒。上人必食肥猪犬肉飲酒。及鐵漿。以厭之。
榜腹中其毒。輒病。竟至死者有之。毒發急必筋抽腹滿。
緩則身面痿黃。手足癱瘓。關節拘攣。而斃者多矣。欲解
其毒。時時洗地。上一二月。漸愈。而手足復舊。雖黃得胡
粉失色。胡粉得唯黃色。入酒中。去酸味。收。便得胡
胡粉。李氏曰。此藥即鉛之變異。為白者也。其體用雖與
藥也。李氏曰。此藥即鉛之變異。為白者也。其體用雖與
鉛及黃丹同。而無硝鹽火燒之性。雖能墜痰化癖消積。
殺蟲。切疳。止痢。然金石之類。終能損胃。剋脾。泄氣耗血。

性冷而不守體重而質墜無故妄服有潰藏府壞膜絡之咎如脾胃虛弱稟賦薄乏者雖有已上諸病不宜輕試僅可作敷藥解毒收濕入膏藥止痛護肌外用之功受益恒多充服食劑中余未敢輕投也集方數首因古人因病制用可否當視證之緩急輕重斟酌行之毋愼也

○集方治脾傷食滯痰涎壅脹老痰凝結不化羈碍脾胃其人形實氣壯者宜用胡粉五分水飛過用豆糜漿調服○治腹中龍瘕或癥癖不時作痛痛極欲死用胡粉五錢米泔水調澄清取泔水煎滾溫飲之卽將胡粉取起和食鹽二撮鍋內炒熟布裹熨腹上○治死胎不下

用胡粉三錢粥糊為丸如菜豆大每早服八分白湯下

不過平服即下○治大人小兒食積停滯不論穀食血

食瓜菓諸食脹悶不通用胡粉一分溫酒調渾下氣吞

下○治諸蟲積用胡粉三錢史君子肉六錢俱研末粥

糊丸菜豆大每早服一分二釐酒下○治疳積下利赤

白頻數腸內作痛用胡粉三錢雞子白十個調成糊鍋

內炙熟冷茶調食一錢○治寸白蚘蟲引動不止用胡

粉三錢炒燥精猪肉煮爛蘸食再用烏梅花椒湯度之

○治小兒無辜疥下痢赤白以胡粉炒黑用白湯調服

三分○治小兒無故腹脹唇青腹皮青色不速治即死

用胡粉食鹽各一兩炒微熱腹上輕輕熨之○治婦人

心胃作疼。急甚者。用胡粉一錢。爲末。葱汁和。如豆粒大。放舌上。白湯下。立止。○治墜墮跌撲。瘀血搶心。面青氣短。番死者。用胡粉一錢。溫湯調服。卽安。○治杖瘡疼痛。用胡粉一兩。赤石脂三錢。水銀一錢。以麻油少許調杵成膏。攤油紙貼之。肉潰者。填滿。用帛緊縛。○治抓傷面皮。用胡粉少許。香油調敷。一夕愈。○治黃水流膿瘡。用胡粉。瀝青各二錢。黃丹一錢。枯礬一錢。五分。共研末。香油調搽。○治小兒月蝕耳瘡。用胡粉和黃土減半。共研末。猪膽汁調敷。○治妬精陰瘡。用胡粉三錢。白菓肉九個。搗碎。同炒。至白菓肉焦黃。去白菓。取粉敷瘡。○治人兩腋下。兩膀下。常濕。用胡粉炒燥。研末。摻之。○治一切

翻花惡瘡。用胡粉、胭脂各二兩。研勻。用鹽湯洗敷之。

黃丹。味辛。鹹。氣寒。無毒。

國醫居曰。卽黑鉛煉粉未化盡之渣。壓也。用消石。礬石。煑成丹。皆轉丹爲鉛。用葱連根搗汁。拌丹。慢煎成金汁。倒出地上。卽還鉛矣。此用以水煎。去其清。澄乾。微火再煑。紫色用。

(一)黃丹。平肝鎮驚。解毒。護肌之藥也。繆氏曰。此藥係熬鉛所作。稟先天壬癸之氣。得火成丹。有靈通變化之妙。其體重而降。質潤而涼。故前古主吐逆胃反。驚癇癩疾。痰聚心絕。膜絡之內。以此陰沉下降之物。胃氣上逆可平。心氣浮怯可定也。別錄又主癰腫。癰腫者。卽小兒初生。臍風是也。風熱入肝。則筋自攣急。辛寒鎮重。能散風熱。金液之性。能平肝木。故主用專之。李氏曰。今世用以解。

毒散熱去瘀長肉治一切惡瘡腫毒及入諸膏藥中爲外科必用之物也。但金石火煨之性燥寒有毒如驚癇由於血虛吐逆由於胃弱者毋亂投也。

○集方治吐逆不止

集驗方

碧霞丹用水飛過黃丹四兩米醋半

升煎乾傾在地上用炭火就地上煨紅冷定爲末粥糊丸梧子大每服七丸醋湯下。○治小兒吐逆不止用黃丹研末棗肉和丸如芡實大每以一丸用鍼簽於燈上燒過研細乳汁調下。○治痰閉驚悸用黃丹水飛過三錢研末粥糊丸梧子大每日臨睡時服一丸薑湯下。○治風癇發止不常用黃丹王氏普濟方白礬附後方同各二兩鐵鍋內炒以礬枯丹黑爲度取起爲細末每服一錢二分溫酒下。○治

小兒臍風撮口并客忤中惡又令人心腹刺痛氣衝心
胸脹滿用真飛丹方寸七蜜湯調灌之○治一切惡瘡
腫毒潰爛疼痛用真飛丹八兩麻油一觔共熬成膏貼
之能拔膿長肉

○續補方治赤白痢黃丹方用水飛黃丹炒紫色川黃連炒各等

分爲末米糊丸麻子大每服五十丸甘草湯下○治寒

熱久瘡不止麻子體虛者用飛過黃丹百草霜各等分爲末

發日空心米飲服二錢不過二服愈○治小兒瘰癧瘰癧但

熱不寒用飛過黃丹一錢蜜湯調服○治小兒重舌重舌用

飛過黃丹一豆粒大安舌下○治小兒口瘡口瘡糜爛用飛

過黃丹二錢生蜜一兩調勻蒸黑色每以雞毛蘸搽甚

効。○治金瘡出血不止，以飛過黃丹、滑石各等分，研細末，傅之。○治血風、癩瘡，用黃丹一兩、黃蠟一兩、香油五錢，熬膏。先以葱椒湯洗淨瘡，上貼之。

先賢成氏曰：仲景龍骨牡蠣湯中用黃丹，乃收斂神氣，以鎮驚也。

密陀僧，味鹹，辛，氣平，有小毒。

蘇氏曰：密陀僧，出嶺南閩中。銀銅冶處，是銀鉛之脚。采礦時，銀銅相雜，以鉛同煎煉。銀隨鉛出，又采杉木葉燒灰，開地作爐，填灰其中，謂之灰池。置銀銅鉛於灰上，加以炭火燒煨，鉛銅滲於灰下，銀浮灰上，退火候冷，出銀。其灰池感鉛銅銀氣，積久成此物，形似黃龍齒而堅重，亦有白色作理石文者。今市中所貨者，是小號實鉛丹，假成大塊，尚有瓶形銀冶所出，最良而少有。李氏曰：此藥原取銀冶者，今銀冶難得，取煎銷銀舖中爐底用之，造黃丹者，以脾津煉成，密陀僧其似瓶形者是也。

○密陀僧入服食方。下結痰。定驚癇。止反胃。療口瘡。截瘡疾。禁火痢也。入外敷方。去面黥。退鼻皴。滅汗斑。愈癰瘡。拔多骨。消痔瘻。散腫毒。呼膿穢也。李蘋湖曰。其體重墜而沉。直走下焦。血肉之裏。故能下結痰。去面黥等證云。如夷堅志云。驚氣入心絡。瘡不能言者。用此藥爲末。一匙茶調服。卽能言。此乃驚則氣亂。密陀僧之重。以鎮怯而平肝也。其功用與黃丹同。今瘍科入膏藥方中。代黃丹胡粉用之。又繆氏言。惟治點黥敷塗外疾。諸證之外。少用於服食料中者。大都可外敷。不可內服。此藥係銷銀爐底。乃鉛銅之氣所結。能潰爛一切生物。不宜輕用也。

○集方治痰結胸中不散用密陀僧一兩米醋和水各一

盞煎乾爲末每用二錢以酒水各一盞煎一盞溫服少

頃當吐出痰涎爲妙○治驚氣失音方見前論中○治

反胃吐食司氏小兒用密陀僧三錢醋煮過每用五分米湯調服

○治口瘡不拘大人小兒用密陀僧火燒研爲細末用

少許搽口內○治痰瘡久不愈方脈正宗用密陀僧火燒爲細末

每服八分生薑湯調服○治久痢不拘赤白用密陀僧

一兩火燒研極細每服八分清晨白湯下○治面上點

黧斑點并鼻皸赤胞用密陀僧二兩銀硃五錢共研人

乳調夜塗旦洗○治夏月汗斑用密陀僧一兩雄黃四

錢胡粉二錢先以薑片擦斑上仍以薑片蘸末擦之次

日即焦。○治血風^{其方}。用密陀僧、研細末、鮮猪油調、攤

薄油紙上、再以油紙夾住、兩面反覆貼之。○治骨疽瘡、

不時出細骨、用密陀僧、研末、桐油調勻、攤油紙上貼之。

○治腸風痔瘻、用密陀僧、銅青、各二錢、麝香少許、共為

末、用津吐調塗患上。○治癰疽^{其方}、未潰可散、已潰呼

膿、未潰用薑汁和米醋調敷、已潰用作細末、填敷毒內、

或以麻油熬稠、密陀僧、研末、收作膏藥貼之。

鉛霜、味甘、酸、氣冷、無毒。

蘇氏曰、鉛霜、用鉛雜水銀、十五分之一、合煉作片、置醋

中、密封、經久成霜、李氏曰、以鉛打成錢、穿孔、以鐵條

貫成串、瓦盆盛米醋、以鉛錢串橫閣盆中、醋深二寸、以瓦盆覆之、置陰處、候生霜、刮下、仍合作、再刮取也。

○鉛霜消實痰、定驚悸、止吐逆、去伏熱、開胸膈、煩悶之藥。

也。李氏曰：此藥係鉛汞之氣，交感英華所結，其墜痰去熱，治嬰孺驚閉諸證，蓋有奇功。然性極冷，非久服常用之物，病稍已，卽去之。如胃弱脾虛，食少腸滑者，勿用。風寒咳嗽而生痰者，亦忌之。

○集方治小兒心肺積熱夜卧多驚，用鉛霜、牛黃各二分。

研勻，每服一分。竹瀝調下。○治驚風痲疾，喉閉牙緊，用

鉛霜三分，蟾酥五釐，共爲末，用烏梅肉滾湯泡軟，蘸藥

於齒齦上，揩之，良久便開。○治喉閉腫痛，用鉛霜三錢，

甘草一兩，共爲末，醋糊丸如芡子大，每含嚥一丸，立効。

○治口疳，齦爛氣臭，血出不拘，大人小兒，用鉛霜、銅綠

各二錢，白礬一錢，共研末，摻齒齦爛處。○治痔瘡腫痛。

用鉛霜水片各一分五釐酒調塗痔上立効。

鐵味辛氣微寒無毒

李氏曰鐵名黑金於五金屬水皆取礦上煉成秦晉淮楚湖南閩廣諸山中皆有之以廣鐵為最正鼎上錠鐵色黑性堅宜作刀劍西番出賓鐵又勝其肅者寶慈論言鐵有五種荆鐵出當陽色紫而堅利上饒鐵在體相若而稍次之賓鐵出波斯國堅利可切金玉太原屬山之鐵頑滯而鈍剛鐵生西南海中山石間狀如紫石英水火不能壞用之作鑽穿珠作刀切金石如土也蘇氏曰鐵初鍊去礦用之鑄器物者為生鐵再三銷拍燒鍊日久者為熟鐵愈鍊愈久經火百餘遍者為剛鐵如鍛家燒鐵赤沸枯上打下細皮屑為鐵落爐道中飛出如瑤輕虛紫色可以磨瑩銅器有光者為鐵精作針家磨鐵細末謂之針砂取諸鐵于器中水浸之經久色青沫起可以染皂者為鐵漿以鐵拍作片置醋槽中積久生云刮取之謂之鐵華粉入火飛鍊者為鐵極○鐵內有硬處不可打者名鐵核以香油塗上燒之即散

○生鐵平肝氣安驚癇解丹毒散瘀血清耳聾之藥也李氏曰鐵於五金色黑屬水而其性則制木而又降氣清

火也。素問治陽氣大盛病狂善怒者用生鐵落酒煮飲之。正取伐木之意。日華子言其鎮心安五藏豈其然哉。又太清服食法言服鐵至長生其說荒謬不可依從。
○集方治大人方脈正宗小兒驚癇頻發能食而力足者用生鐵煮汁飲。○治小兒陳氏本草丹毒用生鐵燒紅淬水三次飲一合。○治打撲瘀血在骨節及脇內外以生鐵二觔酒三升煮半升服。○治熱甚耳聾用生鐵燒紅投酒中飲之再以慈石塞耳內日用夜去之。

○鐵落味辛氣寒平無毒。

李氏曰生鐵打鑄皆有花出如蘭如蟻今造烟大家用之又鐵末浸諸書字於紙片後塗墨如碑字也。
○鐵落平肝氣定狂怒去賊風暴痺安驚癇客忤鬼擊鬼。

瘥之藥也。日華子言煎汁飲服，不留滯於藏府，借金虎之氣以制肝木，使不尅脾土，土不受邪，諸疾咸消，而廖雨南治水腫溺脹，屢奏奇功，有自來矣。則驚狂暴怒，賊風鬼擊諸病，一本於肝強木實火盛氣逆，用此一祛而下，倘肝虛內乏，中氣虛寒者，不必需也。

○集方治暴怒發狂，用鐵落三錢，甘草一錢，煎湯飲。○治賊風流痛關節不能轉動，用鐵落炒熱投酒中飲之，立解。○治小兒驚癇客忤，鬼擊鬼瘥，用鐵落二錢炒熱，滾水沖服。

○鐵精味苦辛，氣溫，無毒。

陶氏曰：鐵精，鐵之精華也。用銀鐵甕中，如塵飛出色紫而體輕者，為佳。用之際，一切銅器光亮可觀。

○鐵精療驚癇安心氣拔疔毒止小兒陰癰脫肛之藥也

○鐵雖重墜而體實飛騰故能安心志驚癇之證因火盛

氣怯而神憊浮越不靜者服之立安倘由勞倦神疲氣

虛梟亂神不守舍以致驚癇煩潰者非所宜用也

○集方治火熱燭心暴發驚狂如癇者用鐵精一錢甘州

二錢煎汁飲○治疔腫拔根用鐵精研極細一錢輕粉

五分麝香三釐共研勻以銀鍼畫十字於疔上將藥敷

上神効○治下痢脫肛用鐵精研極細如塵敷之

○鐵華粉味鹹氣平無毒

馬氏曰作鐵華粉法用銅銀作葉如易式或圓平面磨
錯令光滑以鹽水洗之候干醋裏中埋土一百日錢上
禾生即成粉矣刮取乳鉢內細研如麤谷和諸
藥爲丸散用此鐵之精華功用勝如鐵精也

○鐵華粉安心神。止驚悸。化痰癖。癥結。推食積。頑滯諸疾之藥也。堅金之質。體重而降。急趨直下。少無畱難。病非堅結。體非強壯。能食之人。不可輕用。開寶方。去有餘百病。隨所冷熱。和諸藥。以棗膏爲丸服。每次用不過四五六分。據肅氏得効方。治婦人陰挺。用鐵華粉一二錢。水片一分。研細。水調敷瘡門上。

○鐵鏽味辛苦。氣寒無毒。

陳氏曰。此鐵上自生赤衣也。以水磨落用。

○鐵鏽解疔毒。消惡瘡。退風癰。散脚氣。壅腫之藥也。按陶

氏言鐵鏽水性沉重。和藥服。最能墜熱開結。嘉祐方治

傷寒熱實結胸。磨水入承氣湯服之。極驗。此必強實有力人方準此。

○集方治疔癰惡瘡初起用多年土內鑄鐵器火煨醋淬
不論遍次落下鏽末收之研細先用銀鍼挑破用鐵鏽
少許入乳調和傅之○治風癰作癢不止先將癰瘡抓
破用鐵鏽水塗之○治脚氣紅腫熱如火灸俗名赤遊
風用鐵鏽水塗解之○治重舌腫脹用鐵鏽器燒紅打
下鏽末一錢研細水調噙嚥○治小兒口瘡用鐵鏽末
水調敷之

○鍼砂味辛氣寒無毒

陳氏曰鍼砂是造鍼家磨鍼細末也須真礪砂乃
堪用人多以柔鐵砂雜和之飛爲粉尺莫能辨

○鍼砂平肝氣散癭核消積聚聚黃疸腫滿之藥也

○集方治項下癭核用鍼砂八兩入水缸中浸之飲食皆

用此水十日一換砂。半年自消散。○治腹內一切積聚。

久不消散。用鍼砂三合。每晚臨睡時炒熱。用布包熨之。

○治脾勞黃病。用鍼砂二兩。研極細。米醋炒七次。乾漆

燒存性。三錢。蒼朮。厚朴。陳皮。香附。各五錢。甘草四錢。共

爲末。和鍼砂蒸餅爲丸。如菉豆大。每早食前服三丸。食

後臨睡服四丸。白湯下。○治水腫尿少。鍼砂五錢。醋炙

乾甘遂末三錢。生蚯蚓三條。葱三枝。連根葉共搗作餅。

用薄布襯。傅臍上。用帛縛之。一日一換。以小便大通爲

度。○治虛寒下利。或泄瀉無度。用鍼砂一兩。肉桂。枯礬

各三錢。共爲末。以米湯調。用薄布襯。攤臍上下。用帛縛

之。當覺大熱。卽愈。○染白髮。髮用鍼砂一兩。米醋炒七

次百藥煎、大錢訶子、白芨各四錢、綠礬一錢、共爲末、用熱醋調刷鬚髮止、用軟帛包住、次早熱湯洗藥、卽黑。

○鐵漿味鹹寒無毒

陳氏曰：鐵漿以生鐵浸水中，日久色青沫出，若鐵上浸出黃膏，更勝。

鐵漿解疔毒、瘡腫及蛇犬虎狼毒氣所傷，或內服，或外洗，兩者皆可。

○集方治一切疔腫

金方

用鐵漿日飲一升。○治發背初起用

外臺秘要

鐵漿連飲二升，取利。

○鐵藝味苦有毒

李氏曰：以竹木、紙、草、樹葉等藝火於刀斧劍一切鐵器上，燒之，雖如漆者，是也。江東人多用之。

○鐵藝治一切惡瘡、蝕鬚、臭爛不收，及金刃傷損皮肉，或

手足軟折。或筋結癰癰。或蟲疥癬癩等疾。用此須乘熱水凝時取塗之。少頃乾硬無所用也。

○鐵秤錘。味辛。氣溫無毒。開寶方主賊風關節不利。男子疝瘕奔豚。婦人產後瘀血脹痛及橫生逆產。胞衣不下。等證。並燒赤。淬酒中。俟滾響聲息。取飲之。鐵片鐵斧取用亦同

水銀味辛氣寒有毒

唐氏曰水銀原名瀕又名汞。綱目又名靈液。藥性論又名姦女。別錄曰水銀生符陵平土。蘇氏曰今秦州商州道州邵武軍亦產。而秦州乃來自西羌界者。山中所生極多。山自折裂土人取砂石皆大塊如升斗碎之乃可燒煨。故西來水銀極多。於南方者淮南子曰弱土之氣御於白天生白礬。白礬生白瀕。陶弘景言是出硃砂腹中者佳。亦有別出沙地色青白者為之生瀕。或硃砂鑱未或山石折裂采其砂石燒煨成者色小白而濁皆不及生瀕之能應化無方也。陳寔墨談云拂林國當日沒處有瀕海。周匝七八十里。國人取之近海十數里掘坑。鑿數十方乃使健夫駿馬。編體粘貼金箔。行近海隅。止光見蟻。瀕則滾沸如潮。湧逐而至。若琥珀之遇芥。磁石之見鐵。蓋瀕以金為食也。遂回馬疾馳俟湧逐之勢漸緩。退坑壘則瀕積于中。否則人馬亦為之累沒矣。取得此品合香草煎製便成白金。為丹家至寶。世用熟瀕燒煉經數十百世曾未成丹者以熟瀕氣去形存名曰陰符。又曰死尸徒消年歲終不可得也。一種婢瀕法用細葉馬齒莧先以槐木提熟。向日東作架暴二三日經久更善。乃燒灰存性置瓦甕中封固甕口埋土內四十九日則瀕成矣。每覓百觔可得瀕三兩或十兩。胡氏丹藥

必訣云取殊砂預法用庵羅盛殊砂不拘多寡以紙封
瓶口香艸湯煮伏時洗淨瓶口上坑置一鐵條
于坑內次以庵羅鋪覆瓶口用鹽泥封固近聲海口
更築實以土露瓶下節之未封上圖以栗炭煨口坑
香火息氣冷瓶自流溢盤中矣每硃砂末一觔可得預
十兩舊坑明透好砂可得預十兩舊州溪洞燒取極
易以百兩為一錢錢之制似豬脰外極厚紙數重時之
即不走漏若散失在地以川椒末或茶末收之或真金
及鉛石引之即止陳氏曰去預之砂臭名曰天琉丹電
家用之雷氏曰修事勿用神預并礱漆中燒出者或經
別藥制過者或死尸中流出者誤服為毒其深不可不
辨必取生預但不易得唯砂末燒取者乃可用之用紫
背天葵夜交藤汁用煮一伏時以去其毒修事十兩二
汁合用土釜寇氏曰預得第則疑得硫黃則結銅得之
則明灌尸中則後腐以五金置其上則浮得紫背天葵
紫河車則伏得川椒則收可以勾金可以湧泉置蒜藉
於取預之氣也並煮肉研乳則散別法制之則成臘松
粉覆吐唾研之可死蟲蟲也上宿真君曰荷葉松葉松
脂穀精神芝艸金星艸瓦松夏枯艸忍冬葉黃若子馬
來紅馬蹄香獨枝蓮木慈姑苗年青蒼耳神陸六藤白
花荒蔚皆能制汞程氏曰人服水銀
病拘攣但灸金物煨之則水銀必出

○水銀墜痰下食落胎絕孕殺蟲滅疥去魅辟邪點搽楊梅惡瘡化金銀銅鐵鉛錫之毒之藥也東璞子曰此藥其味辛其氣寒其體重其質柔其性流走而無停止故前古主疥癬白禿殺蟲破胎有死生僵腐之力焉故陳藏器言入耳能化人腦至盡入肉令百節孳縮倒陰絕陽人患瘡疥多以水銀塗之性滑體重直入肉裏宜謹慎之頭瘡切不可用恐毒氣入腦故也僅堪外敷不宜內服歷觀前人惑於方士有久服致神僊不死之說烹煮煅煉服食而至暴卒者不可勝數婦人誤服多致絕孕其爲毒害昭昭不爽可不戒哉

盧子由先生曰水銀似銀如水也原名瀕按周伯溫曰

頽者天地鴻洞。未分之象也。故頽含冰而流。含風而動。含火而鎔。含地而堅。顯諸水而色華青。顯諸火而還丹赤。顯諸土而峭粉黃。顯諸金而凝霜白。顯諸水而結砂玄。隨合仍分。隨分仍合。徧周四大。攢簇五行。神僊不死藥也。顧注留尸竅死且不朽。益知其體性流活。善能變化五色五形。頽煉爲丹。丹還爲頽。神僊不死之質。蓋可見矣。有言氣寒爲陰金之屬者。恐失體用相盪之爲性歟。

○集方

冠大方

治痰迷閉塞不通。此方墜涎立効。用水銀五錢。生南星一兩。麝香一分。共研勻。以水銀不見星爲度。入石脂油少許。同搗和丸。如菉豆大。每服一九。薄荷湯下。○

治食結胸脹悶不通用水銀一錢陳棕一個燒炭存性
入水銀同研少加黃米粥糊爲丸菉豆大遇是患每服
一丸生薑湯下○治婦人難產用水銀一兩以白水一
碗煎湯半碗飲之立出○治婦人多產絕孕用水銀二
兩麻油二兩煎一時俟油耗半取出水銀以麻油空心
服三五匙米湯調服以油服完爲度永絕胎孕不損人
○治一切諸瘡生蟲癢癢或痔上生蟲疥瘡生蟲用水
銀五錢紅棗肉一兩煮膏和水銀搗爲丸菉豆大於諸
瘡癢處擦之漸消○治一切惡瘡并楊梅時毒用水銀
胡粉乳香沒藥各一錢共研細末用香油少許調敷○
治失心風疾用水銀一兩藕節四個共搗極細米糊丸

如茨實灰。每用五先磨刀水化下。○治疥癬蟲瘡。用水銀三錢。枯礬雄黃樟腦芫硝蛇牀子各三錢。研細末。大風子肉三十個。搗膏和入。前末藥內。搗以水銀不見星爲度。熱湯洗淨瘡。用藥少許擦之。

○秘方。升煉靈藥法。治癰疽惡瘡。及楊梅諸瘡。拔毒長肉。神驗。用水銀一兩。黑鉛七錢。硃砂雄黃各三錢。研細末。白礬火硝各二兩五錢。研細末。其法。先將鉛化開。投水銀凝成餅。入硃砂雄黃末。總研極細。然後將硝礬鎔化。投前四味末入內。離火急攪令勻。用陽城罐盛之。用鐵燈盞仰蓋罐口。上加鐵梁。鐵線紮緊。鹽泥固濟。盞口放神像爐內。先以小炭火鋪罐底四圍。以水濕紙不住手。

在燈盞內擦。勿令間斷。逐漸加火。以三分爲率。至罐中
身不必至罐頸。每焚官香一炷。則加一分火。如是煉三
炷。官香爲度。候冷。取開於盞底刮取靈藥。研極細。用耳
草湯飛過。入淨絹上瀝乾。再曬燥。入冰片少許。點瘡上。
時時以指頭蘸藥按之。三日自脫。此神方也。

李時珍先生曰。水銀乃至陰之精。稟沉着之性。得凡火
煅煉。則飛騰靈變。得人氣熏蒸。則入骨鑽筋。潰血蝕腦。
陰毒之物。無似之者。可恨神農經言其久服神僊甄權
言其還丹元丹。大明言其無毒。抱朴子以爲長生之藥。
六朝以下。貪生者服食致成殘廢。而喪厥軀者。不知幾
千人矣。方士之罪。固不足道。而先賢本草。其可妄言以

感世哉則服水銀之長生不死之說不待刪劈而昭然
矣而其治病之功有不可掩者同黑鉛結砂能鎮墜痰
涎同硫黃結砂則拯救危病此乃應變之兵在用者能
得肯綮而執其樞機焉又有一節之長也錄見第百卷
及重砂下

○輕粉味辛氣燥有毒升也浮也

李氏曰升煉輕粉法用水銀一兩白礬二兩食鹽一兩
同研不見星鋪于鐵器內以小烏盆覆之以滋泥蓋處
和藥封固盆口以炭打三炷香取開則粉升于盆上矣
其白如雪輕盈可愛一兩預可升輕粉八錢○又注水
銀一兩皂礬七錢白鹽五錢同研如上升煉○海客論
云諸藥不與水銀相合而皂礬和鹽能制水銀成粉何
也蓋水銀者金之冤鬼綠礬者鐵之精華

氣同根是以輕制成粉無鹽則色不自

○輕粉下痰涎推積滯利水腫服之藥也繆氏曰此係
水銀升煉而成療體與水銀相似第其性稍輕淨爾李

氏曰觀其輕飛靈變化純陰爲燥烈其性走而不守善
劫炭延消積滯故水腫濕熱風痰驚癇惡瘡潰爛等疾
用此劫劑去惡涎從齒齦而出邪鬱爲之暫開而瘡疾
亦因之而愈若服之過劑或不得其法則毒氣被蒸竄
入經絡筋骨藏府莫之能出涎毒雖去血液耗亡筋骨
失養營衛不從變爲筋攣骨痛發爲癰腫疔漏或手足
皸裂蟲癩頑痺經年累月遂成廢人其害無窮嘗觀丹
客升煉水銀輕粉鼎器稍失固濟鐵石亦爲之迸裂况
人身皮肉筋骨乎蓋此物本成於頤則頤之毒尙存又
得火煉則火之毒氣亦未出神農經言其無毒誤也凡
閉結由於虛燥血不潤澤者小兒驚風痰涎壅上由於

內熱者。疳積病。由於脾胃兩虛者。楊梅結毒。發於氣血兩虛。又病之人者。臨用尤須斟酌。

李時珍先生曰。陳氏方言。輕粉下痰而損心氣。小兒常病。不可輕用。初生尤宜慎之。而演山氏又謂小兒在胎。日受母之飲食血毒之氣。蓄在胸膈。故嬰兒生下。發驚痰。十有四五。初生三日之內。用黃連一分。去熱。輕粉五釐。散血毒。又配硃砂二分。蜜湯三匙。清解心肺積毒。積毒既化。可免驚痰搐搦之患。二說不同。各有所見。一謂卽有胎毒者。不可輕服。一謂有胎毒者。宜預服之。朱附錄於此。以便受之。佔子。量其證之緩急。而取舍焉。庶不負前兩人之用心矣。

○集方治小兒驚風痰熱四證壅盛用輕粉一錢巴霜五
分南星炮五錢全蝎炒真青黛滑石各二錢俱研極細
末稀糊丸如麻子大一歲兒五九二三歲七九五六歲
至十歲多則以十丸為率薄荷湯化下以通利為度○
治小兒天釣^{同前}脾風客忤卒死撮口驚口木舌喉痺肝顫
風壅吐涎後以他藥隨證調理用輕粉五分蠅尾十四
個銅青硃砂各二錢共為末每服五分薄荷湯調下○
治小兒急驚陽痢熱證面赤身熱發搐直視牙關緊者
用輕粉赤脚蜈蚣炙蠅尾各五分蘆薈胡黃連白附子
甘草各一錢麝香二分共為末二歲已上兒服五分薄
荷湯化下○治急驚天釣撮口此方通利痰熱用輕粉

五分麝香、水片各三分，全蠍七個，南星炮，即附子、青黛各草錢，硃砂、米飛過一錢，共為極細末，粟米糊丸如藥豆大，每用一丸，薄荷湯調下。先研半丸吹入鼻中。○治急驚壯熱喘滿痰嗽，大小便不通，用輕粉、滑石、南星、青黛各等分，共為末，稀糊丸如小豆大。一歲兒三丸，多則以七八丸為率。此方疎流蘊積，涎熱。○治急驚痰熱潮搐，用輕粉、青黛各一錢，天竺黃二錢，牽牛末四錢，共為末，煉蜜丸如小豆大，以薄荷湯化下。○治小兒涎喘服藥不止者，用輕粉一錢，以鷄子清二個拌和，銀器盛置隔湯蒸熟，三四歲者食，齋當吐痰，或泄而愈。一二歲者減半。氣實有力者方可用。○治小兒喫泥及癆肚，用輕

粉一分。研細。砂糖湯調服。良久泄。出泥土。瘰癧。○治大小便閉。脹悶欲死。二三日。則殺人。用輕粉一錢。生麻油一合。相和。空心服。○治水腫。臃脹。氣促。大小二便不通。用輕粉三錢。韭菜子五錢。共搗作膏。薑汁調傅。臍上。或作末藥。每服八分。薑湯調服亦可。○治楊梅瘡。癰。用輕粉三錢。大風子肉二十個。共搗爲末。以鷺鷥汁調塗。○治下疳。陰瘡。用輕粉末。乾摻之。卽結。臍而愈。○治臃瘡。久不合。用輕粉一二錢。葱汁調傅。先以米泔水溫洗。○治抓破面皮。用輕粉末。調生薑自然汁。搽之。更無痕迹。○治牙疳。鼻爛。有膿血者。用輕粉二錢。川黃連五錢。共爲細末。摻之。○治大人小兒耳邊爛瘡。用輕粉一錢。配黑

聚灰三錢共研細菜油調搽○治耳底腫痛膿水不絕
 用輕粉爐甘石各五錢麝香七釐共為末搽之○治爛
 弦風眼用輕粉末只津和以銀簪脚蘸藥點大皆內日
 十二次

○粉霜味辛氣溫有毒

李氏曰以輕粉轉升成霜故名粉霜○升粉霜法用真
 輕粉一兩入瓦罐內以鐵燈盞仰蓋罐口鹽酒和泥
 塗縫先以小炭火鋪罐底四圍以水濕紙不使手在燈
 盞內擦勿令間斷逐漸加大至罐頭住火候冷定取出
 即成霜如
 白蠟狀

○粉霜下痰涎推積滯利水腫治傷寒積熱顛狂謔妄見
 鬼及小兒急驚等證之藥也張氏曰粉霜係輕粉轉升
 得水銀之清中之清者大能潔淨藏府沉痰積滯去勝

魄中宿垢積膩之物。故下結痰。解結毒。去傷寒積熱。小兒驚癇。諸證。此亦無妄之藥。必不得已而用之。用之得宜。可稱應變之兵也。既毒而有損真氣。豈可嘗試。

○集方已上諸證。用他藥不効者。獨用此一味。不佐諸藥。急病用一二分。小兒用四五釐。以白湯調服。

○靈砂味甘。氣溫無毒。

李氏曰。按胡演丹藥秘訣云。升靈砂法。用新鐵鍋。安道遙爐上。以蜜糊錫底。文火下燒。入硫黃二兩。鎔化。投水銀八兩。以鐵箸急攪。作青砂頭。如有烟起。噴米醋解之。待水銀不見星。取出細研。盛入水火鼎內。鼎口用鐵燈蓋仰蓋。鹽泥固濟。下以自然火升之。燈蓋內盛水。計水乾。十二盞為度。候於取開。砂結如束針紋者。成矣。○洪平玉冊云。靈砂者。至神之物也。硫預制而成形。謂之丹基。奪天地造化之功。竊陰陽不測之妙。可以變化五行。鍊成九還。其未升鼎者。謂之青金丹頭。以升鼎者。乃曰靈砂。靈砂有三。以一伏時。周天火而成者。謂之金鼎靈砂。

砂以光。凌。神。明。天。火。而。成。者。謂。之。九。轉。靈。砂。以。地。數。三。十。日。砂。煉。而。成。者。謂。之。老。火。靈。砂。如。入。藥。用。重。宜。桑。柴。灰。淋。未。盡。者。狀。過。方。可。入。藥。○。茅。氏。曰。以。靈。砂。中。飲。食。餌。胡。縣。鴨。雄。大。等。變。其。心。藏。舍。人。有。

○靈砂益精神安魂。和藏府通血脉下逆氣殺精魅。見

邪之藥也。李氏曰。硫黃陽精也。水銀陰精也。以之相配。

二體合璧。有夫婦之道焉。故能奪造化之功。而升降陰

陽。既濟水火。為扶危拯急之神丹也。主上盛下虛。痰涎

壅盛。頭旋吐逆。反胃膈噎。霍亂轉筋。心腹冷痛。能升降

陰陽。既濟水火。調和五藏。補助元神。研末。米糊為丸。如

梧子大。陰陽水吞下七丸。最能鎮墜虛怯。龐安常言。治

久患反胃。及一切吐逆之證。小兒驚吐。其効更神。但不

可久服。多服爾。繆氏曰。前賢雖稱配合陰陽。既濟水火。

然而硫汞有毒性亦下墜。止可藉其墜陽交陰却病於一時。安能資其養神益氣補助元神於平日哉。凡胃虛嘔吐。傷暑霍亂。肺熱生痰。心虛神鬼不寧等證。病屬於虛火。非開陰寒久病陰寒驟發者。咸在所忌。如必不得已而用之。重配參耆歸朮稍可。

○集方治上盛下虛證治準繩氣不升降。痰涎壅盛。及中風涎潮。不省人事。或傷寒陰盛陽衰。自汗唇青。或婦人血海久冷。用靈砂一錢。薑汁打米糊丸。如小豆大。每服七丸。急者九丸。薑湯送下。○頭旋吐逆。人參白朮湯下。○反胃膈噎。人參砂仁湯下。○霍亂轉筋。淡鹽湯頓冷下。○胃脘心腹冷痛。木香湯下。○疝瘕弦氣。茴香湯下。○偶感暴

驚而得諸病。用人參湯下。○產後血脹不行。腹痛上攻。心胃用五靈脂湯下。

○銀硃味辛氣溫有毒。

李氏曰。按胡寅丹藥秘訣云。升煉銀硃法。用石亭脂二觔。新鐵鍋。化次下水銀一觔。炒作青砂頭。如有烟起。以米醋噴之。炒不見星為度。研末入陽城大罐內。石片蓋住。外用鐵絲纏定。鹽泥固濟。大火煨之以三炷香為率。待冷取出。貼罐者為銀硃。貼口者為丹砂。每石亭脂二觔。水銀一觔。燒上銀硃一十四兩八錢。次銀硃三兩錢五。

○銀硃劫痰涎。破積滯。散結胸。殺蟲虱。療疥癬。歛惡瘡。潰爛之藥也。李氏曰。硫黃同酒升煉而成。其體重墜。其性燥劣。用之不當。亦能爛肉。變筋。其功過與輕粉同也。

○集方治小兒驚痰。內釣多啼。用銀硃五分。乳香一錢。瓦

上焙出汗。共爲末。生蒜肉一錢煨熟。和搗爲丸。如

大一歲服五丸。三四五六歲服七八丸。薄荷湯化下。○

治痰氣飲食結胸。不問陰陽虛實。用銀硃五錢。明礬一

兩。同研細末。鐵鑪內鎔化。調勻。候冷。再爲極細末。神麴

糊爲丸。如梧子大。每服二錢。薑湯吞下。心上隱隱有聲。

結胸自散。不動藏府。不傷真氣。明礬化痰。銀硃破積。文

也。○治男婦陰毒傷寒。用銀硃二錢。輕粉一錢。生蒜肉

二錢。煨熟。共搗和。作餅貼手心。男左女右。兩手合定。於

陰下。頃間氣回。微汗出口。中微有蒜氣。卽活。○治蟲癰

用銀硃一二錢。桐油調塗。○治頭生蟻虱。用銀硃不拘

多少。米醋調塗。梳掠上。通髮。用幅巾包頭。一夜至旦。蟲

死○治疽瘡發背潰爛用銀硃白礬各三錢煎湯溫洗
外用桑柴火遠遠焙之目二次甚効○治魚臍疔瘡四
圍紅中央黑者用銀硃五分水丸白湯下○治楊梅
瘡瘡用銀硃輕粉各二錢俱研細末黃蠟清油各一兩
鐵盞內煎油滾投蠟鎔化取起將凝入硃粉二末攪勻
用油單紙攤貼瘡上茄自脫也○治血風膿瘡用銀硃
五錢黃蠟一兩香油二錢鐵盞中油內鎔化黃蠟將凝
入銀硃攪勻攤單油紙上再夾單油紙一層貼之○治
男婦身染楊梅毒氣筋骨疼痛用銀硃三錢枯礬四錢
作二紙撚每旦以一撚蘸香油點燈照臍被覆臥之取
汗

玉石類

玉味其氣平無毒

周氏曰玉出藍田及南陽徐善亭部界中今西域于闐國疎勒諸處出玉音鴻臚卿張匡鄴使于闐作行程記載其國采玉之地云玉河在闐國城外其源出崑崙山西流一千餘里至於闐界牛頭山乃疏為三河一曰白玉河在城東三十里二曰綠玉河在城西二十里三曰烏玉河在綠玉河西七里其源雖一而其玉隨地而變故其色不同每歲五六月大水暴發則玉隨流而至玉之多寡實由水之大小七八月水退乃可取又王逸民下經載玉之色曰赤如雞冠黃如煮栗白如截肪黑如純漆而青玉獨無說焉今細查之青白者嘗有黑者時有之黃赤者絕無雖禮之六器亦不能得其全真者今儀州出一種石色如煮栗彼人謂之栗玉或云若黃玉之類但水潤澤聲不清亮為不及也然服食者惟貴純白他色亦不取焉李氏曰按太平御覽云交州出白玉夫餘出赤玉抱叟出青玉大秦出紫玉西蜀出黑玉藍田出美玉觀此諸說則玉出產之處亦多矣而獨以于闐玉為貴焉古禮玄珪蒼璧黃琮赤璋白珽玄璜以象天地四時而直名禮記云石蘿玉則氣如白虹精神見

於山州也博物志云山有野穀生下有玉玉之精見於
於山而木潤產於水而流芳藏於石而文采露於外
此諸說則玉有山產水產二種不同細考之中國之
多在川于關之玉多在河也其不似玉者如玳瑁
瑤瑤等類也北方有鑑子玉雪白有浮眼乃土藥煨
者然無溫潤光明之氣色不可不辨又稱官骸火玉色
赤可烹鼎暖玉可辟寒寒玉可辟暑香玉氣香戴玉
采又外國有觀日玉洞照日中山
水宮闕此皆希世之寶不易得也

○白玉潤心肺助聲音止煩渴定虛喘安神明滋養五藏

六府清純之氣之藥也宜與金銀人參竹葉麥門冬同

煎服有益又按玉經有青黃赤白黑碧六種之色凡入

藥惟取生玉純白無瑕者佳如他色者性劣而燥不可

用也

良环味辛氣平無毒

寇氏曰青云羅州賦貢珠琳琅玕又西域記言天竺國亦有之又按許慎說文云琅玕石之似玉生南海石崖間狀如竹質似玉體如石感陰陽之氣而成又列子云蓬萊之山珠玕之樹叢生據此諸說則琅玕生於西北山及海上山崖間如生於海底以鐵網取者是珊瑚非琅玕也產於山石崖者為琅玕青色產於海底者為珊瑚紅色此說明甚又回回地出一種青珠與琅玕相似恐是琅玕所作者也

○青琅玕療肝逆氣阻手足逆臍熱瘡身癢疥癰死肌及

石淋淋閉不通產後惡血悶脹諸疾俱宜火燒投酒中淬之三次取酒飲一二合愈

治乳蛾腫脹用雄黃一錢五分膽石明礬各一錢芒硝二錢煑研極細和勻吹入喉中○又方用雄黃二分火

硝一錢五分。硼砂五分。冰片三釐。共研細末。用蘆管超藥一二匙。吹喉間。卽吐痰涎愈。○治坐版瘡。用雄黃二錢。研極細。瀝青六錢。研碎和勻。以綿紙包裹。撚成紙條。用猪油熬化。浸透。點火燒着。取滴下油。搽上立効。○治蛇咬傷。用雄黃五錢。研細末。以菜油半盞調。再以白芷一段。在油內和雄黃磨。以白芷磨去少許。蘸雄黃油。搽傷處。溫火烘之。滴盡黃水爲度。水出腫漸消。

治小兒癰疾。積塊僻居兩脇。生于皮裏膜外也。又有痞結者。否塞中脘。堅硬可按也。二證總因飲食失調。停滯不化。邪氣相搏。而成。用藥必先回胃。氣爲主。使養正。癰癰積自除。若欲而攻。其積損其脾土。脾土一虧。必變證百出矣。以運脾消癰散。用雄黃五錢。研細。白茯苓厚朴白朮三稜麥芽甘草各一兩。俱用醋拌炒。磨爲末。每服晚各服一錢。米湯調下。外用磨癰膏。見硼砂下。

珊瑚味甘氣平無毒

李氏曰珊瑚生南海及波斯國師子國來今廣州亦有生海底作枝柯五七株成林居水中而吹見風則曲而硬枝柯多者更難得明潤如赤玉珊瑚脂色有細縱文者為上淡紅者次之黑色者不堪用按海中經云取珊瑚先作鐵網沉水底珊瑚貫中而生歲長一尺因袋網得之皆摧折在網中故難得完好者不知今之取者果爾否按東明史記言漢積翠池中有珊瑚樹高二尺本有三柯上有四十六條云是有越王趙佗所獻夜有光晉石崇家有珊瑚樹高六七尺今並不聞有此高大者

○珊瑚散瘀血去目翳之藥也仲安繆氏曰此得水中陰堅之

氣以生體潔而氣清質堅而性墜故唐本草善消瘀血

而去翳障大氏方又言鎮心志止驚癇皆取此堅潔清

重之義云

○集方治心氏家抄肺鬱熱吐衄不止用大紅珊瑚以布包鐵錘

徐徐擊之候碎入鐵研中徐徐研極細如粉每服二分
白合煑成糊調服○治目^眼中^升膚翳^方用珊瑚貝子真珠馬
腦琥珀石蟹各等分爲極細末用米許點入目中○治
心^方神^上昏冒^系驚癇卒倒或怔忡煩亂用大紅珊瑚琥珀真
珠各一錢研極細人參白朮當歸膽星各三錢共研末
和珊瑚等末每服一錢燈心湯調下

瑪瑙味辛氣寒無毒

李氏曰瑪瑙生南北東西四野外國中非玉石之屬乃重寶也有紅白黑花斑四種有花文如繆絲者為上品得自然灰印軟可刻字也按曹鼎格古論云多出南北東西四番外非玉非石堅而且脆刀刮不動其中出產有紅黃白黑斑點又顧氏負贖錄言瑪瑙品類甚多出產有南北大者如斗其質堅硬碾造費工力東南產者出大食國色正紅無瑕斑可作杯等物西北產者色青暗今寧夏瓜沙羌地砂磧中亦嘗有之外有栢枝璣花如栢枝有夾胎璣正視瑩白側視又若凝血一物二色也截子璣黑白相間合子璣色如漆黑中有一條白線間之錦紅璣其色赤如錦花繆絲璣其色紅白如絲之細此皆貴重之品又有紫水璣其色如淡水花醬斑璣有紫紅花點曲蟠璣有粉紅花條皆其次者又有紫雲璣山和州上石璣出沂州此二璣亦有紅色雲頭繆絲胡桃等花者又竹葉璣出淮右花如竹葉並可作桌回屏風又金陵雨花臺小瑪瑙正可克玩好○試瑪瑙法以礱研木不熟者為真。

○瑪瑙辟惡氣解客忤去日墮之藥也繆氏曰此乃玉之

之集卷之十一
屬也。觀寶藏論言砑木不熱。其性寒可知。光潔明淨。其體清可知。故陳氏方辟惡氣而解客忤。去目翳而熨赤爛。皆取此寒潔清淨之氣而辟除卒暴鬱結之疾也。

○集方治卒暴惡邪鬼氣及小兒客忤神亂氣閉之證。用明淨瑪瑙麤石上酒磨汁。薑湯衝和灌之。即甦。○治目生翳障。用瑪瑙配珊瑚用。見珊瑚集方中

雲母味甘氣平無毒

別錄曰雲母出泰山齊山廬山鄒耶北定蘇氏曰今雲
夢山方臺山及江州淳州抗越間亦有生山石間宜二
月采李氏曰候雲氣所出之處掘取無不大獲但掘時
忌人聲也小者長二五寸大者長五七尺作片成屑可
折光瑩如水白澤經透者爲上以沙土養之歲月生長
置千觴子一室中雲氣常起向日觀照五采並具陸地
不見諸色也多青色者名雲英春月宜服多赤色者名
雲珠夏月宜服多白色者名雲液秋月宜服多黑色者
名雲母冬月宜服具青黃色者名雲映季夏宜服晶
純白色者名雲磷不拘四時宜服也純黑色者名雲
宜服候服令人病淋瀝落疥卽陽起石也百氏曰修
治設經婦人手便失靈服之白水煮一日夜研細服
雲母下痰飲退瘧疾止久痢禁淋帶之藥也韓氏曰此

○雲母下痰飲退瘧疾止久痢禁淋帶之藥也。《醫心方》云此藥色白屬金而主肺石藥中溫良之品也。以其性金故主肺胃痰飲。金能平木故退瘧疾而定寒熱。且平和胃以溫中。故又止久痢。禁白帶淋濁之疾焉。但味性雖居

非平。終錫石類與人身藏府氣血實非同器。祇宜用以治病。取効則已。如前古所云煉服益精明且輕身延年之語。此後世妄誕之士。假神農之言。附會其說。以欺世愚俗。不可依從。

○集方治痰飲吐涎沫。或頭痛者。用雲母水炙過五錢半。

方脈正宗

夏薑汁製。南星薑汁製。各一兩。於白木土排炒。一兩五錢。其爲極細末。每早晚各服三錢。食後白湯調下。○治

牝癰寒多熱少者。用雲母燒半日。蜀漆燒去腥。龍骨燒

紅。各等分。爲末。末餐前服一錢。薑湯調下。○治赤白痢

積年不愈。用雲母經煉過。爲細末。每早晚各服八分。薑

湯調下。○治婦人帶下白淫。用雲母煉過。爲細末。每早

湯調下。

晚各服一錢黑棗泡湯調服。○治難產催生方用雲母經煉過五錢為極細末事林廣記溫酒調服入口即產不順者即順萬不失一。○治金瘡出血不止用雲母經煉過研細末傅患上即止。

治小兒驚風大人癲癇及男婦骨蒸勞熱咳嗽吐痰如中風語澀舌強久不瘥者又傷寒大熱不解狂躁不寧一切陽熱火盛之證悉皆治之。名安神丸用上潔雲母石研細水煮過五錢烏犀角硃砂各三錢玄明粉一錢冰片半黃麝香各四分共研極細再配人參白茯苓星地骨皮甘草各四錢微炒為細末麥門冬去心一兩如雞豆大麝乾淨磁器封藏每遇是患酒煮隔湯膏為丸大人服三丸小兒服一丸生薑湯化下。○治小兒一切

痰喘名萬金散用上潔雲母石水煮過五錢全蝎僵蠶

甘草膽星黃連天麻各四錢俱微炒牛黃巴霜冰片各

二分

共爲末每服一分薄荷湯化下

○治小兒急慢驚風癲癇天弔中

惡客忤臍風撮口胎驚胎瘤牙關緊急痰熱搐搦反躬

鼠視昏迷不醒一切驚怪危惡緊急之證並皆治之名

大聖奪命丹用上潔雲母石水煮過全蝎僵蠶烏稍蛇

尾烏犀角羚羊角赤足蜈蚣各五錢石菖蒲羌活白附

子茯神半夏膽星北細辛各四錢沉香川烏童便製人

參甘草各三錢琥珀硃砂珍珠雄黃各二錢天竺黃一

兩川烏泡一個金箔四十張麝香一錢

薑汁打糊爲丸如次寶大每用

一丸薄荷湯化下

白石英味甘。氣微溫。無毒。入手太陰。陽明二經氣分。

蘇氏曰。白石英。出澤州。魏州。維州。多有。今取澤州者為勝。別錄曰。向出華陰山谷。大如指。長三四寸。六稜如削。白。微有光。長五六寸者。更作黃。端白。稜者名黃石。英赤。端白。稜者名赤石。英。青。端赤。稜者名青石。英。黑。稜有光者名黑石。英。若細而長及大而不正。與多瑕疵者。俱不可用。李氏曰。澤州有英。雞鳴石。英而性補。

○白石英養陽氣。滋陰藏之藥也。王氏曰。色相瑩潔如華

萼。故名石英。以石質可入腎。白色可入肺。中含火光可

散寒。故前古主腎氣不周於胸而消渴。天癸枯竭於內

而陰痿。肺氣衝逆不平而欬逆。風濕隔滯不行而痺結。

或心陽失令。而胸膈作寒。或脾胃衰弱。而中氣不運。此

藥體堅而氣潤。質重而性輕。味甘溫而能補中。逐冷。雖

屬石種。實無燥劣剛暴之性。大有資化育神之功。柰何

前人以功用載之方冊而後人竟棄之不用惜哉然僅可暫用應効即已又不可使人多服久服也

○集方治腎藏陽氣衰微津源不能上濟於華池頻作渴者用白石英四兩煎湯飲一方加枸杞子二兩同煎亦通○治婦人年未五十天癸久絕不行用白石英四兩當歸身二兩煮酒飲○治形寒飲冷肺氣衝逆作欬作喘或爲哮喘或爲冷怯用白石英二兩日煎湯飲一月平後○治風濕留滯筋脉四肢木強不能舉動而痺痿者用白石英四兩用好酒十壺重湯蒸三日夜酒耗去半白石英仍浸酒內逐日隨量飲飲畢再加酒十壺如法蒸飲全愈○治心火失令胸膈時作寒冷陽氣不運

漸成中滿。減飲食者。用白石英八兩。用好酒十壺。重湯蒸三日。夜與前風濕留滯方同法製服。○一方治虛寒百病。千金翼用白石英打碎。如小豆大。取一合。每日煮粥食。次日取起水洗淨。再和粥煮。如此煮粥食百日。卽見顏色悅澤。精神強健。百病全消。

紫石英味甘氣溫無毒味厚於氣陽中之陰降也入手少

陰足厥陰經血分藥

別錄曰紫石英生泰山山谷吳氏曰今會稽山諸暨山陽山山鳥程山俱有之李氏曰今江夏礬山永嘉固陶村小山亦有其色淡紫其質瑩澈如水晶不拘大小皆具五稜加削兩頭如箭鏃修治凡入丸散用火煨醋淹七次研末水飛過用

○紫石英溫中暖藏之藥也如前古治欬逆上氣寒熱邪

氣婦人風寒在子宮絕孕無子蓋取溫以除寒甘以補中也如別錄又言定驚悸安魂鬼者蓋取重以去怯明以達幽也此藥填補下焦而走腎藏為婦人煖子宮壯胎娠治半產誠為要藥然而止可暫用不宜久服凡係石類皆然不獨石英一物也如婦人絕孕由於陰虛火

旺不能攝受精氣者又忌用之。

○集方治肺寒欬逆上氣用紫石英下三方此藥研火煨醋淬七次每早

用五分花椒十粒泡湯下十服全愈○治時行寒瘧頭

痛寒熱如瘧用紫石英五分製法如前方生薑五片煎湯調

服三服愈○治婦人胎胞虛冷久不受孕或受孕多小

產者用紫石英二兩製法如前配香附醋炒當歸川芎俱酒

炒白朮土拌炒各三兩枸杞子酒洗炒熟地黃酒煮搗

膏煉蜜丸梧子大每早晚各服三錢好酒送下○治怔

忪驚悸子水家秘竟鬼不寧或心虛不寐精神煩亂用紫石英一

兩製法如前配當歸遠志棗仁川貝母茯苓柏子仁各二兩

川黃連三錢俱用鹽水拌炒研為末煉蜜丸每早晨服

三錢臨睡服四錢俱用黑棗湯下○治風熱癰癰及驚
癰痰癰用紫石英白石英寒水石石膏俱打碎大青乾
薑龍齒牡蠣滑石甘艸各五錢水一升煎半升食後溫
呷無不效者

菩薩石味甘氣平無毒

蘇氏曰菩薩石出嘉州峨嵋山五臺諸山及匡廬巖竇間其質六稜或大如栗棗或如櫻桃其色瑩白明澈如狼牙石水晶之類日中照之有五色彩映日可愛亦石英之類也

○菩薩石解百藥毒化諸蟲毒之藥也宋人日華子治藥
毒蟲毒及蛇蟲蜂蠍狼犬諸毒并一切金石藥毒變動
作癰疽渴疾又傷寒熱狂譫語產後血閉驚癇諸證俱
用白湯磨服如蛇蟲狼犬等傷再爲末并傳傷處

金石類

石青味甘。氣平無毒。

別錄曰：石青生朱厓山谷，及武都朱提、南海中。吳氏曰：生蜀地。朱厓已南，及林邑、瑛、南順上來者，形塊大如拳，其色甚青，腹中亦時有空者。武昌者，形塊小而色更佳。今簡州梓州者，形扁作片，而色稍淺。李氏曰：今繪畫家用之，其色青翠，不淪楚蜀黔滇諸處亦有之。而今貨石青者，有天青、大青、西夷青、回回青、佛頭青，種種不同。而回回尤貴。外有扁青、青碧、青白、青皆其類耳。

○石青下頑痰去風癰定驚悸明目疾堅筋骨折傷之藥

也蘇氏曰此藥色青質細光潤瑩徹通東方甲膽乙肝

之神故善能明目退翳鎮驚定狂下痰破結立見奏功

然終屬石藥但中病卽已不可多服久服也如前古又

主折傷筋骨損壞溫酒調服數分日漸完固軍醫黃杏

功用收陣後傷殘。屢見神應也。

○集方。治頑痰阻塞不化。時發風癰。用上翠嫩石青五錢。石綠二錢。俱研極細末。以神麴打糊丸。菴豆大。每服十丸。溫湯下。能吐痰。一二盃不損胃氣。○治小兒惡驚風。用石青一兩。天竹黃五錢。牛黃一分。俱研極細末。每服一二分。生薑湯調下。○治目痛目癢。并翳膜不明。用石青三錢。珍珠一錢。研極細。用銀簪腳點少許。已上三方。出慕容道子丹秘。

空青味甘酸氣寒無毒入足厥陰肝之用藥。

陶氏曰空青生益州山谷及越嶲山有銅處則生其時
中空蘇氏曰今蜀蘭宣梓諸州亦有宣州者腹中空青
州蘭州者成片或成塊色青無空腹者大氏曰空青大
者如雞子小者如相思子其殼青厚如荔枝其內有漿
味酸耳又按張果玉洞要訣云空者言其質青者言其
色也產上燒似鍾乳者佳左氏段段皆金紫色有光
次產蜀嚴道及北代山青亦好受庚辛赤金之精甲乙
陰靈之氣近泉多生久而含潤初從坎中出者其內有
水如漿味頗甘酸經久即乾如連珠金星燦燦然又如
庚辛玉冊云多生金坎中生生不已故青為之月有如
拳大及卵形者乃得空中有漿如水出銅坑者亦佳止
堪作畫又有石青楊梅青皆是一體而質有精麤不同
耳點化以魯青為上空青次之楊梅青又次之但園質
如珠者乃白青非空青也修治各隨方製酒浸醋拌製
變明

○空青明目聰耳利九竅之藥也葉氏曰此藥得金礦精
英之氣熏蒸而生輕虛玲瓏力走空竅故前古主目病

一切諸證。凡腫赤翳淚痛癢昏蒙及目珠傷損破壞咸得收全。目疾諸方首稱之也。推此而外如頭風腦脹中風口喎蘇軾兩氏屢用奏功。色青主肝。去肝經風熱爲最。故爲治目神藥。此藥中之珍貴妙品也。一時難搆。除目疾之外。他用稀少。然治目病其應甚捷。倘目珠死枯翳乾并傷損致瞳神走裂者。用之亦無益也。

○王紹隆先生曰。空青色青法木。故可入肝。功能明目。肝主開明於目。故也。然瞳子神光專司在腎。空青中亦有漿。宛如骨中之髓。且金星燦燦然。象形從治持易耳。

○集方治雀目。聖濟作赤目青盲內外翳障及風眼火眼淚眼并膚翳昏暗一切目疾咸可治之用空青胡黃連俱用斤

落水洗淨。各三錢。曬乾。爲極細末。加大冰片一分。總研勻。用潔淨瓷瓶收貯。每卧時。仰頭用鷲管吹藥一二分入兩鼻內。便覺目中有涼。爲驗。○治中風口眼喎斜。用空青豆粒許乾嚼。含嚥甚効。○治頭風腦痛。百藥不効。用空青一錢。冰片一分。共研極細末。吹一分於兩鼻孔中。或用一二分白湯調服亦可。○治斑瘡入目不退者。用空青一錢。丹砂二錢。共研細末。蟬蛸五枚。搗汁和藥點之。

○曾青。味酸。氣寒。無毒。

別錄曰。曾青出蜀中。及越。鄞。諸州。鄞州諸山谷中。李氏曰。其山有銅。曾青生其陽。曾青者。銅之精也。色埋相類。空青累累如黃連相綴。又如蠟蜋屎。而方稜。色淡如波。斯青黛層層而生。故名曾青。叩之作金聲者。始真。又造

化指南云。空青多生金礦。曾青多生銅礦。乃石綠之得道者。藥東方之正色也。須酒醋漬炙。乃有神化。修治勿用夾砂石。及有銅青者。每一兩。取菜豆二合。搗碎。二兩入瓷鍋內。同煮一晝夜。勿令水火失時。取出。再用東流水浴過。研如粉用。

○曾青治目義同空青。茲不重錄。

○石綠又名絲青味苦澇。氣平。有小毒。

李氏曰。綠青卽石綠。陰石也。生銅坑中。乃銅之祖氣也。銅得紫陽之氣而生綠。綠又則成石。謂之石綠。而銅生於中。與空青曾青同一根源也。范成大桂海志云。石綠一種。脆爛如碎土。石者。名泥綠。品最下。按大明會典云。青綠石礪一觔。淘淨絲一十一兩。四錢。暗色綠。每礪一觔。淘淨絲一十兩。八錢。礪砂一觔。燒造。礪砂絲一十五兩。五錢。修治。揀上。色深綠。精好者。研篩。水飛過。用。

○石綠吐風痰。消喉痺。殺疳蟲之藥也。蘇氏曰。此藥酸澇。善能逐涎。化風痰。眩悶。用一二錢。研末。白湯調服。偃卧。

須臾涎自口角流出卽愈其功更勝於他藥故著之李
氏曰痰在上宜吐之在下宜利之亦觀人虛實強弱更
察其脉如痰鬱火閉氣盛有餘之人乃可投之如肺燥
陰虛血少胃弱之人并六脉虛數亦須斟酌行之故初
虞世有金虎碧霞之戒正此意也

○集方治風痰迷悶用石綠一兩川烏頭尖蠅稍各七個
共研爲末米糊丸芡實大每服二丸薄荷湯化下須臾
吐出痰涎○治喉痺脹塞水藥不通用石綠一錢研末
白湯調服須臾吐出涎痰立通○治小兒疳熱生瘡或
頭瘡鼻瘡耳沿瘡咽頸窩瘡久不瘥者用石綠白芷各
等分爲細末先以米泔溫水洗瘡用猪膽汁調搽數日

愈○治齒縫疳。臭爛。用前藥少許。搽齒縫間。卽愈○
治急驚昏迷。不省人事。用石綠四分。輕粉三分。共研細
末。每服二分。薄荷湯調下。取吐。

丹砂味甘氣微寒有毒可升可降陰中陽也入手少陰經

別錄曰丹砂出符陵山谷符陵涪州也接巴郡之南今
不復采矣出武陵西川諸蠻夷中者通屬巴地謂之巴
砂蘇氏曰近出辰州宜州皆州而辰州者為最生溪山
石崖間穴地數十丈始見其苗乃白石曰殊砂狀砂生
牀上大者如鷄卵小者如榴子狀若芙蓉頭似箭鏃連
牀者色黯而光明瑩微碎之嶄巖作峭壁如雲母石成
屑可析者辰砂也遇此以往皆潤土石中得之無石者
彌佳宜州者亦有大理亦作峭壁但罕類物狀色亦淡
赤為用不及辰砂蓋山土石間非生石牀故也宜之鄰
地春州融州亦有砂故其水盡赤毋州霧鬱蒸之氣作
赤黃色上人謂之殊砂瘡能作瘡癰為人患也隋州者
但可作膏不堪人藥雷氏曰砂凡百等有妙流砂如拳
許大或重一鎰具十四面而如鏡遇陰沉烟雨即有紅
緊溢出有梅相砂如梅子許大夜有光照見一室有白
庭砂如帝珠子許大而有小星燦爛有神座砂金座砂
玉座砂不經月竄服之自延壽命次有白金砂澄水砂
陰成砂辰錦砂芙蓉砂平而砂金星砂馬牙砂神末砂
曹末砂豆砂石砂塊砂溪砂土砂等不可一一細述

有寇氏曰出嶺洞錦州界猜察明老鴉井者并渡廣數
十丈聚薪焚之石壁迸裂處即有小禽中生石絲如玉
赤上結砂光明可鑒砂泊狀太者重七八兩或十餘兩
張果老人云并砂者萬靈之主若南方或赤龍建號或
朱鳥為名上品生辰錦中品生交桂下品生衡鄉清濁
體異真偽不同辰錦者生白石絲上十二枚為一座如
未開蓮花光明耀日座中大者為君小者為臣四面朝
幾又有紫靈砂圓長似筭而紅紫為上品又有如馬牙
光明者亦上品自色若雲母者為中品石片稜角生青
光者為下品交桂所出但是座上及打石得之形似笑
茶者亦入上品類粉通明者為中品片段不明者為下
品衡鄉所出雖是紫砂得之砂石中者亦下品也陳氏
曰金州商州一種色微黃作土氣信州一種形極大光
芒瑩瑩黑顏宜州所產而有硫氣破之作生硫色若入
藥用見火殺人唐辛王掘云柳州一種全似辰砂塊圓
如皂角子不入藥用出商縣宜信四州者內含毒氣沒
今銀銅鉛之氣而不可用設雖石末及鐵屑與黑色名
陰砂者亦不堪用今時俗目色不染紙者為柳坑色鮮
赤紙者為新坑舊坑者佳新坑者久之雷氏曰凡修治
砂上品者敲豆粒大每用砂一觔好酒二觔米醋一
觔煎便一觔菜豆三合再和清水二觔同煮以水乾為
時時研解而無不發之患此法是蜀醫楊紫亭川之良

○丹砂鎮定心氣之藥也。龍潭方主寧心定志安魂。鬼伏
癲狂散驚癇。疰卒忤殺鬼邪狐魅解鬱熱。安火等證。究
其功用之所長。陰清鎮重安煩下熱。故於心神。魂。鬼。志。
意。不寧之證。每需用之。而不棄也。至於殺鬼邪狐魅者。
蓋鬼魅妖狐。係陰浮無定之邪物耳。丹砂火赤。鎮重得
靈明之體。稟陽明離麗之光。使之重以鎮之。明以耀之。
則陰浮無定之邪。而自滅矣。故道家書符咒水。藉此爲
法寶也。何前人撰本草。遂託神農之名。而謬言治五藏
百病。久服通神明。長生不老。能化爲汞。豈理也哉。故唐
甄氏撰藥性論。謂其有大毒。若經伏火。及一切烹煉。則
毒等砒礪。服之必斃。自唐以來。上而人主。下而縉紳。會

餌斯藥殺身之禍鮮克免者戒之戒之朱又讀本草於蘇氏集解中云每有煙霧鬱蒸作赤黃瘴氣尤能作灾癘爲人疾患等語洵非良善無毒之物也可知矣焉有久服能致長生之道乎。

○方龍潭先生曰小兒初生用硃砂一二分研細乳調塗

口中令兒吮之能化胎毒又不宜多服多服反發毒也此藥生研服之性涼而降火煉熟服之必亂氣潰血走泄精神反致煩悶或多生惡毒損壞藏府爲害有不可勝言者

九脉正

○集方治心志不寧或怔忡或驚悸或驚癇恍惚或昏昏多寐或煩躁不眠等證用上品好硃砂三錢用好酒米

許各少石菖蒲當歸川貝母陳膽星茯神各五錢俱微

炒研爲末琥珀真珠各二錢研極細末煉蜜丸如龍眼

核大硃砂爲衣不拘時服虛煩人參湯下有痰生薑湯

下內熱燈心湯下內寒桂附湯下臨證酌用毋執也○

治一切驚憂思慮多忘及心氣不足癰癩狂亂用上品

硃砂二兩打成豆粒如前燈心二兩續猪心二個切開

入燈心硃砂在內麻札住磁鍋內煮一伏時取硃砂爲

極細末外用茯苓二兩爲末酒打米糊爲丸梧子大每

服十四丸漸加至二十一丸川麥門冬湯下甚者用乳

香人參湯下○治小兒驚熱夜卧多啼用上品硃砂二

錢製法牛黃一分共爲極細末每服二分羚羊角磨白

湯調下。○治小兒急驚搐搦用上品硃砂五錢製法同前天

南星一個重一兩者切片酒炙黃全蝎三個共為極細

末凡一歲兒病每用一分薄荷湯下。○治大人小兒打

撲驚忤血入心竅不能言語者用上品硃砂三錢製法同前

為極細末以雄猪心血為丸如麻子大每用三七丸黑

棗湯下。○治無故客忤卒死用上品硃砂二錢製法同前為

極細末用生蜜一合和白湯少許調灌之即甦醒。○治

瘟疫可辟穢不致傳染用上品硃砂一兩細研如粉棗

肉和為丸如麻子大嘗以太歲日平日一家大小勿進

一切飲食向東各吞三七丸苦茶送下永無瘟疫災癘

并治鬼魅妖狐憑附人者。○治鬱熱妄火浮遊不定用

上品硃砂二錢製法同前川貝母一兩共研極細末用竹瀝

半盞和膽星末三錢打作稀糊為丸如麻子大每早晚

各服五分白湯下○治產後敗血邪氣入心癩狂見祟

用上品硃砂二錢製法同前研細以紫頸蚯蚓一條搗爛拌

入硃砂末內入無灰熱酒一盞調服○治心腹卒得瘕

積用上品硃砂五錢製法同前研極細拌飯一碗用雄鷄一

隻餓二日以飯飼之收糞曝燥為末溫酒服一錢日三

服服盡更作愈乃止○治男婦心胃痛用上品硃砂明

礬枯各等分為細末白湯調服一錢二分○治胎死腹

中不出用上品硃砂五錢製法同前白酒調服即出○治面

上疔黧用鷄子一個去黃入上品硃砂末五錢入鷄子

內綿紙封固入雌伏雞下抱至雞出取沐盆而即去不
四五次愈

通靈五寶散

凡人病過楊梅天泡棉花等毒致成一切難治之疾或
發時或通身花瘡不消或出足破出血或遍身起皮
爛口臭難言及年久膿瘡不愈一切頑瘡惡毒並皆石

大升砂二分 鍾乳粉三分 琥珀 冰片各五厘

右為細末每服五粒另入飛白麝一分五厘鹽炒過冷作
一服每十粒分作三次帖每一日用土茯苓一觔煎水
煎作十二碗去渣清晨以一碗入藥三匙攪勻溫服其
藥一料以十二日即愈或有不終劑而愈者如病重者
再服一料無不愈也百發百中忌雞鵝牛肉房事服藥
完不忌此方乃王范泉遊宦廣東傳來極真治楊梅瘡
乃是古今第一仙方也幸寶之貴之川為病者

雄黃味苦。氣寒平。有毒。氣味俱厚。升也。陽也。入足陽明經。

吳氏曰。雄黃。生山之陽。是丹之雄。所以名雄黃也。別錄曰。生武都山谷。燉煌山之陽。武都氏羌也。是仇池宕昌亦有之。但少劣耳。燉煌在涼州西北千里。近來流寇紛擾。貨取不便。抱朴子云。今石門始興之好者。純而不雜。色如鷄冠。光明。晬晬者。最勝。蘇氏曰。階州後西戎界。出一種水窟雄黃。生山巖中。有水流處。其石名青烟石。白鮮石。黃出其中。其塊大者。如胡桃。小者如栗。如豆。有孔。寂色。淡紅而微紫。體極輕虛。而功用更勝。丹竈家尤貴重之。劉禹錫曰。按水經注云。零陵縣西北連巫山之溪。出種種名黃。水雄黃有神異。每冬月祭祀山神。鑿石。浸數丈。片采得之。故以溪水取名焉。但凡雄黃色純黃。似雌黃色。而無光明者。外有黃。中帶青黑。而堅硬者。曰熏黃。氣臭者。曰臭黃。並不堪服食。只可療瘡疥。作熏塗藥。修治。每雄黃三兩。用其神菜豆各一兩。以新汲水入。其銅中煮一伏時。取出。搗如粉。水飛澄去黑。者。其內有劫鐵石。能劫鐵。並不入藥用。

○雄黃殺百蟲。療疥癬。化涎痰。止癩癰。消死肌。磨積聚。逐癰氣。祛精邪。鬼魅之藥也。成氏曰。此藥稟火金之性。得

正陽之氣以生善辟陰凝留閉諸疾故前古之殺百蟲
疥癰王好古之化涎痰癩癰別錄之消死肌積癰精魅
鬼邪瘧疾寒熱悉屬陰凝障痺之氣藉此雄明正黃之
令轉陽精純健之力則陰凝留閉諸疾不驅而自消夷
矣繆氏曰此藥體屬金石性墜氣悍雖能殺百蟲及傳
疥癰惡瘡疔腫辟鬼魅邪氣在所必用然而燥烈有毒
外用易見其所長內服難免其無害凡在服餌中病即
已因盡劑也前古稱爲煉食之延年益壽輕身神僊此
乃唐間方士託僞神農之言妄誕欺世之語不可信從
蘇氏方
○集方治蟲毒蠱毒用雄黃生明礬各等分端午日研化
蠟丸梧子大每服十九熱水送下○治遍身蟲疥蟲癩

用雄黃、蛇牀子各等分，俱研細。水銀減半，以豬油和搗勻。入水銀再研，以不見星爲度。早晚以湯洗淨，搽藥。○
治頑痰涎結不散，胸滿頭眩，不能飲食者，用雄黃研極細，水飛過，每服五分，米湯調服。○治癩癧，卒倒常愈。常發用雄黃、水飛過，膽星俱研細，草薢肉各等分，共研勻，米糊爲丸，如菰豆大，每早飯後服一錢，白湯下。○治死肌惡瘡、癰痔、疽疔、癰爛，久不收口，用雄黃研細，水飛過，以少許日敷之。○治積聚痞塊，用雄黃、白礬各一兩，俱研細末，用水粉一兩炒焦，米醋調和，雄黃、白礬末作膏，用細密布攤貼患處，上連貼三四個，卽愈。○治脇下疰癰，因傷食成者，用雄黃一兩爲末，巴豆肉三錢同研，入紅麴

五兩爲末滴米跌成丸梧葉大每服七丸溫湯下以利
爲度和劑局方治飲酒多而成癥頭眩惡心嘔吐或酒積停於
胃間遇飲卽吐久而成癖用雄黃一兩爲末巴豆肉一
錢蠟稍十五個同研勻入紅麴二兩爲末滴水跌成丸
如梧子大每服七丸溫酒下以利爲度千金方○治卒中邪魔
用雄黃研細末吹鼻中立應○治鬼擊成病腹中煩滿肘後方
欲絕用雄黃爲細末服一錢酒調下○治男婦病邪爲
鬼物所憑或夢與交通獨言獨笑悲思恍惚者用雄黃
一兩松脂二兩溶化以虎爪攪之丸如彈子大夜燒爐
鉢中上架無板椅橈令病人坐其上以被通身蒙之露
頭在外不過三九自斷再以人參白朮防風各二錢雄

黃一錢共爲末每早服一錢白湯調下。○續補集方治
小兒諸癩以雄黃硃砂各等分爲極細末每服一錢猪
心湯調下七服愈。○治傷寒狐惑_方虫蝕下部_方痛癢不止
用雄黃五錢研細末火盆內燒烟熏其下部即愈。○治
偏頭風病用雄黃北細辛各等分爲細末每以一字吹
鼻左痛吹右右痛吹左。○治楊梅惡瘡用雄黃一錢爲
細末杏仁三十粒去皮輕粉二錢俱研細末用米泔熱
水洗淨瘡以雄猪膽汁調搽瘡上一日二次三日全消
○治纏喉風痺用雄黃一錢爲細末白湯一盞調服取
吐下愈。○治走馬牙疳臭爛用雄黃三錢銅綠二錢俱
爲細末大黑炭去核十個共雄黃銅綠末同搗成膏丸

如彈子大。大火內燒紅。存性。爲細末。搽少許。以去涎爲度。○治耳爛出臭膿水。久不愈。用雄黃、雌黃、硫黃各等分。爲極細末。吹少許。○治鼻準赤色。用雄黃、硫黃、鉛粉各二錢。蜜陀僧五錢。共爲極細末。每臨睡時。以糯米湯加生蜜一二匙調傳。五次全退。

○雌黃味辛。氣平。有毒。

陶氏曰。雌黃。出武都仇池者。謂之仇池黃。色小赤。出扶南林邑者。謂之崑崙黃。色如金。而似雲母。有甲錯層層可拆。蓋家所重。李氏曰。今舶上來。如噴血者。爲上。湘南者。次之。軟如爛金者。更佳。雖有雄雌二種。其實一處同生。山之陽產雄黃。山之陰生雌黃也。有火石及色黑如鐵者。俱不堪用。試法以銅器燒熱。以雌黃刮之。有赤黃線一道者。更佳。一說雌黃日久變鐵。雌黃日久變錫。雷氏曰。修治勿令婦女雞犬及犯房事。人或刑獄臭穢之地。犯之色必變黑。不可用也。製法。每雌黃一觔。和菜豆一觔。瓦罐中同煮三伏。其色如金花。一觔。在鍋底中。

用淨溪水猛投於中淘去藁豆再用溪水浸一日漉水乾石臼中搗細如塵用。

○雌黃主治功能與雄黃等如鎮邪辟鬼殺百蟲毒力稍不及李氏曰但同產一地而以山陽山陰受氣各異有別故服食家重雄取其得純陽之精也若雌者則兼有陰氣故爾咸屬金精之所鍾若治病見功亦彷彿不甚遠矣。

花乳石。味酸。瀹氣平。無毒。入厥陰經血分。

蘇氏曰花乳石出陝州閿鄉體堅重色正黃如硫黃色問有淡白點形塊有極大者有極小者大者可鑄爲器用李氏口花乳石陰石也望代州山谷中有五色者蜀中汶山彭縣亦有之修治以陽城礬鹽泥固濟頂火煅過地土出火毒細研如塵兩水飛過晒乾用

花乳石止血生肌散血定暈之藥也善入厥陰血分嘉祐方治金瘡傷損出血不止卽刮末傅之隨合仍不作膿又療產後惡血血暈其功專於散血止血能使血化爲水故葛可久治吐血來升斗有花乳石散又和劑局方治諸血證及金瘡胎產亦有花乳石散此專治血之功可知矣而又能下死胎落胞衣去惡血惡血化則胎與胞無阻滯之患也東垣氏所謂胞衣不出瀉劑可以

下之故赤石脂亦能下胞胎與此同義。

○集方治金刃傷肌肉出血不止急研花乳石合石硫黃

各等分傳之止血如神。○治五內筋損噴血出升斗用

花乳石一兩傾銀罐盛鹽泥封固栗炭火煨三炷香取

出研如粉用二錢以童子小便一鍾白湯一鍾和勻調

服能使瘀血化為黃水後以獨參湯補之。○治一切金

刃箭鑱傷及打撲跌損傷狗咬傷至死者急以花乳石

研細末摻傷處其血化為黃水再摻便活更不疼痛如

內有損傷血入藏府急用熱酒一鍾和童便一鍾調花

乳石末二錢服下立効又治畜牲抵傷人體或有腸出

急納人以桑白皮線縫之外護花乳石末內服花乳石

未依前法藥下血止立活○又方用硫黃四兩花乳石
一兩並爲麤末拌勻以鹽泥固濟烘乾用栗炭火五觔
煨三炷香以泥赤爲度待冷取出藥爲極細末淨磁瓶
收貯治婦人產後敗血不盡血暈血昏惡血奔心或胎
死腹中胞衣不下至死但得心頭溫暖者即可治也
出箭方用花乳石一味火煨半時爲極細末摻在箭頭
四圍卽出

慈石味辛鹹氣溫有微毒氣味俱厚沉而降陽中陰也入足少陰厥陰經

別錄曰慈石生泰山山谷及慈山山陰有鐵處則生其陽蘇氏曰今徐州及南海傍山中亦有之慈州者歲貢最佳能吸鐵虛連數十鐵或一二觔刀器回轉不流者尤良采無時石中有孔孔中有黃赤色其上有細毛功用更勝按南川異物志云濱海崎頭水淺而多慈石微外太所用鐵葉固之者至此皆不得過以此言之海南所出尤多也雷氏曰修治慈石一觔用新綿裹鐵槌打作三七十塊以淨水煮二日夜取出拭乾布裹再槌細乃碾如塵末飛過再碾川凡使勿誤用玄中石并中麻石石形俱似慈石只是不吸鐵耳而中麻石更有赤波月處是鐵川石也誤食令人生惡瘡不可療

○慈石養腎藏強骨氣益精髓去風濕周痺肢節痠痛之神藥也

薛氏曰腎為水藏慈石色黑而法水故能養腎而強骨益髓鎮重以象金故能平肝而主風濕痛痺善通

肢節者也。如古方遂治耳聾。明目昏。安驚癩。消鼠癰。癰
腫亦莫非肝腎虛火之爲。青耳。此藥色黑味鹹。體重而
降。有潤下以制陽光之意。但諸石藥俱有毒。而不宜久
服。獨慈石性稟中和。無猛悍燥烈之氣。實有補腎益精
明目生子之功用。以煮酒。優於丸散。緣體重達下。故爾。
○繆仲醇先生曰。風淫末疾。發於四肢。而肢節爲之痛。慈
石質屬水。而體類堅金。對待治之。風息而火安矣。

○集芳治老人虛損。腎氣衰微。兼風濕。腰肢痺痛。用煑鐵
活慈石三十兩。白石英二十兩。俱用菴豆五升。同煮三
伏時。取出。綿裹搗碎。潔淨瓷甕。盛水二斗。浸於露地。每
日取水煮粥。飯食。經年氣力強盛。顏如童子。○治腎陽

一、衰痿不起。用慈石五觔製法同前清酒浸十七日。每飲三合。

日三夜一。治老人耳聾用慈石一觔製法同前和猪腎一

副。以水煮熟。加鹽椒調和食之。煮粥亦可。○治眼昏內

障。或神水寬大漸散。昏如霧中。或睹空花。或視物成二

體。久則光散不收。竟成內障。睛光淡綠色。或淡白色者。

用真煏鐵活慈石。要四面俱能吸鐵者。用二兩。製法同前綿

裹槌碎。再碾為細末。硃砂一兩同慈石再總研。極細水

飛過澄底者。再研以飛盡為度。用神麴一兩為末。打糊

丸。梧子大。每服三十丸。早晚各食前米湯下。服後仰視

微見星月。此其効也。久患目昏。屢發者。永不再作。○又

方。用慈石三兩硃砂一兩製法同前太懷熟地四兩酒煮

痛膏。推山藥。山藥肉。茯苓。各二兩。牡丹皮。二兩。五錢。澤
瀉。長兩。塩。水炒。俱研爲末。和熟地膏。再加煉蜜。少許。和
勻。排入慈石。硃砂末。研勻。爲丸。梧子大。每早晚各食前
服。五汁丸。米湯下。治難痢前。①治小兒驚癇。暴發。用慈
石。煅。研細末。用錢膽星。天竺黃。麝香。紅麴。各一兩。俱
研細末。總和。一處。竹瀝。研。旋煎。液。和爲丸。如彈子大。每
服六丸。薄荷湯化下。②治難瘧。冷瘧。併鼠瘻。瘰癧。用慈
石。煅。爲極細末。藥破者。乾。抄。少許。乾。便者。用慈石。三
錢。配紅麴。末。半兩。蜜。調。全。○治諸般腫毒。用黃丹。八
兩。豆油。二觔。熬。成膏。藥。單。油。紙。量。對。大。小。攤。膏。抄。慈石
末。少許。貼。毒。出。卽愈。③治瘡癤。出。血。不止。用慈石末。

自然銅。味辛。氣平。無毒。

馬氏曰。自然銅。石類也。其色青黃如銅。不從礦鑛。後名
出信州鉛山縣。今醫家所說。自然銅。下一類。市中每以
銻石亂真。燒之有青焰起。氣臭如硫黃。頃刻消盡者。非
真也。如其者。燒之無臭。氣并不畏火。此藥出近銅鑛處。
鑛氣結成。似銅非銅。似石非石也。陳氏曰。今辰州川摩
中出一種。自然銅形圓似蛇含石。大者如胡桃。小者如
栗。外皮黑色。光潤。破之與銻石無別。但比銻石不作臭
氣耳。入藥用之。殊驗。再按寶藏論云。自然銅生曾青石
綠穴中。色紅膩。光明有墻壁。又一類似丹砂。光明堅更
有。獲中含銅脉尤佳。又有一種如樹根。不紅膩。擊之即碎。
色精明。凡近銅之山。則有之。今俗中所用。自然銅皆非
真也。雷氏曰。采得真者。以火煨。酒淬七次。研細。水飛用。

○自然銅接骨續筋之藥也。開寶方主跌撲折傷筋骨。以

此散血止痛。接骨續筋。以火煨酒淬。研末用。如中病即
止。金石之類。火煨有毒。過用頗能損人。

李時珍先生曰。自然銅接骨之功。與銅屑同。不誣也。不

可多服常服。如骨接之後仍服火煨金石之劑。火毒金
毒相扇。又兼香燥熱藥。雖有接骨之功。燥散之禍甚於
刀劍。戒之慎之。

○集方冠氏方治跌打損折筋骨。用煨過自然銅七分。當歸沒藥
各一錢。共爲末。酒調服。○治心衛生方氣刺痛。用真正自然銅
火煨醋淬七次。研末。醋湯調三分服。立止。

蛇黃石味

氣寒無毒

又名蛇含石

蘇氏曰蛇含石出嶺南浚山中圓重如錫有黃黑赤雜色今越州信州亦有之李氏曰今廣西平南縣有蛇黃色上人九月掘下數尺如得蛇黃石大者如鵝子小者如彈丸圓重如錫聞其亦有相間黃黑赤紫雜色不一擊碎其色如錫俗云蛇黃是蛇腹中者歷見諸人剖蛇腹中並無有黃非出蛇腹而出土中掘出可信矣俗又云是蛇入蟄時含土一塊起蟄時吐出化為此石古人掘蛇窟並無此石此言更無稽也家土中掘取益可信矣明係一石曰蛇黃蛇含者何蛇黃者指其爾之名而言也蛇含者黃字之訛音也

○蛇含石唐本草主大人蛇含石心胃攻疼小兒驚癇客忤婦人氣逆胞阻產難諸證服之極驗。

○集方治心胃攻疼驚癇客忤並宜火煨醋淬七次研末極細大人服五六分小兒服二三分並宜白湯調下○治氣逆胞阻難產者不宜煨淬僅宜水煮汁飲之。

土石類

禹餘糧味甘澁。氣寒無毒。入手足陽明經。

陶氏曰。禹餘糧。生東海池澤。及山島中。池澤中。亦有。今多出東陽。形如鷲卵。外有殼重疊。中有黃色細末。如蒲黃。無沙者佳。近年茅山。聚池得之。極精好。狀如牛黃。重垂甲錯。其佳處。乃紫色。靡靡如麤。無浸慘。蘇氏曰。今南江平澤中。一種藤葉。如菰莢根。作塊有節。味似薯蕷。亦名禹餘糧。又張華博物志。言海洲有一種節草。其實食之。如大麥。名自然菰。亦名禹餘糧。世傳禹治水。畢棄其所餘于江海中。則此二種。與此異物同名。抑與生池澤者同種乎。李氏曰。禹餘糧。乃石中黃粉。生于池澤。其生山谷者。為太乙餘糧。本文繁寃甚明。蘇氏引藤生草生。雖名同而實不同。殊為迂達。雷氏曰。修治見禹餘糧一筋。用黑豆一斛。水煮。以黑豆爛。去豆取禹餘糧。用水漂淨。晒乾。研萬杵。極細。用瓦使勿用石中黃。并卵石黃。此二石。真相似。禹餘糧也。其石中黃。裏赤黑。味淡。卵石黃。味酸。箇箇如卵。內有子一塊。不可用也。沈氏曰。葛曆。戊申歲。歲大歉。江浙尤甚。會稽山中。土人掘取黃石末。研細如粉。滾水調食。味甚膩。可充饑。此亦名禹餘糧也。

○禹餘糧養肺金固大腸之藥也。盧氏曰：此得水土沖氣所種，故前古主欬逆煩滿寒熱下血閉赤白漏下。凡屬水土不和、清濁混亂諸疾，用之奏効甚捷。但質性燥泄，如病髓虛血燥之證，勿用。

○前賢李知先曰：下焦有病人難會，須用餘糧赤石脂。推此則陳廷采所云主下焦前後諸病最的。

○盧子繇先生曰：續平水土有如神禹，故曰禹煉餌服食能止饑，故曰餘糧。

○集方治欬嗽則大腸遺矢者，用禹餘糧、赤石脂各等分。
總和以黑豆煮過為極細末，每服二錢，白湯調服。
○治傷寒下痢不止，心下痞硬，此痢在下焦也，用禹餘糧、赤

石脂製法如前各八兩水四碗煮減半服去渣再煮服○治

婦人產後煩躁用禹餘糧一味用鹽泥數層封固炭火

煨半日待冷取出研末每服二錢甘草湯調服○治婦

人諸病小腹脹痛用禹餘糧一味製法如前為末早服二錢

米湯調下○治婦人赤白帶漏用禹餘糧一味製法如前

炮薑等分為極細末每服一錢溫酒調下○治婦人崩

漏久不止色兼青黃赤白雜色者有此病者必無子用

禹餘糧製法如前赤石脂牡蠣俱火煨各一兩烏賊魚骨三

兩肉桂八錢共研極細末每服三錢白湯調服或用煉蜜作丸

亦可○治老人多滑泄氣虛者久愈不止用禹餘糧四兩

製法如前白朮八兩甘草一兩補骨脂三兩俱用酒拌炒研

爲末和入禹餘糧末內每服三錢早晨參湯或米湯調下。或用飴糖作丸亦可。

太乙餘糧味甘氣平無毒。

李氏曰按陶氏言禹餘糧生東海池澤及山島中太乙餘糧生太山山谷又石中黃生餘糧處乃殼中未成餘糧先生黃濁水後凝結也據此則三者一物也今世知有禹餘糧不復識太乙餘糧矣諸山久不見采唯會稽王屋澤路所在諸山時有之外裴若甲甲中有白日中有黃似鷄子黃而重如葉子雖黃輕敲便碎如粉霏雪先消者是也殼中無黃粉但有黃濁水者爲石黃水有凝結如石者爲石中黃非太乙餘糧也其修治製度與禹餘糧同其主治功能亦與禹餘糧同茲不復贅細考登真隱訣長生四鎮元云太乙餘糧定六腑鎮五藏治久病或卒暴致神志委頓不振者服此立安此又贊禹餘糧積增一功也識者當心照何如耳。

滑石味甘淡氣寒無毒入足太陽經兼入足陽明手少陰
太陽陽明經

別錄曰滑石出潯陽山谷及太山之陰或掖縣李氏曰
今實之桂林各邑及始安獨峒中皆有又山東蓬萊縣
桂府村所出者亦佳初取出柔軟如泥久漸堅實白如
凝脂滑而且膩根即不灰木中有光明黃子即石腦芝
也蘇氏曰若理纈質硬色青色有黑點者謂之斑石或有
褐色綠色黃色蒼色五色者質皆纈燥而不滑膩僅可
作器不堪入藥初出時柔軟未堅土人就穴中製作或
琢或磨或雕刻諸物用力殊少也修治宜研極細水飛
過用凡油膩汚衣帛用末研極細以熨斗盛火蓋紙熨之能去

○滑石清暑解熱利水竅之藥也王氏曰此藥味甘氣寒

性墜質滑其能和胃氣寒能解熱氣墜能推壅滯滑能
利諸竅化垢膩也故龍潭本草主小便癃閉不通泄瀉
暴注或時行中熱中暑發熱發渴或山嵐瘴氣水土不

服能泄上氣行下氣滲脾濕清三焦利六府解燥渴去
妄火莫可加也。觀滑能利竅不獨利小便也。蓋肺主皮
毛爲水之止源。上通肌表利毛腠之竅。下通水道利精
溺之竅。且其淡之味先入於胃。滲走經絡。遊溢精氣。上
輪於肺。下通膀胱。故爲蕩熱利竅之劑。夫熱散則三焦
寧而表裏和。竅利則關門通而陰陽順矣。然利竅行水
消暑清熱去濕。逐積稱爲要劑。若病人因陰虛不足。內
熱以致小水赤澀短少。或不利而煩渴身熱。由於陰虛
水涸火熾者。皆禁用之。如作泄瀉。因於脾腎俱虛者。亦
勿服也。

○前賢劉河間曰。益元散通治表裏上下諸病。其効甚多。

不可殫述。葉氏曰：凡難產或死胎不下，皆由子宮風熱。

正卷

燥澁結滯緊歛不能舒緩之故，用此藥滑以利之。則結滯頓開而胎自立下矣。用煨白滑石六兩，研細水飛過。大甘草一兩，共爲細末，每服二錢，白湯下。○治中暑熱渴，涼水下。○治傷寒疫癘傳染初起，用葱頭三個生薑三片煎湯下，取汗。汗後遺熱不淨，用白芍藥二錢煎湯下。日久不愈，用人參一錢，黑棗五個煎湯下。勞復用白朮二錢煎湯下。○治傷酒用陳皮、葛根各一錢五分煎湯下。○治傷食不消，用厚朴、枳實各一錢煎湯下。○治百藥邪熱諸毒，用菴豆二合煎湯下。○治癰瘤用青黛、天竹黃各一錢，研細配益元散一錢，白湯下。○治癰癰。

用人參一錢、玉竹三錢煎湯下。○治煩滿短氣用生薑五片煎湯下。○治腹脹悶痛用木香一錢磨汁調湯下。○治五淋閉澀作痛或小便不通用車前草、淡竹葉各三錢煎湯下。○治胸中積聚蓄水用猪苓、蒼朮各一錢煎湯下。○治泄瀉不止不拘冷熱用茯苓、陳皮各一錢煎湯下。如冷瀉用砂仁、補骨脂各二錢煎湯下。熱瀉用川黃連、黃芩各一錢煎湯下。○治下痢不拘赤白用川黃連、廣木香各一錢煎湯下。○治腸澼瀉血水用白朮炒三錢、猪苓二錢煎湯下。○治五種黃疸用龍膽草、燈心各三錢煎湯下。○治脚氣濕腫用木瓜、杜仲、黃柏各二錢煎湯下。○治生胎不下用五靈脂煎湯下。○治死

胎不下。用生附子、芒硝各二錢煎湯下。○治牙痛。用蛇床子三錢煎湯下。○治齒齬疳爛。用銅青一錢配益元散一錢研細。搽齒縫中。○治婦人轉脰。因過忍小便而致者。用葱頭五個煎湯調下。○治兩腋兩胯濕汗。本方散子加枯礬末等分研細和入搽之。○治杖瘡。痛本方散子一兩加赤石脂大黃各五錢爲末總研勻。用米泔溫湯洗淨貼之。

○王紹隆先生曰。滑从水从骨。故能散精於骨。淫氣於骨。以助髓液流通之用。

皇甫氏家製導水丸。主泄瀉濕熱通利二便。必高燥之
地。黑瘦之人。膏粱之家。熱燥之病。服之切當。若下濕之
地。肥白之人。淡食之家。寒濕之病。猶未當也。用大黃黃
芩各一兩。牽牛子滑石各四兩。共爲細末。米糊丸。如棗
豆大。白湯下。二十九日二服。

赤石脂味甘氣平無毒氣薄味厚降而能收陽中陰也入
手陽明手足少陰經

吳氏曰五色石脂名五色符青色符生南山或海涯白色符生少室天姥山或泰山黃色符生嵩山色如焦脂雁雛黑色符生維西山赤色符生少室或泰山延州色如蜂滑如脂皆揭兩石中取之以埋細絳香殺唇者爲上修治研如粉新汲水飛過曬乾用諸家本草雖有五色之分今入藥餌爲湯液丸散料中惟用赤色石脂餘因種不從用矣○李氏曰膏之凝者曰脂此物性粘固濟瘡最甚良益兼體用而名也

○赤石脂劉錄滲停水去濕氣歛瘡口固滑脫止瀉痢腸澼禁

崩中淋帶之藥也魯氏曰經云澼可去脫龍骨赤石脂

是也故前古治瀉痢腸澼時珍方主滲水去濕甄氏方

主歛瘡固脫別錄方禁女子崩中淋帶諸證因其甘溫

收澼體重而降於一身上下內外并大小腸虛泄虛閉

諸疾悉主之也。繆氏曰：洩痢腸澼，久則下焦虛脫，無以收藏。其他固澁之藥，性多輕浮，不能下達，惟赤石脂體重而澁，直入下焦陰分，故爲久利洩澼之要藥耳。如暴瀉暴痢，積滯未清，法當用清利之藥者，血崩白帶，陰陽兩虧，法當用補氣血之藥者，此劑定非所宜。操工者當慎擇而取之也。

○張鄉子先生曰：此藥味甘，氣溫，體燥，質潤，性澁而收，故能益氣生肌，調中固脫，而欬實腸胃。仲景桃花湯治傷寒下痢，便膿血，取此重澁入下焦血分而固脫也。

○集方治赤痢，飲停注，心胃漉漉有聲，或兩脇脹悶，或大便滑，小便閉，用赤石脂六錢，火燒乾，薑半，夏陳皮，木香，白

芍藥各四錢二分。分作六帖。清水煎服。○治諸濕爲病。用赤石脂一兩。火燒爲極細末。每早服一錢。陳皮湯調下。○治諸瘡多膿水。久不乾。不飲口。用赤石脂研細水。飛過晒乾。日日搽之。○治脾胃虛寒。久泄滑脫不固。用赤石脂一兩。火燒白朮人參補骨脂北五味茯苓各八錢。俱炒燥爲細末。與石脂和勻。每服二錢。早晨米湯調送。○治瀉痢腸澼。或下白凍。或下紫血水。因熱者用赤石脂五錢。火燒黃芩川黃連各三錢。甘草一錢。共爲末。蓮肉糊爲丸。梧子大。每早服二錢。白湯下。○治瀉痢腸澼。或下白凍。或下紫血水。因寒者用赤石脂一兩。火燒乾薑炒一兩。二錢。花椒五錢。共爲末。米醋打神麴末作

糊爲丸。梧子大，早晚各食前服二錢，米湯下。○治傷寒下痢，便膿血不止，用赤石脂一兩，生研極細末，乾薑八錢，黃米二合，水一升，煎半升，徐徐飲三服，乃止。○治經水過多，將成崩漏，用赤石脂一兩，火燒炮薑灰一兩，五錢白芍藥一兩，二錢川黃連五錢，俱炒，研末，煉蜜丸。梧子大，每服二錢，白湯下。○治赤白淋帶，用赤石脂、龍骨各一兩，俱火燒過，山藥四兩，炒，共研細末，煉蜜丸。梧子大，每早服四錢，白湯下。○治痰飲吐水，發無時候，其原因飲冷過度，遂令脾胃氣弱，不能消化飲食，飲食入胃，皆變成冷痰涎水，用赤石脂一觔，火燒搗極細末，每早晚各服二錢，乾薑湯調下。此方亦可治反胃吐食物者。

爐甘石味甘氣平無毒陽明經藥

李氏曰爐甘石生川蜀湘東所在坑冶處皆有而太原澤州陽城高平靈丘融縣及雲南諸處者更勝其塊大小不一狀似羊脂鬆如石脂亦粘舌不落產金坑者其色黃爲上產銀坑者其色白或微青綠或粉紅色乃金銀之前也受金銀之氣熏陶三十年方結成此藥係爐火所通其味非故名

○爐甘石去目翳收濕爛之藥也衛生方治目病諸般翳

膜眼風弦爛冷淚時出又耳聾濕爛出水不收及陰瘡

下疳爛并兩胯陰汗濕癢諸疾或點搽或敷摻或配

諸藥合用隨證施治

○集方治一切目疾或暴赤腫痛或驟生翳障或眼風弦

爛冷淚時出用嫩爐甘石五錢研極細以川黃連三錢

川花椒二錢煎濃汁調入爐甘石末內晒乾再配瀝淨

潔白玄明粉一錢總研勻。凡遇目疾用溫湯洗目。以清
水一點取藥米糲大調之。點大小皆內。○治耳聾濕爛
久不愈用嫩爐甘石二錢枯礬一錢冰麝各五釐共研
勻。先用軟帛作撚。繳淨吹之。○治下疳陰瘡用嫩爐甘
石三錢孩兒茶一錢研極細加冰片一分再總研隨時
摻之。○治兩胯陰汗濕爛用嫩爐甘石一兩研極細隨
便敷之。

青礞石味并鹹氣平無毒其性下行陰也沉也入厥陰經

李氏曰礞石出江北諸山有青白赭三色以青色堅細擊開有白星點者佳修治以大坩鍋一口用礞石四兩并碎入消石四兩拌勻用炭火十觔煖定煖至消石盡星黃如麩金為度取出研極細水飛三次晒乾用

○礞石消食積化結痰鎮驚癇風搐之藥也體重色明乃

石中之金劑也故治厥陰風木為病李氏曰風木太過

則脾土受制氣不運化積滯生痰壅塞上中二焦變生

風熱諸病宜此藥使風平氣順而痰積通利諸證自除

矣然止可用之救急如脾胃虛而氣弱者不宜久服也

王隱君謂痰為百病根不論虛實寒熱槩用滾痰丸通

治百病豈理也哉○滾痰丸雖若集方之末方疏正司工者當擇而取之可也

○集方治大人小兒食積成痰胃實多眩暈者用青礞石

○北錢、火硝七錢同研炒。以火硝過性為度。配枳實、木香。

白朮各二兩共為末。紅麴二兩為末。打糊丸。梧子大。每

早服三錢。白湯下。○治痰結成癖積。用青礞石一兩。法製

同前海石、燒臍、南星、橘紅俱炒。各二兩共為末。神麴二兩。

打糊為丸。梧子大。每早晚各服二錢。白湯下。○治痰厥。兒科

轉驚癇。搗搗者。用青礞石一兩。製法同前天竹黃、臍南星、石

菖蒲、白朮俱炒。各二兩共為末。竹瀝和薑汁煎滾。打神

麴末二兩。作糊為丸。梧子大。每服三十丸。皂角湯調化。

下。○滾痰丸。治痰之為病。或偏頭風。或雷頭風。或太陽

頭痛。眩暈如坐舟車。精神恍惚。或口眼開動。或瘡稜耳

輪俱癢。或頰腮四肢遊風。腫硬似疼非疼。或渾身燥癢。

搔之則癰疹隨生。皮毛烘熱。色如錦斑。或齒頰似癢。或
痛。而疼無定所。滿口牙浮。痛癢不一。或噁氣吞酸。鼻閉
焦臭。喉間豆腥氣。心煩鼻塞。咽喉不利。咯之不出。嚥之
不下。或因噴嚏而出。或因舉動而唾。其痰如墨。又如破
絮。或如桃膠。或如蜆肉。或心下如停冰鐵。閉滯妨悶。噁
嚏連聲。狀如膈氣。或寢夢刑戮。刀兵劒戟。或夢入人家
四壁圍繞。暫得一竇。百計得出。則不知何所。或夢在燒
人地上。四面烟火。枯骨焦氣撲鼻。無路可出。或不因觸
發。忿怒悲啼。雨淚交流。或時郊行。忽見天邊兩月交輝。
或見金光數道。回頭無有。或足膝酸軟。或骨節腰腎疼
痛。呼吸難任。或四肢筋骨間痛如擊。戳乍起乍止。並無

常所感不時垂臂麻疼狀如風濕或卧如芒刺不安或如昆蟲所螫或四肢不舉或手足重滯或眼如蠶蜚膠粘癢澀開闔甚難或陰晴交變之時胸痞氣結閉而不發則齒癢咽痛口糜舌爛及其奮然而發則噴嚏連聲初則涕唾稠粘次則清水如注或眼前黑暗腦後風聲耳內蟬鳴眼眵肉惕治之者或曰腠理不密風府受邪或曰上盛下虛或曰虛或曰寒或曰發邪惟洞虛子備此疾苦乃能治療病勢之來則胸腹間如有二氣交紐噎塞煩鬱有如烟火上衝頭面烘熱眼花耳鳴痰涎涕淚直從肺胃間涌起凜然毛豎噴嚏千百然後遍身煩躁則去衣凍體稍止片時或春秋乍涼之時多加衣衾

亦得暫緩。或頓飲冰水而定。或痛飲一醉而寧。終不能
逐去病根。乃得神祕沉香丸方。屢獲大効。愈人數萬。但
不欲輕傳匪人。故以隱語括之。詩曰。既裏翻身甲帶金。
於今頭戴草堂深。相逢二八求舫正。硝煨青礞倍若沉。
十七兩中零半兩。水丸梧子意須斟。除驅怪病安心志。
水瀉雙身却不用。大黃蒸少頃。即取出。不可過。黃芩各
兩。青礞石附散如金色。沉香百藥煎此用百藥煎。乃得之方。
乃能收斂。周身頑延聚于一處。然後利下。甚有奇功。日
倍若沉者。言五倍子與沉香非礞倍于沉之謂也。以上
各五錢。右爲末。水丸如梧子。大白湯食後空心服。○一切
新舊失心喪志。或癲或狂。等證。每服一百丸。氣盛能食。
狂甚者。加二十九。臨時加減消息之。○一切中風癱瘓。

痰涎壅塞。大便或通或結者。每服八九十九。或加至百
丸。永無閉結之患。○一切陽證。風毒脚氣。遍身遊走疼
痛。每服八九十九。未効。加至百丸。○一切無病之人。遍
身筋骨疼痛。不能名者。或頭疼牙痛。或搖或癢。風蛙等
證。風寒鼻塞。身體或疼或不疼。非傷寒證者。服八九十
丸。痰盛氣實者。加之。○一切吞酸。噯逆。膈氣。及胸中疼
悶。腹中氣塊。衝上。嘔沫吐涎。狀如反胃。心下恍惚。如畏
人捕。怵惕不安。陰陽關格。變生乖證。食飢傷飽。憂思過
慮。心下嘈雜。或痛或噦。或晝夜虛飽。或飢不喜食。急慢
喉閉。赤眼。每用加減服。○一切新舊痰氣。喘嗽。或嘔吐
頭暈。目眩。加減服之。○一切顫顫。腫硬。若癰瘰者。及口

糜舌爛咽喉生瘡者。每服六七十丸。加蜜少許。一處嚼
碎。噙化。睡時徐徐嚥之。曾有口瘡者。服二三十丸。依前
法噙之。二三夜瘥。○一切男婦大小虛實。心忪連腹身
體羸瘦。發時必嘔綠水黑汁。冷涎乃至氣絕。心下溫煖
者。量虛實加減服之。若事屬不虞之際。至於百丸。即便
回生。未至癰危者。虛弱疑似之間。只服二三十丸。或五
十丸。立見生意。然後續續進之。以瘥爲度。兼服生津化
痰溫中理氣之藥。○一切荏苒疾病。凡男婦患非傷寒
內外等證。或酒色過度。或吐血。或月事愆期。心煩志亂
或腹脹脇痛。勞倦痰眩。或暴行日中。因暑伏痰。口眼喎
邪。目痛耳憤。鼻塞骨節酸疼。乾嘔惡心。諸般內外疼痛。

百藥無効。衆醫不識者。依前法加減服之効。大抵服藥須臨卧在牀。用熱水一口許。嚥下便卧。令藥在喉膈間。徐徐而下。如日間病出不測。疼痛不可忍。必欲急除者。須是一依前卧法。服大半日。不可食湯水。及不可起身。行坐言語。直候藥丸除逐上焦痰滯惡物。過膈入腹。然後動作。方能中病。每夜須連進二次。次日痰物既下。三五次者。仍服前數下。五七次。或直下二三次。而病勢頓已者。次夜減二十九。頭夜所服。並不下惡物者。次夜加十九。人壯病實者。多加至百丸。惟候虛實消息之。或服過仰服。咽喉稠粘壅塞不利者。痰氣泛上。乃藥病相攻之故也。少頃藥力既勝。自然寧帖。往往病久結實於肺。

胃之間。或只暴病全無泛濫者。服藥下咽卽仰臥。頓然百骸安靜。五藏清寧。次早先去大便一次。其餘遍數皆是痰涕惡物。看甚麼糞。用水攪之。盡是痰片粘涎。或稍稍腹痛。腰腎拘急者。蓋有一種頑痰惡物。閉氣滑腸。裏急後重者。狀如痢疾。片餉卽已。若有痰涎易下者。快不可勝言。頓然滿口生津。百骸爽快。間有片時倦怠者。蓋因連日病苦不安。一時爲藥力所勝。氣體暫和。如醉得醒。如浴方出。如睡方起。此藥並不洞泄。刮腸大瀉。但取痰積惡物。自腸胃次第而下。腹中糟粕。並不相傷。其推下腸腹之糞。則藥力所到之處。是故先去其糞。其餘詳悉。不能備述。服者當自知之。

代赭石味苦澁氣溫無毒入手足厥陰經血分。

蘇氏曰赭亦土也出代州山中今靈州鳴沙縣河北平地入深四五尺得赤土滑膩中紫如鷄冠大勝代州所出者今醫家所用多取大塊其文有如浮漚丁者為上李氏曰赭石處處山中有之以西北者為勝宋時虔州歲貢萬觔崔氏本草云代赭陽石也研之作朱色可以點畫張華以赤土拭寶劍倍益精明即此也修治須研極細以水飛過用。

○代赭石去蠱毒殺鬼邪止女子赤沃漏下神農安小兒驚癇大明氏

入腹止大人血痢腸風脫精別錄遺溺之藥也陶九江曰此

藥得土中純正之氣體重色赤故能去蠱毒而殺鬼邪。

定驚癇也味澁氣溫故能禁赤沃漏下血痢腸風遺精

遺溺也乃肝與心包絡二經血分之劑故所主用皆二

經血分之病也張仲景治傷寒發汗若吐若下外解後

心下痞鞭氣滿噫噎愛飢不除者固因痞鞭亦屬焦皖

至過失於宜發故也以旋覆代赭湯主之亦推此意耳

○集方治急慢驚風眼吊口撮搐搦不定用代赭石火燒

醋淬三次研細水飛過每服一錢或五分金銀湯調下

○治慢脾風因瀉後吊眼成慢驚用代赭石火燒研細

每服五分冬瓜仁煎湯調下○治腸風血痢久不愈以

代赭石二兩火燒醋淬二次以柿餅一個炙爛搗為丸

梧子大每早服二錢白湯下○治遺精白濁及老人小

兒遺溺或女人赤白帶漏用代赭石二兩牡蠣一兩俱

火燒研極細末山茱萸肉茯苓山藥各三兩澤瀉一兩

俱鹽水炒懷生地四兩切片炒俱研為末煉蜜丸梧子

大。每早服三錢。白湯下。○治傷寒發汗。若吐若下。解後。
心下痞鞭噎氣不除者。以旋覆代赭湯。用代赭石二兩。
旋覆花八錢。生薑二兩。甘草人參各七錢。半夏三兩。用
水三升。煮取一升五合。去滓。換水再煮一升。溫服。日三
次。○治傷寒無汗。用代赭石。乾薑各一兩五錢。為細末。
熱醋調塗兩手心。合掌定。夾於大腿內側。被覆汗出。乃
愈。○治嬰兒瘡疾無計可施。用代赭石二錢。燒紅醋淬
二次。硃砂一錢。人言一分。麝香五釐。共研為末。以香油
調一字。塗鼻尖上。及斜心四肢立効。○治哮喘有聲。不
得睡卧。用代赭石二錢。為末。每服一錢。醋湯調服。

水石類

浮石味鹹氣寒無毒

李氏曰浮石乃江海間石上水沫凝聚日久結成者狀似牛肺有細孔如蛙窠有白色紫色者體虛而輕今皮作案用磨皮者其妙也杜子云燒泥為磚磨石為瓦炎聚水沫為浮石此皆煖其柔脆變為堅剛也

○浮石止渴治淋定咳嗽消積塊之藥也李氏曰此石乃

水沫結成色白而體輕其質玲瓏肺之象也氣味鹹寒

潤下之用也故入肺除上焦痰熱止咳嗽而軟堅清其

上源也又治諸淋澀脹不通而痛者蓋以結而化結也

○集方治咳嗽不止用浮石一兩水三碗煮減半作茶飲

○治消渴引飲用浮石白蛤殼各一兩煮水飲○治血

淋砂淋石淋澀痛不通用黃殼浮石一兩甘草一錢水

二、煎減半，隨時飲，用甘草，逐日換煎浮石，可嘗煮
小塊也。

石膏味辛甘氣大寒無毒陰中之陽可升可降入足陽明
手太陰少陽經氣分

陶氏曰石膏生青州徐州齊山廬山魯蒙山及剡州彭
城今錢塘山中亦有之生石中大塊作層細文短密宛
若束針其色瑩白如水精鬆軟易碎者良寇氏曰按石
膏一種諸書紛辨不火未悉其義然本草命藥之名實
有意義或以色或以形或以氣或以質或以味或以能
或以地或以時也用以火煨細研醋調同濟丹爐堅結
甚密苟非有存豈能為用此兼質與能而得名後人以
方解石為石膏誤矣蘇氏曰石膏方解石六體相似今
市家皆以方解代石膏生於石旁其方解不因石
而生或生土中或生溪水其皮隨土色及水苔色端然
獨處破之方解大者方尺小者方寸或如豆粒或如米
粒仍然方稜今人以此為石膏瘰癧風去熱雖同而解肌
發汗不如也李氏曰觀石膏有軟硬二種軟者大塊生
於石中作層如壓扁米糕形每層厚數寸白潔細文短
密如束針若凝成白蠟狀鬆軟易碎燒之即白爛如粉
其如色白潔而微帶青文長而細密如束絲者名理石
也與軟石膏乃一物二種碎之則形色如一不可辨矣
硬者作塊而生地中直理起稜如馬齒色堅白擊之則

段段橫解光亮有塊燒之亦易散仍堅硬不作粉也其如潔白成塊而大者如升小者如拳擊之入而方人小而方寸或如豆粒米粒仍有方後燒之則旋散亦不作粉名方解石也與硬石膏乃一類二種碎之則形色如一不可辨矣繆氏曰自陶氏大氏雷氏閻氏皆以硬者為石膏而今人遵用有驗千古之感始明矣蓋昔人所謂寒水石者即軟石膏也所謂長石者即硬石膏也石膏理石長石方解石四種性氣皆寒但能去大熱結氣但石膏又能解肌發汗為異爾再按埋石即石膏之類長石即方解石之類俱可通川○今人以軟石膏收豆腐能止水乃古人所不知修治以火煨石口中搗研成

用粉

○石膏清內熱解燥渴靜暑邪散陽明伏火退三焦大熱之藥也繆氏曰此藥稟金水之正得天地至清至寒之氣故前人治傷寒陽明病內熱發熱惡熱躁熱天行暑熱瘡瘡內悶鬱熱病見上氣喘急面垢齒燥大汗煩渴

引飲無厭小便短赤等證或火盛氣實熱勞骨蒸或風火上升頭風頭痛或火熱內結齒牙脹痛凡一切有餘大熱甚有神効虛則爲人參使實則爲大黃使古之人參白虎三黃石膏意可見矣但金石之類妄用多用有傷胃氣如溫熱二病若頭痛遍身骨痛而不渴不引飲者邪在太陽未傳陽明勿用也如病至八九日來邪已結裏內有燥糞往來寒熱宜下者勿用也如暑病兼濕作瀉脾胃弱甚者勿用也如內熱燥熱由於陰極發躁陽亡神亂者勿用也如產後寒熱由於惡露未淨或兼血虛者勿用也如骨蒸勞熱由於陰虛精髓不足者勿用也如頭風頭痛齒牙作痛由於血虛營損者勿用也

善治者。臨證當細加斟酌行之毋忽也。

○張卿子先生曰。石膏氣寒性堅質潤體鬆善解肌腠結熱欲清欲散者用之卻當如胃府結熱欲攻欲下者非其宜也。如前賢云解肌發汗解肌解肌熱也發汗發汗汗也若認作麻黃桂枝葛根之解肌發汗等便失主治寒熱之從逆也。

○集方治內熱燔灼解燥渴靜暑邪散陽明伏火退三焦大熱以白虎湯軟石膏一兩知母五錢甘草二錢水煎服。○治癰瘡鬱熱內悶不出發熱口渴唇焦咳嗽作瀉用軟石膏二錢荊芥西河柳蟬退防風花粉黃芩各一錢羌活甘草菊花各五分水煎服。○治陽明邪熱其

證頭疼壯熱煩躁口渴鼻乾不得眠或畏火光或畏人聲木聲用軟石膏一兩知母七錢甘草五錢麥冬一兩二錢竹葉五十片粳米二百粒水一斗煎半升服若勞役人元氣先虛者本方加人參三錢有娠婦人病此證者亦同。○治傷寒汗後煩熱煩渴不解用軟石膏五錢知母三錢甘草八分竹葉五十片水煎服。○治暑熱內甚及傷寒陽明熱甚上氣喘急面垢齒燥大汗煩渴引飲無厭小便短赤等證用軟石膏一兩知母五錢甘草一錢川黃連一錢二分北五味五分水煎服。○治火盛氣實骨蒸勞熱用軟石膏知母各三錢甘草川黃連各一錢青蒿一錢龍甲五錢香附子醋炒一錢五分水煎

服。○治風火上升頭風頭痛用軟石膏知母各二錢并
草八分荆芥蔓荊桑防風各五錢五分。水煎服。○治火
熱內結齒牙脹痛用軟石膏一兩火煨加防風荆芥細
辛白芷各一錢共研末日用揩牙甚効。又方用軟石膏
五錢荆芥枯梗各二錢共研八分。水煎服。○續補集方
治傷寒熱極發狂踰垣上屋裸露不避用軟石膏二錢
川黃連一錢甘草八分。水煎服。名鵲石散。○治乳石發
渴用軟石膏五錢爲細末。甘草四錢微炒熱共研每服
一錢用菉豆湯調服。○治火熱喘嗽痰湧如泉用軟石
膏五錢火燒研極細每服一錢人參六分。泡湯下。○治
食積痰火用軟石膏火煨一兩甘草三錢共研細末神

麴爲末醋打糊丸梧子大每服一錢薑湯送下。○治老
人火鬱生風目赤頭痛視不見物用軟石膏二兩竹葉
五十片粳米三合水二升煮粥食臨食時加白糖敷茶
匙○治雀目晚昏不見物百治不効用軟石膏二兩爲
細末和猪肝煮熟臨食時去石膏○治濕溫妄言煩渴
自汗用軟石膏火燒甘草各等分爲細末每服二錢米
湯調服○治熱油湯火傷痛不可忍用軟石膏研極細
末敷之○治胃家實熱或嘈雜消渴善饑或齒痛用軟
石膏五錢知母三錢甘草一錢竹葉五十片白芍藥一
錢水煎服。

治腎火攻胃齒牙作痛用石膏五錢研細太僕熟地一兩水二大碗煎七八分服○治憂忿抑鬱之人痰涎沃
謂言錯謬人事不舒漸成健忘驚悸怔忡不寐後成心風
錢茯苓陳皮竹茹龍眼肉人參麥冬各一錢半夏各五
各一錢生薑三片水煎服○治多睡反不睡用石膏煨
二錢酸棗仁炒三錢白朮茯苓各一錢水煎如要睡於
服如不要睡熱服○治齒牙疼痛不堅固用石膏一兩
生研食鹽十二兩入炭火煨紅半日白芷四兩北細辛
八兩共為極細末重羅篩過每日擦牙永無牙疳牙疼
之患○治齒痛極服涼藥過多轉成寒牙疼者用石
膏三錢附子重便製二錢人參一錢水煎日漱齒間徐
徐嚥下

石鍾乳味甘氣溫無毒經火煨則有毒入陽明經氣分

別錄曰石鍾乳生少室山谷及泰山中惟出范氏桂海
今江陵及東境各山石洞中亦有李氏曰范氏桂海
志所說甚詳云桂林界接宜融山洞石穴中鍾乳甚多
仰視石脉涌起處卽有乳牀白如玉雪乃石液融結所
成者乳牀下垂如倒生山峯峯端漸銳且長若冰柱桂
端輕薄中空如鸞翎乳水滴漉不已且滴且凝此乳之
最精者以竹管仰承取之而煉治家又以鸞管之端凡
輕明如雲母凡中者爲脆又孫氏曰取乳石必須土地
清白光潤如羅紋烏鵲蟬翼一切皆成白色者可其
非土地者慎勿服之殺人甚於鴆毒又別本註云凡乳
石生深洞幽穴者皆龍蛇潛伏之處或襲龍蛇毒氣或
洞口陰陽不均或通風氣或黃色赤色乳無滴漉或煎
煉火色不調一煎已後不復易水服之令人發淋又稱
乳有三種一種石乳其洞純石石津相滋陰陽交媾具
蟬翼致者其性多溫一種竹乳其洞通生小竹竹津相
雜石狀如竹其性多平一種茅乳出茅山其山土石相
雜濕生茅草茅津相滋形質潤滑其性多寒三種皆以
光澤者爲善餘處亦有不可輕信雷氏曰凡使勿用頭
處厚餅尾大者爲孔公石不可用也如色黑及經火驚
過併又落在地上收者與曾經藥物製者俱不可用須

要鮮明白亮輕薄潤澤如膏胡箭子者乃佳。修治取石
鍾乳入兩用沉香零陵香藿香其松白茅香各一兩和
豆腐漿一斗煮過以漿乾取出五味香料可以紫背天
竺甘草各一兩取新汲井華水一斗同煮水乾攤出拭
乾緩火焙之入臼杵杵篩過入石鉢中令少壯有力二
三人不住手研三日夜然後以清水飛澄罩以絹籠日
中曬乾入鉢再研三遍轉乃以潔淨磁器收之又大清
煉鍾乳法云取細末置金銀器中以密蓋勿令洩氣隔
湯蒸之自然化作水也。藥性論云石之津氣鍾聚成
乳滴溜成石故名又名鴛管石者象其中空之狀也若
蟬翅輕薄色白光潤得此無問厚薄而作。
儻如枯骨死灰色及黯赤二色俱不堪用。

○石鍾乳溫肺氣主欬逆壯元陽健脚弱之藥也成氏曰

此藥水煮則平火煉則毒前古主欬逆上氣以氣虛寒
則不得歸原而上逆矣石乳溫而鎮墜使氣復丹田而
病自愈如別錄之壯元陽健脚弱甄氏之通節竅發聲
音亦取此溫中降下達丹田之意耳。繆氏曰雖能溫中

煖下焦。尙須審察投用。況病有涉溫熱者耶。世人病陰虛有熱者。十有八九。陽虛內寒者。十無二三。自唐迄今。因服石乳而發病者。不可勝紀。服之而獲効者。當今十無二三。經曰。石藥之性悍。真良言也。尊生之士。無惑方士有長年益壽之說。而擅服之。自取其咎也。

○李時珍先生曰。內經云。石藥之氣悍。朱丹溪痛言其害。則乳可廢耶。夫石鍾乳爲慄悍之劑。令陽氣暴充。飲食倍進。而形體壯盛。昧者得此。自慶益肆。淫佚精神暗損。石氣獨存。孤陽愈熾。久之營衛不從。發爲淋瀝。變爲癰疽。是果乳之咎耶。抑人之自取耶。凡陽明氣衰。用此以救其衰。疾平則止。亦何不可。但不當久嗜。以濟慾耳。種

樹書云凡菓樹中作一孔納鍾乳末少許固密勿洩其氣則結菓實多而味更美納少許於老樹根皮間則老樹復茂則鍾乳益氣令人有子之說亦可類推又按張果醫說載帥臣雷世賢多侍妾常餌砂母鍾乳其妾父苦寒泄不嗜食求丹十粒服之卽覺臍腹如火少頃狂發投井中急救出卽遍身發紫泡而死又沈括筆談載襄英公性豪侈纔睡卽身冷僵如死者常服僊菓硫黃每日以鍾乳粉入粥食之無恙有小吏竊食遂發疽死人之秉賦萬有不齊不可一概論也或云服鍾乳當終身忌水水能助鍾乳也然有藥勢不能發須其動而激發者正如火少必借風氣鼓之而後發火盛則鼓之反

爲害矣。凡服諸藥皆倣此。

○集方治肺氣虛寒欬逆上氣元陽不固腰脚冷疼關節不通乳汁不行首聲不振等證取韶州鍾乳石無間厚薄但明淨光澤者卽堪入藥惟黃赤者不用置於金銀器中大鍋著水煮之令如魚眼沸水減卽添如乳石少煮三日夜乳石多煮七日夜候乾色變黃白卽熟取出去水更以清水煮一日其水色清不變卽止乳石無毒矣入石臼中著水徐徐槌之俟碎再研覺乾滴卽添水令如米泔水狀取出入瓷鉢中徐徐研之研至四五日揩之光膩如書中白魚便以清水洗之不隨水落者卽熟如落者更研乃澄取暴乾每用一錢溫酒空心調下。

亦可作丸服。○治肺虛喘急連綿不已。用鍾乳石製煉如前

五錢黃蠟二兩。鎔化和鍾乳粉飯鍋上蒸軟。丸如梧子

大。每溫湯送下二丸。○治吐血損肺。用鍾乳石製法如前

服一錢糯米湯調下立止。○治廣瘡結毒爛壞鼻梁及

陰蝕陽物。用鍾乳石製法如前一兩配乳香沒藥瓦上焙象

牙末各五錢。蛀竹屑八錢。枯白礬三錢。俱為細末。白蠟

用鐵刀輕輕刮下。浮衣四錢。總和勻。每早晚各服二錢

土茯苓煎湯調下。

麥飯石味甘氣溫無毒

李氏曰麥飯石隨處山溪中有之大小不等或如拳或如鷄卵或如錢或如餅狀似一團麥飯有粉點如豆如米其色青白於溪間石中尋有此狀者即是

○麥飯石治一切癰疽發背之藥也蘇氏曰大凡石類多治癰疽世傳麥飯石膏治發背瘡甚効乃山人呂子華秘方其方取麥飯石碎如碁子炭火燒赤投米醋中浸之如此十次研末篩細再入乳鉢內用數次手力更碾五六日要細膩如麵狀取四兩鹿角一具要生取連腦者更好截成寸許用炭火燒令烟盡存性爲末研極細取二兩白蘇生研末取三兩三味總和勻用三年陳米醋入鐵鍋內煎令魚目沸起旋旋入藥在內用竹杖子

不任手攪熬時以稀糊得新傾在磁器內待冷以
油紙蓋收勿令飛塵入用時以鷺鷥膏於腫上四週
赤處盡塗之中間錢大乳換氣如未消膿即肉消膿
作頭即撮小已潰即排膿如病久肌肉爛落見出筋骨
者即金軟帛上貼之乾即易逐週瘡口收斂已潰者先
以豬蹄湯洗去膿血軟帛搥乾後用藥初時十日一洗
一換計日後二日一洗一換此藥要研極細方有效若
不極細塗之反作痛也用此藥時切忌行經并有孕婦
人及雞犬見之瘡口切忌風吹及一切穢氣誠能守禁
忌無有不瘥○又按北齊馬嗣明治背瘡方取溪中蘆
蘆仁如鷺鷥大者猛火燒赤納濃米醋中當有屑落再

燒再淬。醋乾再加。至石盡醋中。取屑。日乾。研細。篩極細末。和醋塗之。立愈。

石蟹味鹹。氣寒。無毒。

馬氏曰。石蟹生南海州土。云是海畔活蟹。年月深久。水沫相着。因而化成。石每遇海潮。即飄出。李氏曰。按顧玠海槎錄云。崖州榆林港內。半里許。土極細膩。水最寒。但蟹入則不能運動。年月深久。竟成石矣。外有石蟹似蟹。出潮邊。不魚似魚。出潮山。縣石魚山。並不入藥用。

○石蟹開寶方。主目淫。膚癢。青盲。解天行熱疾。煩渴。化蠱毒。丹毒。喉痺。並宜熟水磨服。

石燕味甘。氣涼無毒。

蘇氏曰石燕出永州初陽縣江畔沙灘上有之形如蚌而小堅重如石也李氏曰石燕有二種一種是此石狀類燕而有文圖大者為雌黃小者為雄一種是鍾乳穴中石燕狀似蝙蝠食鍾乳汁能飛乃禽類也今俗人不察往往以此石燕為助陽藥用於方書誤矣

○石燕唐本草主摩目翳通淋閉止消渴催難產止赤白濁帶之藥也用以麤石器中磨水服之一月諸疾悉平

原缺

起石味鹹氣溫無毒入右腎命門

別錄曰陽起石卽雲母根也。出齊山及雲山泰山。諸山谷中。蘇氏曰。今唯齊州采取。他處不復見矣。土山石出其中。彼人謂之陽起山。其山嘗有暖氣。冬大雪。獨無積白。若石氣蒸然也。山惟一穴。法禁不開。每歲初冬。州官遣夫監采。第歲月久。其穴益狹。繫他石得之甚難。以白色明瑩雲頭兩處。輕軟若銀牙者爲上。黃色者亦佳。其中稍帶黑母者。稱上品也。採擇上供者。餘者州人方貨出。不關無由得也。玉冊云。齊州獲金山出者。爲勝其尖似箭簇者。力強。如狗牙者。力弱。置雪中。然沒跡者。爲上。案錄上。飄然飛舉者。爲真。○陽起石壯元陽。暖子藏。逐濕痺。健腰膝。補養命門。不足之藥也。方龍潭曰。此稟純陽之氣以生。其山產石之處。冬不積雪。爲壯陽暖腎。逐濕除寒之用。可知矣。故前古主房中漏下。癥瘕結氣。寒積腹痛。陰痿無子。別錄又主。墜寒陰冷。陰汗濕癢。水腫腹脹。大氏又主婦人冷帶宿。

石煤味苦其辛。氣溫。有毒。可升可降。

李氏曰。石煤南北諸山生產亦多。昔人不用。故謀之者少。今北方以代薪炭。幾假煉鐵器。大為民利。土人皆聚山為穴。橫直十餘丈。取之。有人唱如石。而光者。有疎散如炭末者。俱有硫黃氣。以酒噴之。即解。昔人言夷陵有黑土。為劫灰者。即此類也。援神契云。王者意至山陵。則出黑丹。水經言石煤可書字。然之有焰。夷堅志云。彰德南郭村井中產石墨。宜陽縣有石墨山。潯陽縣有石墨洞。燕京之西山。楚地之荊州。鎮國州。江西之廬山。袁州豐城。潁川。浙之嘉湖。郡縣皆產石煤。可以炊爨。並此石也。人有中石煤氣者。皆至死。能滿冷水即解。

○石煤主婦人血氣刺痛欲死。小兒痰癰。搗搗未甦。金瘡

跌撲血出不止之藥也。薛氏曰。此得地之伏陽天之玄

靈之氣。以生。似土石而實含陽燄。遇火作焰。有水亦燔。

此石藥中之神品也。以其法火如癥瘕血結。惡血血暈

刺痛如死狀。痰癰搗搗客忤卒死。金瘡跌撲肉破血泄

凡死厲之屬陰凝留礙有妨生氣者。仗此陽暄爲之救藥。則血氣可行。痰癰可定。血出可封。倘漲火勝血燥之疾。自當束置。

○集方治產後兒

方脈正宗

枕刺痛及月經不行。惡血結滯疼痛。用

石煤五錢。當歸尾四錢。川芎三錢。玄胡索二錢。烏藥一

錢。俱爲極細末。每服一錢五分。白湯調服。○治小兒痰

癰摘撮。客忤等疾。頻發者。用石煤五錢。膽星三錢。天竺

黃二錢。俱研極細。遇發每服五分。薑湯調服。○治金瘡

出血不止。急以石煤研極細末。厚敷之。卽止。如瘡深不

宜速合者。本方如滑石末減半和用。

石灰味苦辛氣溫有毒

蘇氏曰石灰南北皆有取石山不勝采燒李氏曰今人作窯燒之一層柴或石柴累青石一層相間打叠其中自下發火三晝夜層層自焚而成灰大塊不夾生石者佳可以風化可以水化風化者取灰置風中片自解水化者以水灑之即刻熱蒸液化成糊以此糊墻壁極堅固或用水灌即刻熱蒸液化成糊以此糊墻壁極堅固

○石灰止生血散死血墮胎娠化積聚消死肌滅蟲疥去

則錄黑黯之藥也陶氏曰此藥性燥至烈古人用療金瘡止

血大効五月五日採青蒿搗汁和古石灰搗為團陰乾

為末傅跌撲破損出血立止併不潰爛李氏曰但不可

着水着水不免爛肉

○集方治中風口喎用新石灰炒熱米醋調如泥塗之左

喎塗右右喎塗左立時牽正○治痰厥氣絕心頭尚溫

者用千年古石灰三錢爲末和冰煎滾澄去滾水再和
冰一盞煎滾澄清瀉之痰降自愈○治乾霍亂轉筋腹
痛欲死用千年古石灰一錢爲細末沙糖水調服○治
死胎不下用千年古石灰爲細末滾酒調下十錢空心
服○治腹脇積塊用新解風化石灰四兩爲末鐵鍋炒
極熱入大黃末一兩再同炒紅取起入肉桂末五錢和
勻米醋調成膏攤厚帛上貼之○治婦人血氣刺痛用
千年古石灰爲細末拌猪血和成餅晒乾再爲細末每
服五分醋湯調服○治癰疽瘀肉不落用新解風化石
灰蕎麥稽灰各八兩和勻用竹籬盛灰以水二十碗淋
汁盡復填入灰籬內如此淋五遍熬成稠糊取少許塗

瘰癧肉上自落。○治瘰癧瘻久不合。用古塚中石灰厚傅之。

○治痔瘡有蟲。用千年古石灰。川烏炮各等分。爲細末。

取少許傅痔上。日一次。再以米糊爲丸。梧子大。每服三

十九。白湯下。○治疥瘡有蟲。用新解風化石灰淋汁煎

熱洗之。○治痰核紅腫發寒熱。用新解風化石灰爲極

細末。和白菜肉同搗成膏。傅貼之。○治面鰕疣瘡。用新

解風化石灰一盞。水調稠糊。用圓圖糯米數粒。半插石

灰糊中。半露石灰糊外。經宿。米色變如水晶。先以針微

撥疣瘡。點少許。經半日。汁出。剔去藥。不得着水。二日愈。

○治疣瘡。用新解風化石灰。桑柴灰各二兩。拌勻。用竹

籬盛灰。水十碗。淋汁盡。復填入灰籬內。如此淋七遍。熬

督刺破疣痣點之自落

○續補集方治血風寒濕瘡用千年古石灰配白蛤粉各等分研極細敷瘡上痛止而愈○治卒發風癰用新解風化石灰爲極細末淡醋水調塗隨手滅去○治夏月癰瘡用新解風化石灰一兩白蛤粉二兩甘草八錢共研細撲之○治杖瘡腫痛用千年古石灰麻油調搽不問甚妙○治身面疣目用新解風化石灰米醋浸六七口取汁頻滴之自落○治風蟲牙痛用千年古石灰爲末四兩蜂蜜三兩拌勻成團鹽泥封固火煨一日研末擦牙立效兼治酒積下痢每早服一錢半日愈○治偏墜疝氣作痛用千年古石灰五倍子山梔子各等分俱

炒燥爲極細末。白麪少許酒和稀糊敷之一夜卽消。○
治白帶白淫不止用千年古石灰一兩白茯苓三兩共
爲末米糊丸梧子大每服五十丸半月卽愈。○治水瀉
不止用千年古石灰爲細末白湯調服一錢立止。○治
血痢休息二三年不止用千年古石灰爲末取三錢煎
水一盞澄清飲日三服次日再如法煎飲十日愈。○治
產後產門不閉或陰挺脫用新解風化石灰五合和水
十碗煎滾以瓦鉢盛湯腿下熏之用被覆蓋。○治刀刃
金瘡併跌蹠撲打損傷出血用千年古石灰爲極細末
敷之以布帛緊裹不可經風立時止血定痛。

治杖瘡。用隔年風化石灰五錢。研細末。用井水一碗調用。銀簪順攪。十餘轉。如膏。用鵝羽搽上。卽佳。○治狗咬潰爛。不收并。治刀斧傷損。及跌打傷損。用風化石灰一合。大黃一錢。炒燥。研末和勻。菜油調塗患處。

治杖打敷藥方。用風化石灰生半夏末。降香末。大黃末。黃芩末。各等分。麻油調敷。患上內有服藥方。見隰草類。芋根集方下。長肉生肌。膏藥方。見蟲部卵生類。白蟻集方下。○治疔腮腫痛。用礮石灰爲末。不拘多少。炒七次。地上簪七次。米醋調敷。腫處立消。

治跌打損傷。用蕤薺中磚瓦。多年者火煨紅。研極細。以好酒調服。五分。立愈。

毒石類

砒石味苦酸氣大熱有大毒

李氏曰砒石性猛如貌故名出信州近錫坑處有之鑿坑下取生砒謂之砒黃色如牛肉或有淡白路謂石非石謂土非土一極碎屑夾石者乃燒煉去夾石凝結者大塊色微黃赤更甚此入藥用必須生者中此毒以菜豆粉糞清冷水皆可解

○砒石祛時瘡除胸喘化痰肉之藥也李氏曰砒乃大熱

大毒之藥其性猛烈悞食頃刻殺人如時瘡之藥少服一二釐亦嘗奏効故聖人亦存而不棄也凡時行瘡疾因暑熱外受生冷內傷寒熱不均相因病瘡內蓄痰涎伏於營分故發則寒熱往來頭眩胸悶少服一釐冷水吞下伏涎頃消故瘡疾可止如胸喘之病因肺有伏積

冷涎或觸冒寒暑風濕之邪即發或遇怒氣勞傷即發或值饑飽失度即發少用一二釐溫湯調服伏延頸開故胸喘可除如化瘀肉一證見癰疽發背諸潰瘍證膿血內閉不出瘀肉堅硬不腐以致膿潰日深生肉日敗以砒石末數釐和入黃蠟條內納入癰毒瘡中則瘀腐自化膿血自行但見効即去不可多用久用也然大毒之性又不可輕行妄試如瘡疾邪汗未出表邪未清宜清散解溫或久瘡陰虛陽乏宜大補氣血砒石不可用也如胸喘肺熱裏虛或兼陰虛勞損宜滋養正氣砒石不可用也如瘰肉不化由於陽氣不充胃虛不食癰瘍見七惡而神氣委弱者砒石不可用也何氏陳氏不究藥性如此酷

烈有毒。其本草方云解熱毒。化熱痰。治癖積。磨服數分。調水飲之。倘依方悞服。此真殺人。不待刃耳。兩賢立方之意。殊不知其何如也。特書此痛言之。以爲後人之戒云。

○樓奇曰。一婦病心痛數年間。月日嘗發。百藥不愈。一醫用砒石三釐。茶末一分。共爲末。白湯調下。吐瘀血一塊。而愈。得口華子治婦人血氣心痛之旨乎。○一童子遍身生雲頭癰。作圈如畫。或大如錢。或小如筆管文印。一醫用砒石一二分。研極細。以米湯五六匙稀調。用新毫筆依癰圈塗之。三日滅跡。

○今之藏瓶酒者。往往以砒烟熏瓶。藏酒數年不壞。今造

○烟火家火藥內用少許則爆聲更大其急烈之性可知矣。

礬石味辛甘性大熱有毒。

李氏曰礬石有數種白礬石蒼礬石紫礬石紅皮礬石桃花礬石金星礬石銀星礬石特生礬石俱是一物但以形色立名其性皆熱而有毒並可毒鼠制汞惟蒼白二色入藥用諸礬石生于山則草木不生霜雪不積生于水則水不冰凍或有溫泉其氣之熱可知矣。

○礬石化腹內冷積癥瘕堅癖除冷濕風痺寒熱邪氣之藥也陸氏曰礬石之力十倍鍾乳溫肺暖胃無出其右宜火煉百日可服如生用毒若砒石損人藏府爲害莫救。